

PAVLI. MANVTII  
PRAEFATIONES  
QVIBVS. LIBRI

AD. ILLVSTRES. VIROS  
AVT. AD. AMICOS  
MISSI

COMMENDANTVR

MADEIRA, 1841  
A. J. B. ...  
...  
...

1841  
...  
...

...  
...

...  
...

...  
...

...  
...

...  
...

...  
...

...  
...

AD. MATTHAEVM. SENAREGAM.  
AMBROSII. FILIVM.  
IN. EPISTOLAS. CICERONIS  
QVAE. FAMILIARES  
APPELLANTVR

VO ne, Matthae Senarega, an meo di-  
cam felici contigisse fato, ut, relicto Lo-  
uanienſi celeberrimo gymnaſio, quo, tã-  
quam ad mercatum bonarum artium,  
uirtutis & eloquentiae comparandae cauſſa con-  
ceſſeras, Venetias te hoc potiſſimum nomine contu-  
leris, quod noſtri, ut ipſe dicere ſolitus es, uidendi &  
cognoſcendi mira quaedam te cupiditas incēderat?  
tu quidem, ſi tuum ſenſum explorē, uiſ me hoc tri-  
buere fortunae tuae. nam, quod ita euenerit, nō mo-  
do ut ad amicitia et conſuetudinē, uerū etiam ad cō-  
uiſtum, & contubernium meum tibi aditus patue-  
rit; in eo, quaſi tibi quiddam expetendum contigerit,  
plurimum ipſe tibi ſolitus es gratulari. de quo, non  
eſt meum ſtatuerе, uere ne ſentias, an ſecus. at illud  
meum eſt, paucis oſtendere, cur tu contra mihi cariſſi-  
mus, iucundiſſimusq. ſis, & quod nunc in meis aedi-  
bus mecum habites, mecumq. uiuas, in eo ego quo-  
que meae felicitatis aliquid agnoſcam. nam, ſi tu ita  
de me ſentis honorifice, quod iudicio mouearis: ae-  
quum eſt mihi a te concedi, ut ego de te non minus  
uere, quam tu de me, iudicare poſſim. ſin iſtam tibi  
de me opinionem peperit humanitas: me quoque.

non solum natura, sed ipsa iam ratio docuit, praeclarum esse humanitate excellere. itaque do me libenter in eam partem, ut homines officijs colam, laudibus exornem, re, si opus est, pro mea tenuitate sustentem. Sed mehercule ego de te, mi Mattheae, a uero animi mei sensu iudico: nihil me gratia, nihil afficit ambitio. Primum, cum aliquoties mei salutandi causa domum meam uenisses, pellexisti me in amorem tui, comitate morum, & lenitate sermonis: deinde, quod iam non tibi modo, uerum & alijs potentibus negaueram, atque excluderam, ut ego te domo reciperem, eloquentiaeq. studijs erudirem, multis precibus usus peruicisti. Nec mihi tamen, quod tibi, meorum sermonum cupiditate flagranti, meamq. domesticam consuetudinem petenti, satisfecerim, adhuc uenit in mentem paenitere: quin, quo plus ad nostrum conuietum accedit temporis, eo maiorem e tuis moribus, tuisq. studijs haurio suauitatem. non enim tam hoc in te laudo, quod certe in adolescente summa laude dignum est, quod a studio doctrinae non te suis illecebris uoluptas, non commodum, non ipsa uoletudinis ratio deducit; quam illud & admiror, & praedicare satis pro dignitate non possum, quod in tuis cogitationibus haec tibi prima est, & antiquissima, ut Deum optimum maximum, a quo uno, quae uere bona sunt, emanant omnia, humanis rebus, quae fluxae nimis, infirmaeq. sunt, omnibus anteponas. Perge adolescens optime in hoc praeclaro diuinoq. sensu.

haec

*haec est omnium rerum una nobilissima, una, mihi crede, quae omnium Philosophorum scientias, una, quae omnium Regum opes facile uincat. quare tu quidem oblecta te, quod facis, eloquentiae studio; in qua, quo modo principia se dant, futurum auguror, ut breui superiorem neminem, aliquando ne parem quidem habeas. sed illud stet in primis, neque umquam excidat, omnium uirtutum pietatem in Deum esse fundamentum. ac uide, quot inde tibi bona fluant. Primum, tuae saluti consulueris egregie. animi salutem appello, non corporis. decet enim nos aeternam potius illam uitam, omni felicitate circumfluentem, quam hanc, quae temporum spatijs definitur, miserijs numquam uacantem, cogitare. deinde, patrem tuum, qui, ut audio de multis, atque etiam de te ipso; humanam prudentiam prae diuina religione nihil esse putat; incredibili uoluptate laetitiaq. perfundes. cui quantum debeas, non ex eo solum intellige, quod pater est; sed quod is pater, qui te filium uult esse inter tuos ciues omni reflorentem, atque honoratum; qui te consilijs a puero sapientissimis erudiuit; qui te suo exemplo, suis optimis institutis, ac factis ad laudem quotidie uocat. Tali patri, tam probo, tam tui amanti, tam libenter suas omnes curas in te consumenti, curare debes, ut id, quod reliquum est uitae, per te sit iucundissimum. quod ita consequeris, si statueris, quibus artibus ideo nunc operam das, ut aliquando ce-  
teris hominibus, elegantia sermonis, & scientia re-*

rum antecellat, earum artium infirmam esse gloriam, nisi perpetuo erga summum Deum amore studioq. fulciatur. mihi quidem, cui tu carissimus esse aut uis, aut certe ita uideris uelle, ut mihi persuadeas, magis ulla re placere non poteris, quam si te in eo, quod instituisti, uitae innocenter & cum uirtute degendae studio constantem, tibiq. simillimum uidero. Et, ut iam nunc intelligas, quos in animis hominum amoris igniculos uera uirtus accendat; scis quintum abhinc mensem mihi tecum nihil fuisse, te mihi numquam uisum, ignotam mihi tuam faciem, obscuram nomen. nunc, apud me quo loco sis, intelligere te puto. paucissimis diebus ex conuictu consuetudo, ex consuetudine amor, ex amore familiaritas exorta. itaque tecum & saepissime sum, quod sub iisdem tectis necesse est, & admodum iucunde, quod ea, quae in tuis moribus elucet, probitate consequeris. Et, quoniam is ego sum, qui, quo me uoluntas ducat a ratione profecta, eo libenter sequar; gessi morem animo meo, tacite hortanti, ut hanc meam ad te amandum propensionem non modo tibi, sed, quatenus ego possim, reliquis etiam hominibus illustri aliquo officio ac munere declararem. cumq. tulisset casus, ut hoc tempore Ciceronis epistolae familiares, eae, quas tu iam legendo et peruolutando triuisti, denuo typis, ut nunc loquimur, essent imprimendae; per opportuna ad id, quod uolebam, uisa res est, nam, hunc librum si cum tui nominis inscriptione publicarem, putauim me facere quiddam,

quiddam, quod utrique nostrum aequè conueniret : tibi, quia ex his primum Ciceronis epistolis ad latinæ orationis elegantiam informamur, ex his primus eloquentiae quasi succus, qui qualis initio fuerit, permagni interest, ebibitur : mihi, quia, cum hic liber omnium fere uersetur inter manus, circumferet, id quod ego cupio, tuum nomen, & meum de te iudicium, meamq. spem quamplurimis ostēdet, quorum alterum est eiusmodi, ut ego tibi nunc ex aequalibus tuis neminem in ullo genere laudis anteponom : altera, cum aetate processeris, ea mihi de te pollicetur, quae si eueuerint, (omnium autem rerum euentus in Deo positus est) uir eris inter uiros maximus, habebit ate familia tua memoriam nominis sempiternam, patria uero exemplum in ciuitate uirtutis excolendae praeclarissimum. Venetijs, MDLIV. mense Maio.

AD. CAROLVM. PISAVRIVM  
LEONARDI. FILIVM  
IN. EPISTOLAS. CICERONIS  
AD. ATTICVM

BENEFICIORVM, Carole Pisarri, non eadem omnium est ratio. multi; quid detur, spectare solent, sua quidque magnitudine metiuntur, nihil attendunt praeterea: ego potius, quibus de causis, & a quo homine detur, animaduerto; ac, si quid in aliquem, aut in me ipsum collatum est



gratiae, tanti soleo aestimare, quanti uidetur is, qui contulit aestimandus. hinc fit, ut, quae a patre tuo, uiro sapientissimo, & cum alijs laudibus ornato, tum uero omnium, quos ego in uita nouerim, humanissimo, quae item a patruo, qui nuper magno bonorum omnium maerore mortuus est, Ioanne Maria, Paphi Episcopo, excellenti non minus doctrina, quam bonitate, praedito, diuersis temporibus in me profecta sunt officia, ea quamquam summa non fuerint, (neque enim tulit occasio, neque rationes meae postularunt) pro summis tamen acceperim, & earum rerum loco duxerim, quas qui possident, beati existimantur. fons enim ille, unde manarunt, amor fuit, & cum amore iudicium, quod uterque de me habuit: quod equidem, si potero, tuebor officijs: studio certe, omniq. prorsus cura, atque industria bonum uirum, meritorumq. memorem praeſtabo. quod si liceret ingenium cum uoluntate coniungere: ut alterum alteri responderet, & cupiditati uires aequarentur: illustrarem beneficia uestra; ac fortasse efficerem, ut gratia mihi a uobis aliqua deberetur, gratiam persoluenti. uerum, ut, hoc quidem ab infirmitate mea sperari minime posse, non solum intelligo, uerum etiam ingenuè confiteor: sic illud facile polliceor, uereq. affirmo; si quid aut iam est in me facultatis, aut erit aliquando, ijs, in quibus & due uersor, studijs partum, & uigilijs, uelut me id in omni mea uita, quantumcumque erit, seruire totum uestrae laudi, tuae prae-



praesertim; quae cum a meis praeceptis, & consilijs originem duxerit, exornabo eam; tamquam opus meum, quibus potero artibus, quae licebit industria; florentemq. pulcherrimus uirtutibus alumnū in disciplinae meae cum inspiciam, gratulabor utrique nostrum pariter; fructumq. amoris & studij ueteris in te mei ex tua gloria uberrimum capiam.

Ac tu quidem, mi Carole, cum tibi nasci contigerit ex ea familia, in qua semper uerus honor, & splendor uirtutis enituit, nihil debes humile cogitare, nihil angustum, nihil obscurum, aut inane. excelsa petat animus tuus, ampla, illustria, plena dignitatis, & gloriae. quo te semper a tua prima pueritia mea uox incitauit; quo pater tuus, cuius ad te cogitationes curaeq. referuntur omnes, assidue cohortatur; quo denique te uocant maiorum tuorum exempla; quorum nomina nulla dies exstinguet, nulla obscurabit obliuio. non enim, si praestiteris ea, quae a te expectantur, quae maxima sunt, nouum in tuam familiam decus inferes: antiqua renouabis, praeclaramq. consuetudinem retinebis in tua domo laudis expetendae, exercendarumq. artium optimarum: quibus instructos, utiles fuisse patriae ciues, sibi & familiae gloriosos, de tua gente multos, si annales euolueris, inuenies. Verum, quando te sacris addixisti, & illud uitae genus complexus es, quod est totum in laudabili ratione, totum in praeclaris cogitationibus & factis constitutum; non te libera uoluntas, ut alios, ad honestum re-

208

ctumq.

Etumque ducit; sed, quo te primum die ad religionem contulisti, eodem die legem ipse tibi imposuisti perpetuae continentiae; exclusisti rerum inanum cupiditatem; uellet ad solidam laudem omnia referre, uelle summi Dei gloriam in omni uita, idest tuam saluam, spectare professus es. Quare non tibi monitores, quorum te moueat oratio, expectandi: ipse te excita, ipse acue, & impelle. multae sunt propositae adolescentibus uiae, fallaces, obliquae, insidiosae, oculis iucundae, specie quadam obiecta uoluptatis: in quibus errare quotidie uides, & labi, ducem sequentes libidinem, non rationem, de tuis aequalibus quamplurimos. tu uiam uirtutis ingredi, simplicem, rectam, apertam, principio fortasse difficilem, atque asperam, exitu certe salutarem, & gloriosam. hanc, inquam, uiam, signatam, & impressam uestigijs proborum sanctorumque uirorum, si uis ipse tibi carus esse, si uis ipse tibi recte consulere, unam ingredi: aut, si ingressus iam es, curre per eam celeri gradu ad ea, quae te manent, praemia immortalitatis. Haec ego, pro meo in te amore singulari, uetereque erga parentem tuum studio, scriptis tecum ago, quae sermonibus & libentius agerem, & saepius, si liceret. sed, quando te Patanij tua studia, a quibus abduci non debes, me Venetijs mearum rerum ratio, & uoletudinis detinet infirmitas: proficiscetur ad te mea uox, his consignata litteris: quae tecum erit perpetuo, ubi eumque fueris, te prosequetur, quocumque ineris.

nec

nec uero dubitari, quin ea tibi paullo gratior esset futura, coniuncta cum Ciceronis uoce, idest cum ijs epistolis, in quibus cum Attico, familiar: suo, non minus grauitate, & sapienter, quam eleganter, & splendide loquitur: fructum, ut spero, capies ex utraque non uulgarem: ego enim, ut uelis optima, te hortor; Cicero uolentem adiuuat; ornat enim eloquentia, consilijs instruit sapientissimis. nam disputat saepe in his epistolarum libris, sermone perquam eleganti, de statu reip. de uitij Principum, unde fluunt exitia ciuitatum, de uicissitudine fortunae. qui tibi erit, accutate legenti, sapientiae fons uberrimus. A me uero munusculum hoc habebis, meae in te uoluntatis & studij argumentum. exiguum, inquires: fateor: sed uelim spectes animum, non rem: quam tamen ne ipsam quidem debes contemnere: siquidem eiusmodi est, ut tuas, tuorumque laudes, a me non expressas, sed tamquam tenui penicillo designatas, simul cum beneuolentia mea cunctis gentibus patefaciat.

Venerijs, MDLII

AD BENEDICTVM ACCOLTVM

RAVENNAE. CARDINALEM

IN ORATIONVM CICERONIS

PARTEM. PRIMAM

MAXIME esset optandum, Accolite clarissime, ut, quae olim a doctissimis uiris magno labo-

re,

re, magnisq. uigilijs sunt elucubrata, ea nostram ad aetatem peruenire omnia potuissent. artium plurimarum scientia, quarum adiumento ad uitam recte instituendam indigemus, non desideraretur. uerum ita casu nescio quo accidit, ut ex ijs scriptis, quae ueteres illi, homines sapientissimi, reliquerunt, non solum multa prorsus interierint, sed etiā, quae in hanc diem seruata sunt, ita deprauata, ita mutila legantur, ut saepissime uix, aut ne uix quidem intelligi possint. hoc incommodum pater olim meus magna ex parte sustulit. cuius industria multos excitauit, ut, eandem rem aggressi, iacentem litterarum laudem pro suis quisque uiribus subleuaret. quod si alij fecerunt, tantum aemulatione gloriae permoti: certe, cur ego id faciam, hoc plus habeo caussae, quod, cum pater studiosis id, quod in hoc genere promiserat, morte praeventus praestare non potuerit, hoc me nomine ita appellant, quasi ad filios soleant non paternae solum rei, sed uoluntatis etiam hereditas peruenire. haec me, ut debet, opinio multum mouet, sed auctoritas tua plurimum: quam ego tanti soleo facere, ut, quamcumque tu probas rationem, ea demum & utilis mihi, & honesta uideatur esse. tu igitur cum ad hoc posteritatis adiuuandae studium nos & uehementer, & saepe sis cohortatus; effecisti, ut in eam rem tanto alacrius incumbamus, quanto plaris apud me tua, quam reliquorum omnium, consilia sunt: quod si labore, studio, diligentia profici in hoc genere quidquā potest,

potest, ut certe potest: magnopere spero fore, ut neque te officij tui in me admonendo neque liberalitatis in adiuvando paeniteat. cuius rei quasi specimen erit haec prima Ciceronis orationum pars; quam ex ueterum exemplarium collatione diligenter emendatam, in manus hominum sub tuo nomine emittimus. nam, cum usu, & consuetudine ita comparatum sit, ut, quibus rebus Principes uiri delectentur, in ijs rebus multi suum studium probare uelint; ex quo fit, ut ab alijs canes, ab alijs equos, aut aues nobiles dono dari uideamus: commode me facturum existimaui, si quid ego eius generis ad te mitterem, quod omnibus te praeferre uoluptatibus intellexissem. soles enim quotidie fere a grauissimarum artium tractatione, in haec studia, quae sibi ab humanitate nomen adscinerunt, quasi in hortum amoenissimum, diuertere: ubi te modo oratorum, & poetarum flores, modo dulcium amicorum colloquia mirifice delectant: ut praeter id temporis, quod uoletudini dare soles, quod sane pusillum est, hora nulla sit, quam non in litteris, & cum uirtute traducas. quam tuae uitae ratione qui ignorant, mirantur scilicet, unde illa tibi in aduersis rebus fortitudo tanta, unde animi robur illud inuicti, quod ne illa quidem ipsa, quae in rebus humanis Fortuna dominatur, ullo pacto poterit infringere; contra cuius uim duplici te praesidio munieris, artium maximarum cognitione, & mentis optimae conscientia. haec est aliarum uirtutum, quae in te sunt multae,

tae, quasi princeps, & regina quaedam; ut in alijs neminem tibi anteponere, in hac ne conferre quidem possim. Nam de prudentia, de pietate, de iustitia, ne uidear assentari, nihil dicam: ne de liberalitate quidem; quae tamen ita nota est, ut non, qui eam laudet, assentator, sed, qui non laudet, maleuolus existimetur. cum enim haec dandi beneficij ratio eiusmodi sit, ut nulla certior ad laudem, nulla item magis lubrica uideatur uia; propterea quod in beneficijs collocandis plerique fortunam hominum spectare solent, ut eandem gratiam, aut etiam cum fenore recipiant: non est, quod in hoc te labi quisquam arbitretur; cum & rarissime contingat, cuiusquam opera ut egere uidearis, & tu tamen quamplurimis, ob eximiam naturae tuae liberalitatem, atque amplitudinem, benigne facere & soleas, & possis. & cum de omnibus ad bene merendum natura es maxime propensus: tum uero ipsa te ratio atque doctrina ita cōformauit, ut ad eos honestandos, qui se ijs artibus, in quibus ipse excellis, dedidere, tuum soleas studium libentissime conferre. quae quidem humanitas & beneficentia tua non sane uideo qui possit in ullo maior esse, quam in me tuendo fuit. quae est enim a te res, quae ad meum commodum attineret, praetermissa? quis diligentius est adhortatus, ut hanc restituendae antiquitatis laudem, qua pater meus olim excelluit, paene afflictam excitarem? quis eam ipsam ad rem perficiendam plura contulit? cum etiam magnis Principibus,



pibus, tui simillimis, ita me commendaris, ut, iudici tui testimonio permoti, non minimis ad se praemijs euocarint. Quae cum recordor, etsi me ipsum probe noui, tamen interdum mihi assentor, & mihi aliquid uideor esse, quod a te sim ornatus. haec me inanis ambitio ita delectat, ut illum dolorem, quem ex difficultate capio remunerandi, si non tollat, minuat quidam certe. quamquam tu is es, qui te satis superque remuneratum existimas, si modo id, quod dedisti, ab eo, qui accepit, intelligis memoria teneri. quo in officio praestando, uolui credere quæquam esse, qui me uincat. & huius quidem rei confido fore ut aliquando eiusmodi a me signa dentur, quae nullum cuiquam de mea in te uoluntate dubitandi locum relinquunt: nunc earum rerum, quas ipsi quidem hoc tempore possumus, maxima, primum, ut dixi, Ciceronis orationum uolumen in tuo nomine apparebit. omnino neque amplitudine tua, neque ijs officijs, quae in me contulisti, digna res uidetur: sed, ut spero, muneris nostri tenuitatem humanitatis tuae magnitudo subleuabit.

AD. GVLIELMVM. BELLAIVM

L A N G E V M

APVD. SVBALPINAS. GENTES PRO REGEM

IN. ORATIONVM. CICERONIS

PARTEM. SECVNDAM

MAGNI refert, Bellai ornatissime, quo quid-  
que



que tempore agatur ; & ad omnes res non paruum habere momentum solet occasio quaedam , & commoditas , qua uti dicuntur ij , qui nihil , nisi loco , facere consueuerunt . nam , quemadmodum pictorum tabulae certo loco positae delectant ; eademq. minus bono lumine constitutae , non item eorum , qui spectant , oculos tenere solent : sic actiones nostrae , mirum est , quantum opportunitate commendentur : ut interdum plus in tempore , quam in ipsa re , positum esse uideatur . quod ego cum semper iudicassem , tamen non sum ueritus , quin tibi , in ijs rebus uel maxime occupato , quas Rex Christianissimus , & post hominum memoriam maximus , tuae fidei diligentiaeq. mandauit , hoc ipsum , quod nunc a me profiscitur , officium futurum esset uel iucundissimum . nam etsi magna tibi est grauissimorum negotiorum imposita moles ; quam tu summa tua cum laude , & omnium paene gentium admiratione sustines : tamen in ipsa illa occupatione ita te litterarum tractatio delectat , ut & legas cum uoluptate , quae alij scripta reliquerunt , & scribas ipse , quae a posteris cum admiratione perpetuo legentur . ex quo illud consequeris , ut non modo Regis uoluntati seruias , quod est summa laude dignum ; sed etiam posteritati consulas , quo laudabilius esse nihil potest . itaque tantum abest , ut a maioribus tuis , omni decore affluentibus , ad te ornandum quidquam haurias , ut etiam in te sit , quod ad illos redundet . nam , si tibi aliunde petenda sit laus ; unde plura suppetant ornamenta ,  
quam

quam a fratribus tuis, maximeq. ab eo, qui a Paulo III. ita est in Cardinalium Collegium cooptatus, ut ei summus Pontifex amplissimam dignitatem non quasi optatam concessisse, sed quasi debitam persoluisse uideatur? cui quidem uiro cum ad summam gloriam nihil desit; cumq. item tibi eae res abunde adsint, quibus homines hominibus antecellere uidentur: tamen sit uestra bonitate, & sapientia, ut uicissim & tu in illius dignitate, atque amplitudine, & ille in ingenio, atque in uirtute conquiescat tua. uterque uero magna apud Regem prudentissimum, & summo iudicio praeditum auctoritate, magno estis apud omnes nomine, & gloria. nam tu quidem, quis est tam longinquus, cui notissimus non sis? non ex praesenti corporis forma, (quamquā multas prouincias Regis legatus obijsti) sed ex imagine ingenij tui; quam uerissimis eloquentiae coloribus expressam in tuis scriptis licet intueri. in hac cum & naturae tuae bonitas, & uirtutis eximia praestantia cernatur: sequitur, ut, ex ea qui te norunt, iidem ament. quorum ego in numero cum ita essem, ut nemini concederem: tamen non est credibile, quantum ad illam ipsam animi erga te mei uoluntatem addiderit Gulielmi Pellicerij, oratoris in hac urbe regij, homini praestantissimi, praedicatio. cuius multi, & egregij de tua laude sermones me iam antea commotum impulerunt, ut ex orationibus Ciceronis, cuius tu libros e manibus dimittere non soles, alteram partem cum tui nominis inscriptione

diuulgarem. quam in parte ab erroribus, & mendis  
uindicanda quantum operae, studiūq. posuerim, mihi  
ipse sum testis; quantum autem profecerim, & tu,  
& alij iudicabunt. tibi quidem, si consequar, ut no-  
stra diligentia probetur, sane meos labores non exi-  
guo compensatos esse fructu existimabo

## AD. ALEXANDRVM. CAESARINVM

### C A R D I N A L E M

### IN. ORATIONVM. CICERONIS

### P A R T E M. T E R T I A M

BENE mereri de litteris, etiamsi utilitas prae-  
terea consequatur nulla, tamen praeclarum in pri-  
mis, atque egregium esse semper duxi: quamquam,  
utilitatem spectare si uolumus, ea demum summa  
est, quae ex hoc genere percipitur. fructus enim in  
posteritatis memoria, & praedicatione positus est,  
quem nemo umquam sapiens non praestantissimum  
iudicauit. sed haec bene merendi ratio duplex ui-  
detur esse. nam & qui aliquid ipsi scripserunt, &  
qui alios uel cohortatione, uel praemio, ut scribe-  
rent, impulerunt, litteris opem tulisse existiman-  
tur. quae duae res cuiusmodi sunt, ut, qui alterutram  
commode faciat, ei scilicet a studiosis omnibus gra-  
tiae sint agenda; qui utramque, ne haberi quidem  
satis possint. Atque hanc laudem, ne apud ueteres  
quidem saepe accidit, ut unus consequeretur: pro-  
pterea quod qui ea uirtute, atque fortuna fuerunt,

ut

ut & ingenio posteris prodesse possent, & opibus, ut idem facerent, multos ad lucere; alterum facile fecerunt, ut eos, qui doctrina, & eloquentia ualerent, ad iuuanda litterarum studia excitarent; alterum facere, ut ipsi monumentum aliquod industriae suae relinquerent, propter rerum gerendarum curam non ita potuerunt. quod item nostris temporibus usu uidemus euenire. nam neque multi sunt, qui praestare utrumque possint; & qui possunt, uis fere, cum uelint, non conceditur. cuius generis exemplum; ne id, quod abest, aliunde quaeramus; concede quaeso, Caesarine praestantissime, ut a te summam; & sine me hoc impetrare a modestia tua, ut ea, quae sentio, de te dicam. certe enim, qui maiorem aut iuris ciuilibus, aut sacrarum litterarum cognitionem sit consecutus, neminem esse constat. neque tamen haec studia, quae humaniora appellantur, quae nos adhuc secuti sumus, contempsisti; in quibus etiam diligenter uersatus es, ut illa superiora, quae quibusdam ipsa per se nimis horrida uidentur, eloquentiae pigmentis, cum uelles, atque etiam quantum uelles, illustrare posses. est igitur in te ipso, unde posteritas adiuuetur. nec, ut arbitror, uoluntas deest: sed otium eripiunt maximarum rerum occupationes. nam, quia tua uirtus non humili, neque obscuro loco latet, sed quasi in specula quadam exelsa, atque illustri posita est, unde opem ostentare bonis omnibus uidetur; ideo homines accurrunt ad te, uel. ut consilium, uel etiam ut auxi-

lium petant. itaque negotijs a litterarum tractatione distraetus, ex duabus rationibus, quibus initio bonas artes adiuuari posse dixi, alteram inuitus omitteris, cum ipse nihil scribas; alteram studiose amplecteris, cum ijs, quos industria uides excellere, nulla re desis. quamobrem Hieronymus Ferrarius, qui se iam pridem tibi addixit, homo & ingenij, & iudicij laude praestantissimus, cum alia, quae a te habet, praedicare solitus est, tum illud uel maxime, quod, domi tuae uiuens, te permittente, atque adeo libente, totum diem in litteris ponit, & otio fruitur tanto, quantum deserta in regione uix esset, cuius ex ingenio qui fructus percipiuntur, qui certe maximi sunt, ij sane tuae liberalitati referuntur accepti. a te habemus, quae Ferrarius in ueterum scriptis uel correctione restituit, uel explicatione illustrat. a te emendationes in Philippicas Ciceronis orationes, quas ille plurimas, atque optimas ad me misit, quae iam iamq. edentur, a te inquam omnes sunt. itaque etiam eas ipsas orationes, ut a Ferrario, idest a te, restitutas, & quae praeterea in hoc tertio uolumine continentur, in quibus ipsi, quae male affecta erant, multa sanauimus, tibi inscriptas, atque dicatas emitimus; ut, quod beneficium habemus maximum, eius beneficij auctorem agnoscamus, & huic libro summum ornamentum, Caesarini nomen, apponatur. quare etiam id, quod iam pridem optaui, fortasse consequar, ut, quam praeclare ego de te sentiam, cum intelligas,

*tu me cum existimes , quo in amicitiam , uel potius in clientelam tuam accepto , non pessime sensisse uidearis.*

## AD. IOANNEM. MONLUCIVM

CHRISTIANISSIMI. REGIS

CONSILIARIVM

EIVSDEMQ. APVD. VENETAM. REMP. ORATOREM

IN. CICERONIS. ORATORIOS. LIBROS

*QVOD te non fugit , Monluci sapientissime , praestare omnes ceteris hominibus , sed alius alia re uult . non enim uniusmodi sunt nostrae uoluntates ; sed , quoniam ex animo , qui uarie afficitur , tamquam ex typo effinguntur , ipsae quoque uariae sint , & multiformes , necesse est . ergo non eadem omnibus prima sunt . Quoniam uero ex ijs , quae appetuntur , necesse est aliquid excellat , ut de multis optabilibus unum optabile maxime sit : quid sit id , quod ego ceteris praestare putem , si de me quaeratur ; dicam , id , quod qui assequuntur , eorum in potestate sensus omnium , animiq. sunt . id autem sine dubio Eloquentia est : quae tantum possidet dignitatis , ut infra uel eorum fortunae , quorum imperium prouinciae nutumq. sequuntur , me quidem iudice constituentur : cum ita accidat , ut ab hac quamcumque in partem uolentes ducamur , illis inuiti saepe pareamus . Sed , quoniam , quo loco posita laus est ,*

*eum locum maximis difficultatibus Natura circum saepſit, ut perueniendi facultatem pauciſſimis relinqueret: non eſt, quare nobis in mentem ueniat mirari, cum neque diuturna, neque in multis perfectae fuerit ſpecies eloquentiae. illud uideo, cum in hanc cogitationem mentis aciem intendi, bene dicendi gloriam duabus rebus ali maxime, otio, & libertate. itaque in urbe Roma, quae bonorum oratorum quaſi ſecunda genitrix partus edidit uberri-  
mos, neque autem ſecundum Punicum bellum, neque poſt Caesaris dominationem magnopere fuit, quod in hoc genere probares. Hannibale uicto, hoſtis Italiae terribilis nemo fuit. tum in urbe ſecuritas, tum ſumma tranquillitas orta: tum ſeditioſorum hominum ingenua popularibus concionibus acuit ambitio. conciones, inquam, eloquentiam pepererunt: niſi quid me fallit ratiocinantem: ratiocinor autem ſic, & per hos quaſi gradus interrogationis adſcendo. Eloquentiae quod ſummū fuit pro-  
poſitum praemium? conſulatus: qui ſummus honor fuit. conſulatum quis mandauit? populus. populum quis tenuit? concionator optimus. ergo a concionibus exſtirit orator. idemque, ſublatis concionibus, nullus fuit. cum enim ciuilibus armis oppreſſa reſp. iaceret; uetus conſuetudo peruiſſet; a populo, cuius poteſtas uniuerſi translata ad unum eſſet, non iam magiſtratus, non praefecturae peterentur: eloquentiae, quae populi gratiam honorum ſpe quaefierat, inanis omnis & ſuperuacanea fuit exerci-*



exercitatio . sic oratoria facultas , summorum hominum studijs exercitationibusq. culta, cum a duobus gracchis ad C. Caesaris aetatem, hoc est per annos centum fere ita uiguisset, ut nihil umquam fuerit illustrius; non effugit rerum humanarum commune fatum: quas ubi ad summum siue industria, siue natura perduxit, retro fere praecipiti lapsu reuoluuntur. Imperatores deinde multi rem Romanam exceperunt: quorum aetatibus uestigium ueteris eloquentiae nullum agnosceres. quid post? multo minus. nam, imperij sede in Graeciam translata, crebrae uastationes Italiae consecutae; cum influentes barbararum nationum copias reprimeret nemo, tum non eloquentia modo, sed ipsa paene litterarum memoria funditus deleta, nec suus est bonis disciplinis honor, nisi multis post saeculis, restitutus. patrum denique, aut auctorum nostrorum memoria, cum exteros mores Italici caeli temperies aliquando ad humanitatem deduxisset, paullulum oculos litterae sustulerunt. doctrina primum, serius enituit eloquentia: nec mirum: doctrinam enim sine eloquentia laudamus; eloquentem sine doctrina recte intelligens nemo duxit. nunc in oratorum nomine, quod eximium semper fuit, nihilo minor, atque haud scio an etiam maior, quam priscis illis temporibus, dignitas, & amplitudo est. mittuntur a Regibus ad Reges, aut ad liberae ciuitates, qui non de filicidijs agant, non de iure fundi; quarum rerum controuersias qui perite, & copiose discepta-

runt, scimus olim habitos esse eloquentes: sed ea tractent, quae prudenter disputata, otium gentibus constituere, dignitatem imperij conseruare, terminos proferre possunt. hoc qui praestat, cum ego ueteribus oratoribus non comparo solum, sed etiam antepono. illi causas agebant primum apud iudices sorte ductos, deinde apud eos iudices, quibus de aliena re, non de sua iudicantibus persuadere orator siue hoc, siue illud haud magno negotio posset. nunc agitur in consilio lectissimorum uirorum: agitur ijs de rebus, unde ad eos ipsos, qui iudicant, maximum potest siue emolumentum, siue damnum redundare; cum & de publica re iudicent, & in publica, extra quam nihil est, priuata cuiusque contineatur. his probare quae uelis, eo maioris ingenii uidetur esse, quo difficilius ab artificio capitur prudentia. itaque, cum hoc multi uoluerint, magnum decus, atque ornamentum est eorum, quibus contigit, ut possent; qui sane pauci sunt: maximum uero, si cui tantum aut natura dedit, aut exercitatie doctrinae, ut inter hos ipsos emereret. qualem quis te iudicet, Monluci clarissime, hunc ego recte iudicare mihi persuadeam. nam, si consideremus, primum a quo missus orator sis, deinde ad quos, tum quibus de rebus missus: ita reperiemus, nissum ab eo Rege, qui omnes Reges sapientia uerit, quoniam quidem omnium unus, quid contra Fortunam uirtus posses, maxime declarauit: ad eam Rempublicam, quae nisi sapientissimorum ciuium

*uium copia floreret , semperq. floruisse , profecto neque tanta nunc esset , cum olim minima fuerit ; neque tam diu staret , cum ceterae respublicae suorum ciuium temeritate conciderint : ijs autem de rebus esse missum , quarum quae magnitudo sic, ex eorum, ad quos pertinent , opibus apparet ; quae tantae sunt , ut paucorum imperijs distributus terrarum orbis teneatur . Et , cum haec legatio tibi per honorifica fuit ; tum illud ad tui nominis celebritatem longe maximum accessit ; quod , cum a Principe Turcarum Solymano pacem defessa bellis Europa peroptaret , eaq. sine Christianissimi Regis intercessionem desperaretur ; unus electus qui tantum muneris obires , acceptis a Rege mandatis , aestate media , summis caloribus in Graeciam nauigasti . pacem ut componeres , optabatur : composuisti : hie me summa , difficillimis itineribus , per dispositos equos in Galliam recurristi . Exceptus alia cura , cum de sedandis inter Regem tuum , Regemq. Britannum magni momenti controuersis ageretur , praesuiisti . te consulente , agente , ultro citroq. cursante , abiectis armis pax inter eos firmissimo foedere constituta . Habes hoc omnino , Monluci , non dico a Fortuna , quam cassus & temeritas regit , sed a te ipso , qui ad consilium & rationem omnia refers , ut in tuis actionibus felix usquequaque sis . nimirum Sors , quam in rebus humanis dominari quidam sunt opinati , non omnium est aeque communis ; sed ipsa sibi uirtus propriam fortunam architectatur.*

Etatur. nō erras, quia nō est errare sapientis: et quia  
 sapienter agis, omnia procedunt. bonis etiam orator  
 es, quia bonus uir: ingenium enim probitas cōmēdat;  
 nec minus mouet is, qui dicit, quā ea, quae dicuntur.  
 Quod nisi latinum sermonem in Italia peregrinitas  
 immutasset; nae tu nobis lōgo interuallo & Crassos,  
 et Antonios retulisses. sed quoniā ea lingua utimur,  
 quam multis coeuntibus linguis generatam corrupta  
 consuetudo peperit: ueteribus Romanis oratione dis  
 similis, ingenio simillimus, non tu quidem loqueris ut  
 illi, sed ut illi tamē & sapis, & persuades. Quare nō  
 fuit, ab re, cum ego eos libros, in quibus perfecti for  
 mam oratoris a Cicerone uidemus expressam, men  
 dis antea deformatos, nunc mea correptione expo  
 litos emitterem; non fuit inquam ab re, tuo nomini  
 dicatos emittere; ut, quae de perfecto oratore tra  
 duntur, eam perfecti itē oratoris titulo cohonestaren  
 tur. hoc cum ita existimassem, quia uidebatur esse  
 aptissimum, feci, & feci eo libentius, quod, cum tu  
 mihi & multa iam summae humanitatis officia tri  
 buisses, & is esses, qui tribuere etiam maiora pos  
 ses; ego, nisi aliquid, praesertim ubi daretur occasio,  
 retribuerem, uerebat, ne, ex duobus maxime infi  
 gnibus uitij, alterutrius infamiam non effugerem,  
 ut uel ea uiderer, quae a te accepiſsem, minus me  
 minisse, quod a consuetudine naturae mea alienissi  
 mum est; uel ea, quae sperari possent, negligere; quod  
 quia superbi esset, abest non modo a fortuna mea,  
 sed etiam a uoluntate plurimum. Venetijs, 1546.

AD. BENEDICTVM. RHAMBERTVM  
IN. CICERONIS. LIBROS  
DE. OFFICIIS

NON ignoras, Benedicte Rhamberte, sensuum esse quandam in hominibus similitudinem; quae cum in consuetudine cognita est, efficitur, ut, inter quos id accidit, amor axoriat. ab hoc quasi fonte multorum amicitiae manarunt. multos etiam beneficium cum obligasset; cumq. id, quod acceperant, memoria conseruatum grate animo redderent; idq. uterque fieri ob ingenij bonitatem, & uoluntatis erga se propensionem existimaret; statim est illam opinionem beneuolentia consecuta. itaque duae caussae sunt, quamobrem homines ament inter se: sed haec posterior, quae a rebus externis originem ducit, cū illa superiore, quae a natura profiscitur, nullo pacto uidetur esse comparanda. illa enim primum habet eam suauitatem, qua, ut opinor, & certe nulla maior est, cum eos, quibus utimur, & iisdem rebus, quibus nos, & aeque atque nos affici sentimus: deinde, etiam qui in dando & accipiendo beneficio fructus est, eo non eget. nam, si haec actio bene merendi interdum est, & esse potest in ijs, qui uoluntate non admodum coniuncti sunt, quanto facilius existet apud eos, quorum animi ita consentiunt, ut, quasi natura hortante, easdem res appetere, ab iisdem fugere uideantur? at

NERO

uero qui officiorum commoditatibus adducti in amicitiam colerunt; etiam si alter alterum initio summe diligit; tamen, si quando accidet, id quod accidere saepe solet, ut ea, qua diligere coeperunt, causa tollatur; certe eorum animi pedetentim in amore languescent. quo in genere animaduertis, Rhaberte, quam multi quotidie labantur, de quibus, facile est intelligere, quid sentias, cum ab eorum instituto tua ratio tam uehementer abhorreat. probe enim te, quae nostra debeat esse in iungendis amicitijs cautio, quae in iisdem colendis religio, quod item in omni uita praestandum officium sit, horum librorum, quos nunc tibi inscriptos ad te. mittimus, lectio erudiuit. sensi in me ipso; quem, ab opibus non magnopere firmum, aut ne firmum quidem, tamen octauum abhinc annum tanto studio es complexus, quantum, qui ab omni re paratissimus sit, remunerando compensare uix possit. cumq. rerum mearum status, ut sunt humana, interdum mutaretur; memoria teneo, te, numquam immutatum, eandem semper cum mihi, tum fratribus meis uoluntatem, ac beneuolentiam praestitisse. cum uero maior aliquanto inter nos consuetudo esse coepisset; quod quidem est factum, postea quam te in nostram uicinitatem contulisti: facile sentio, ad meam uitam recte conformandum quanto mihi observatio tuorum morum fuerit adiumento. colloquutiones uero de litteris nostrae quid non dicam delectationis, sed utilitatis habuerunt? equidem, si liceret, totos



tos dies uellem tecum ponere . quarum enim ego rerum cognitione delector, earum in omni genere quae tui sit iudicij subtilitas, intelligo. sed hanc latine scribendi rationem. in qua multi nunc uolunt excellere, paucissimi possunt, eam uero sic tenes, ut tuis scriptis mihi quidem purius nihil esse uideatur. quod eo mirandum est magis, quia tu non, ut alij, diuturno, atque assiduo librorum usu, sed temporum studio subsecutorum, hoc ut posses, consecutus es. nam, ut omittam, quod tibi, cuius fidei atque prudentiae Veneti senatus arcana creduntur, otium non saepe contingit: ecqui dies est, quo non ex amicis tuis aut consilio tibi aliquis, aut opera, aut etiam re sit adiuuandus? qua in consuetudine retinenda nimium diligens esse dum uis, accidit saepe, ut tuum potius ipse commodum, quam officij colendi facultatem praetermittas. quo ego me aptius facere sum arbitratus, si haec opuscula, in quibus maxime de officio praecepta traduntur, ad te, quem cognoui esse omnium officiosissimum, mitterem. genus hoc, Rhamberte, quoddam est, quo ego eos, qui de me bene meriti sunt, remunerari soleo. perpende rem, nulla uidebitur: animum respice, gratissimum dices.



## AD . DIEGV . HVRTADV

DE . MENDOZA

CAROLI . CAESARIS . A . CONSILIO  
 EIVSDEM . Q . APVD . VENETAM . REMP . ORATOREM  
 IN . PHILOSOPHIAE . CICERONIS  
 PARTEM . PRIMAM

SUPERIORIBVS diebus, cum domum  
 tuam uenissem, ut Benedictum Accoltum, qui a-  
 pud te diuersabatur; honoris caussa uissem, quem  
 ego hominem, non tam quia Cardinalis est, quam  
 quia Cardinalatu dignissimus, uehementer obser-  
 uo: tunc asu accidit, cum ego adessem, ut inter uos ser-  
 mo oriretur ijs de rebus, quae, ab antiquis ignora-  
 tae, nostra patrumq. memoria non solum inuentae  
 sunt, sed ad summam etiam elegantiam perpolitae.  
 cuius generis cum Accoltus ita multa commemo-  
 rasset, ut mihi quidem, credo item alijs qui ade-  
 rant, facile probaret, ueterum sollertiae nostrorum  
 hominum industriam antecellere: suggestisti tu, ne  
 de philosophia quidem, in qua tantopere antiqui-  
 tatem admiraremur, tibi uideri esse dubitandum,  
 quin ea posset etiam nunc expoliri, atque ornari;  
 si modo, quam quisque linguam a parentibus, at-  
 que a nutricibus traditam cum lacte simul hausis-  
 set, in ea uellet scribere: nunc usu euenire, ut, ex-  
 terno sermone addiscendo, totam aetatem consuma-  
 mus: quod si nos a pueritia disciplinarum cognitio-  
 ni

ni totos dederemus; non esse desperandum, quin & Platonēs, & Aristoteles aliquando possent existere: non enim & caelum hoc, unde spiritum ducimus, idem est, quod olim fuit, & hominum ingenia non eadem esse possunt. praua consuetudo naturam peruertit. quae, tamquam ager, si colitur, fructus edit uberimos; si negligitur, exarescit. annos triginta ponimus in uerbis percipiendis: quantum spatij restat, ut res ipsas consideremus? licet ad antiquitatem animum referre: num aut. Graeci illi philosophi, quorum nomen celeberrimum est, ea, quae ab Aegyptijs acceperant, Aegyptio potius, quam patrio sermone scripta reliquerunt; aut nostri aliena lingua, non domestica, sunt usi, cum ea, quae uel de Graccis sumpserant, uel ipsi pepererant, in usum posteritatis explicarent? constat, apud omnes gentes, qui suas cogitationes litteris mandare uoluerunt, eos fere ijs esse uerbis usos, quorum significationem matris in gremio cognouissent. quod item nostra aetate si fieret, facile contingeret, quod tu opinaris, Hurtade clarissime, ut in philosophia uetrum inuentis non nihil, uel etiam non parum addi posset. neque enim eos, qui fuerunt, usque eo cogitatione, ingenioq. processisse existimandum est, ut ijs, qui futuri sunt, quod praeterea cognoscerent, nihil reliquerint. multa latent adhuc, retrusa, atque abdita in immensitate naturae: quae eliciet, & euocabit in lucem, si quis inuestigandis rationibus, & perscrutandis rerum causis

sis ab ineunte aetate suum studium dederit. quod ab  
ijs fieri commodè non potest; uel potius nullo mo-  
do potest, quibus non ea lingua, in qua alti educa-  
tiq. sunt, sed ea, qua ueteres utebantur, scribere  
consilium est. quorum tu si probares institutum,  
quotusquisque tecum esset in eo laudis genere con-  
ferendus? tenes enim perfectè Latinam linguam, te-  
nes Graecam, Arabicam, alias praeterea. scribis  
tamen, ut in patria tua loquuntur. in quo uideo quid  
spectes. quod pater tuus egit, ut optime de Hispa-  
nia mereretur; id tu alia quadam ratione consequi  
uis. ille enim, cum annum ageret uix dum quintum  
& decimum, qua aetate milites in exercitu pauci  
solent esse, omnium approbatione, qui exercitus re-  
geret, electus, Baeticae Regē, bis acie fusum, regno  
exsult, & quaecumque in eius ditione fuerant, Ca-  
tholici Regis imperio potestatiq. subiecit. Aliam  
tu ornandae, atque amplificandae patriae tuae  
rationem iniuisti. profers enim, quantum in te est,  
Hispanicae linguae terminos; &, ut ea non solum  
uerbis, & nominibus, sed etiam rebus, & scien-  
tijs per te locupletata ab exteris nationibus appeta-  
tur, ingenio doctrinaq. consequeris. quod nescio an  
omnibus patris tui uictorijs, atque triumphis sit an-  
teponendum. nam, etsi, populos bello superare, &  
imperium augere, praeclarum est: tamen mihi cum  
animo meo consideranti multo melior uidetur esse  
condicio litterarum, quam regnorum. haec enim in  
unius hominis fortuna posita sunt, & unius saepe  
culpa

culpa exstinguuntur: illae uiuunt, & uigent quoti-  
die magis, neque ulla temporis circumscriptione ter-  
minantur: itaque magni & excellentes uiri, qui  
bellicae laudis gloria florere, cum earum rerum,  
quas gessissent, memoriam non satis fore diuturnam  
sperarent, nisi ab hominibus ingenio praeditis cele-  
brarentur; eos, qui id praestare possent, non uulga-  
ribus praemijs affectos, in honore summo, atque et-  
iam in amore semper habuerunt. Quo mihi illo-  
rum laus uidetur esse illustrior, qui & res praecla-  
ras manu gerere, & quae gesserint, litteris custo-  
dire ipsi possunt. quo in numero fuit soror illa tua  
praestantissima femina: cuius militaria facinora cum  
audimus, cuius eam nostrae aetatis uiro animi ma-  
gnitudine comparamus: cum autem ea, quae scri-  
psit, legimus, nec antiquis scriptoribus ingenij prae-  
stantia simillimam iudicamus. Huiusmodi cum in  
tua familia mulieres existant, de uiris quae sunt spe-  
randa? quamquam fratres omnes tui, tuque in pri-  
mis, ea, quae sperabantur, iam praestitistis. itaque  
Carolus Imperator uestra potissimum uirtute, ue-  
straque fide nritur. nam fratrem tuum, Marchio-  
nem de Mondesar, qui ceteros aetate anteit, cum a-  
lijs in rebus, tum in uictoria Tunetana, equitibus  
leuis armaturae & classi maximae praepositum, ma-  
gno suis rebus sensit esse adiumento: alterum au-  
tem, Episcopatu Iacensi ornatum, summe propter  
eruditionem, & prudentiam diligit: tertium Indi-  
cis prouincijs pro Rege, quartum Hispanicis trire-

mibus praefecit : te primum sibi uoluit esse in consilio; deinde, cum difficultatem quandam temporum paene fatalem impendere, & ea, quae cogitabat, sine summa prudentia non esse tractanda intelligeret, unum e maximo numero delegit, qui apud Venetam Remp. id muneris orator sustineres. quod quidem in munere clarior in dies significatio tuae uirtutis elucet. nam ad usum rerum, quo uales plurimum, addis doctrinae cognitionem: quam a libris petitam, grauiore in causa consilium capere si uis, explicas, ut, proposito praeteritarum rerum exitu, cautior praesentium sit deliberatio. quod quoniam maxime praestant historia, & philosophia: tu quidem uehementer utriusque studio teneris; sed nescio quo pacto magis te philosophia delectat; credo quod pluris apud te est, excogitare quae nemo uiderit, quam imitari quae alij fecerint. Quo in genere cum omnino nullius ope uidearis indigere, quippe qui ita abundes ingenio, ut, quocumque te applicueris, excellas: tamen uide, quid egerim: iniui rationem, ut inuare te possem. nam hos Ciceronis de philosophia libros cum uetustis exemplaribus contuli, & emendatos ad te misi; ut tibi, si quando eos in manus sumeres, quasi faciliior & expeditior legendi cursus esset. saepe enim ex te audiui, cum diceret, antiquorum in scriptis ita multa esse corrupta, ut in eorum, qui legerent, animos permiste falsa cum ueris influerent: cui malo si quis mederetur, cum te existimare a studiosis omnibus, sed a te ipso  
certe

*certe maximam esse gratiam initurum. quae me-  
uox non cohortata est, sed impulit, ut id facerem,  
quod fecisse me uides. Ac fieri tamen potest, ne  
meo te studio, & diligentia nihil inucriam; & ea,  
quae ego nunc in his libris restituta, in tuo nomine  
emitto, iam pridem ipse habeas omnia, doni tuae  
nata; & a te ipso quaesita: sed ego ita sum ratioci-  
natus: cum tu a philosophis didiceris, non in reges  
solum, & principes, qui summam inuandi faculta-  
tem habeant, sed in tenuiores etiam liberalitatis  
nomen posse cadere, quod bene mereri, etiam si  
non possunt, tamen & cupiant, & praecclarum exi-  
stiment; eadem ratione fore, ut, quod ego te in-  
uare uoluerim, pro eo id accipias, quasi maxime  
inucriam.*

AD. MARCELLVM. CERVINVM  
SANCTAE. CRVCIS. CARDINALEM  
IN. PHILOSOPHIAE. CICERONIS  
PARTEM. ALTERAM

*EST genus hominum, qui ita sentiunt: philo-  
sophari, aut totum nihil esse, aut non eorum esse,  
qui rerum agendarum in studio uersantur. quo-  
rum in altero mihi uidentur, cum homines sint,  
bestiarum consuetudinem imitari; quae tantum ea,  
quae pedibus teruntur, quaeq. adsunt, intuentur, ni-  
hil altum suspiciunt, nihil longinquum cogitant: in  
altero res a natura copulatas uelle seiungere. nam,*



qui ab actione rerum philosophiam excludit, is, quantum in se ipso est, corporis & animi societatem dirimit; cum & corpus regimine animi, & animus ministerio corporis indigeat. Sed proferunt multos, quibus gnoratio philosophiae non obstitit, quo minus ea, quae uolebant, rectissime perficerent. quasi uero sit eadem rerum omnium natura, & quod uni aliqua in causa contigerit, id cuilibet omnibus in causis posse contingere credibile sit. naufragium facit narrationis ignarus; arripit tabulam, & amplexu tenens, ad litus incolumis a fluctibus appellitur: num ideo natandi peritiam negemus esse utilem, quod, sine ea qui fuit, e periculo tempestatis euaserit? incidit aliquis in febrem; non curatur, & conualescit: tollemus igitur medicinam, quoniam sunt qui sine eius ope sanentur? nihil minus: nisi si ea, quae in casu sita sunt, anteponimus ijs, quae ratio gubernat. quod idem de philosophia dicendum est. nam, ut illud demus, sine ea multos esse laudem consecutos: non & hoc dabimus, fore, ut sine eadem consequi omnes possint. non eiusdem semper generis agenda sunt res. est, ubi prudentia uel mediocris abunde satisfaciat: est item, ubi mentis altior contemplatio requiratur. hoc extremum qui poterit, sequitur ut & illud primum: sed qui illud primum, non & hoc extremum. quod cum ita sit; utrum praestet habere, facilis est diiudicatio. in optione enim, & eligendi potestate, nemo fere est, qui totum partibus censeat esse praeferen-



ferendum: propterea quod non totum in partibus, sed partes includuntur in toto. Ergo, cum perspicuum hoc sit, accidere & posse, & solere, ut philosophiae cognitio utilitatem afferat, ignoratio detrimentum: dubium non est, quin ea uideatur esse cum rerum actione coniungenda. Sed ydem coniungi posse negant: quo argumento? aiunt eas dissimili in genere uersari, alteram in otio, alteram in negotijs: itaque se non uidere, qui possit in utraque unus excellere. Hic ego, Cerrine praestantissime, meam memoriam non excutiam, ut ea, quae legerim, aut audiuerim, reminiscar. non est consilium, quae ad illos redarguendos faciant, ueterum e scriptis eruere. uolo, ut exemplo tuo refellantur. Romae uiuis, et uixisti multos iam annos. numquam omnino tua uirtus tam illustri loco latuit: sed postea quam te Paullus I I I. incredibili Pontifex non modo sapientia, sed bonitate etiam ornatus, in altiore dignitatis gradu collocatum, suorum omnium consiliorum & participem, & adiutorem esse uoluit; tum uero clarissime sese ostendit lumen animi, ingenijq. tui; ut nullus esset honor tantus, qui, in te collatus, non uideretur ei, qui contulisset, magnam esse iudicij laudem allaturus. itaque paullo post Cardinalis factus es, & factus tanto bonorum applausu, tantaq. laetitia, quantam in animis hominum recte sententium summa dignitas uirtuti tributa potuit excitare. quo toto tempore ualde tu quidem fuisti, atque es etiam nunc, di-

*strictus a negotijs, maximeq. ab ijs, quae & ad sedandas Christianorum Principum discordias, & ad restituendam Religioni dignitatem pertinent: sed te tamen a philosophiae studio nulla res umquā potuit diuellere. sic & animo, & corpori suis utrique muneribus apte distributis, quotidie fere modo a cognitione ad res agendas, modo a rebus agendis ad cognitionem traductus, teq. ipse in hoc quasi circulo identidem reuoluens, effecisti quod ab ijs, de quibus initio dixi, fieri posse negatur, ut & in tractandis negotijs, & in considerandis rerum humanarum diuinarumq. causis occupatus, dispari in studio, pari tamen cum laude uerferis. ex quo intelligitur, ab ijs, qui rerum actioni se dedunt, & percipi philosophiam, & tractari posse: debere autem ostendimus: est igitur eorum, qui aliter existimant, sententia omnis explodenda. Nos quidem & nostra sponte commoti, & tuo exemplo impulsī, quotidie magis philosophiam admirantes, in eius cognitione cupimus acquiescere; ad eamque, magnis defatigati laboribus, & molestijs, tamquam ad iucundissimum diuersorium properamus. quosī peruenero, uel potius cum peruenero; (cur enim meam ipse cupiditatem omnibus optimis non prosequar?) tum ego quidem multo, quam nunc, facilius tua in me merita uel tuebor, uel etiam illustrabo. interea non sumus otiosi: utinam potius aliquanto minus occupati. provinciam cepimus duram, atque difficilem, ueterum scriptorum libros emendare*  
dum

dum uolumus . omnino in hoc onere sustinendo ualde sudamus : sed animus , tuarum cohortationum memoria confirmatus , manet in officio , manebitque , dum id , quod instituimus , absoluitur . nunc edimus Ciceronis libros de philosophia , sane multis a mendis , potissimum ex antiquo Bernardini Maffei , qui te maxime obseruat , inuenis eloquentissimi , libro uindicatos . qui cum ita digesti essent , ut in duas partes tributi legerentur ; cumq. ego ex ij partibus eam maxime uellem tibi inscriptam emittere , quae tuae personae , dignitatiq. aptissima uideretur : feci , ut eam deligerem , in qua de natura deorum eleganter & acute disputatur : ut , quoniam ualde tibi pro tua ueteri erga me uoluntate , proq. summis officijs debere fructus industriae meae uidentur ; ij dum ad maturitatem peruenirent , his te interim quasi floribus oblectares .

AD. RAINVTIVM. FARNESIVM  
CARDINALEM  
IN. SVOS. COMMENTARIOS  
CICERONIS. EPISTOLARVM  
AD. ATTICVM

BENE audire , qui est recte factorum fructus , omnes fere uolumus , amplissime ac praestantissime Rainuti : ipsum quidem recte facere , unde illud quasi ex fonte deducitur , paucorum hominum semper fuit . est enim tum perfectae naturae , tū do-

*Et*rinae singularis, ut tamen natura sine doctrina facile possit ad laudem peruenire; doctrina sine natura laudabilis numquam, turpis etiam saepe sit. itaque uel in agris inculto homines ingenio uirtutem tamen coluere: doctrinis autem eruditi uiri, quae ad bene agendum esse instrumenta debuerant, ijs ad perniciem suarum ciuitatum sunt abusi. quid de Pisistrato graecae historiae loquuntur? quid nostrae de Caesare? doctum utrumque, & eloquentem fuisse, ijs tamen utrumque sensibus, ut, exempla maiorum, & legum sanctissima iura contemnentes, libertatem suis ciuibus eripere praeclarum duxerint. ergo prima laus bonitatis est; quae nihil, nisi seipsam, spectat, ipsa sibi finis est: altera doctrinae, quae nisi ad bonitatem referatur, laudabilis non est; ideoque, ut laudetur, finem sequitur se ipsa praestantior. quod si quis est, qui alterum cum altero coniunxerit; ut & bonus sit, & idem doctrinis institutus; neque rectum ideo solum cupiat, quia sit ipse ad rectum natura propensus, sed quia, quod rectum non est, id esse turpissimum intelligat: hic est, quem in uita humana diuina bona consecutum putemus. praeclara res, sed exemplo minus nota: id autem, ut ego opinor, ob eam causam, quod unusquisque in uitam Principis, tamquam in speculum, intuens, ad illius similitudinem se ipse fingit, & format. ideoque uiri sapientes alterutrum recte cupiuerunt, ut aut reges philosopharentur, aut regnarent philosophantes: utrum es-

set,

set, futurum ut ex uirtute penderemus. Quod si fuit ullum tempus, cum homines rationes & cogitationes omnes suas in philosophia constituerent: tum profecto coepit esse, cum auus tuus ad Christianae Reipublicae, nimium magno periculo fluctuantis, gubernacula Dei iussu accersitus, sedit in sede pontificia Pontifex dignissimus, ea praeditus non solum auctoritate, sed etiam sapientia, ut hic nos in tantis tempestatibus seruare solus a naufragio posset. cumq. laudandus est maxime, quod optime ipse sentit, optimis semper in studiis, consilijsq. defixus: tum, quod optimos uiros adsciuit sibi & consiliarios, & suae uoluntatis administratos. in quo ego tantum soleo ponere; ut, si mihi ad alterutrum eligendum optio detur, non bonum Principem malim cum bonis administris, quam bonum cum sui dissimilibus. sed bene, quod habemus utrumque; & Pontificem, qualem res poscebat, & Collegium tali Pontifice dignissimum. itaque nunc emergit uirtus: honestum reuocatur: desertae per multos annos litterae patronos habent, diuque, ut auguror, habebunt. tu Rainuti, fraterq. tuus, duo clarissima Italiae lumina, uterque Cardinalis, et Cardinalis uterque optimus, praeclaram consuetudinem tenebitis ab auo traditam. certe enim non ideo te Patani per tot annos summi doctores erudierunt, ut ea quae tantis uigilijs quaerebas, consecutus negligeres. amabis eadem, & fouebis tuumq. erit proprium studium non solum colendae uirtutis, sed

sed etiam ornandae. refer animum ad eos, qui, multis ante saeculis extincti, tamen in laude uiuunt: omnes reperiēs, his gradibus adscendentes, ad immortalitatem peruenisse. quorum tu quia facta imitaris, non dubito, quin eorum semper florentibus nominibus ita tuum nomen inseras, ut numquā exarescat. Materiem habes ad gloriam, Anconitanam provinciam: quam nunc ita regis adolescens, ut ea praestes; quae saepe desideramus in senibus. quae quamquam ad eos solum, quibus cum potestate praees, pertinere uideantur: tamen illa tuae ditio- nis terminis non continentur. scis consuetudinem famae. illa nos per ora hominum sublimes uehit: benefacta simul & malefacta aequē circumfert: sed benefacta laudibus excipiuntur, malefacta conuicijs exploduntur. itaque noli putare, te Picentibus solis esse continentem, esse iustum, esse beneficū. Picentes haec uident, longinqui audiunt, & praedicant. te aiunt esse, ad quem aditus omnibus pateat; cui sit iustitiae, sit pietatis antiquissima cura; cuius & potestas timeatur, cum omnia possis; & bonitas diligatur, cum idem non plus licere tibi uelis, quam quantum leges praescribant. matre adolescēs laudibus exime, imitator aui, maiorūq. tuorum recte cogitasti, In imperio laudem non esse, nisi cum is, qui imperat, imperio dignus est. quod quia tibi siue a natura, siue a disciplina, siue, ut ego arbitror, ab utraque simul contigit: quod ad naturam attinet, referimus ad Deum; de disciplina, te ipsum



ipsum & laudamus, qui ad haec praeclara inuigila-  
ueris; & amamus, quia sunt amabiles uirtute  
praediti. me quidem & multis abhinc annis, cum  
Romae te uidissem, atque allocutus essem, in tui ob-  
seruantiam uoluntas inclinauit, iam tum de tua in-  
dole expectantem ea, quae consecuta sunt; et post-  
ea Patauij, cum in studijs optimarum artium totus  
esses, iudicium impulit. haec tua Picentina lega-  
tio quasi operis perpolitio fuit: in qua thesauros phi-  
losophiae, multorum annorum studio congestos, ex-  
plicas, & cum prouincia communicas. itaque, cum  
ego multo ante, quam istam tibi administrationem  
summus Pontifex demandasset, eos commentarios,  
quibus epistolas ad Atticum illustrare sum conaus,  
in tuo nomine emittere statuissem; postea simul cum  
tuis laudibus creuit uoluntas mea. Eos igitur nuuc  
emitto, serius omnino, quam nonnulli expectaue-  
rant; sed meam tarditatē opus ipsum excusat. episto-  
las ad Atticum interpretanti poperandum non  
fuit. alijs in rebus possum esse quantumuis strenuus:  
in hac qui possum esse non tardus? primum multa  
difficilia, deinde non ijsdem causis omnia, sed alia  
propter breuitatem, alia propter historias, alia pro-  
pter mores. Huc adde, quod mihi quibusdam in lo-  
cis non satis fuit explicare ea, quae aperta non e-  
rant; sed tentauimus, num etiam paullo floridius possem,  
quam nostri grammatici solent. Neque tamen  
sum nescius, fore multos, qui me in his commenta-  
rijs ut hebetem, quia nonnulla minus acute uide-  
rim,



rim, uel fortasse etiam ut caecum, quia prorsus non uiderim, reprehendant. qui si mihi, cur id faciant, causas afferant probabiles; non committā, ut iude me etiam ut pertinacem possint reprehendere. amo enim ueritatem, neque eam in me ipso magis, quam in alio: itaque complectar, sicubi eam uidero. Tibi uero, clarissime R. ainuti, quod in has Ciceronis epistolas laboris impendi, maxime ob eam causam cupio probari, ut, si qui uere iudicare aut propter in scitiam non possunt, aut propter maleuolentiam nolunt, eos a consilio detrahendi tua deterreat auctoritas. Venetijs, MDXLIIX.

A D. ALFONSV. CARAFAM  
 ANTONII. MARCHIONIS  
 MONTISBELLI. F.  
 IN. SVOS. COMMENTARIOS  
 CICERONIS. EPISTOLARVM  
 A D. Q. FRATREM

SI suo quaeque res merito penderetur, Alfonso Carafa; hominum esset in uirtute uigilantium praeclara condicio; contraque, quos auersa a ratione uoluntas ad malas artes, & flagitiosa consilia traducit, cum ijs pessime semper ageretur; eorumque docti exemplo, sapientius deinde alij non modo suis, uerum etiam publicis rationibus consulerent. itidem enim, ut e corruptis seminibus uitiosae fruges, sic a malis exemplis improba studia, a laudabilibus optima

optima nascuntur. uerum hoc totum secus est: quippe non modo ad reprehendendum, quae reprehendi iure possunt, procliuiiores, quam ad laudandum, quae laude digna sunt, omnes fere sumus, nec satis aequa lance turpe & honestum examinamus; quae debemus pariter, alterum odisse, alterum diligere; sed etiam saepe facimus, ut eas res, easq. actiones, quarum causas ignoramus, quaeq. recte ne an secus fiant, iudicare non possumus, accusemus tamen, acerrimaq. uituperatione, quae interdum efferrilaudibus oporteret, ea deprimamus. Ac, ne me putes, *Alfonse clarissime*, huius initium sermonis temere detulisse; ego nunc, si nescis, meam, meam dico? immo uero communem utriusque nostrum causam ago. aut enim uterque agimus egregie; aut uterque similiter peccamus. Audis ne tu uoces in latinae linguae nomen irrumpentes, hominum obtreffantium, qui rei pulcherrimae scientiam reprehendant; qui nos derideant, ludosq. faciant, atque etiam, si dijs placet, odio dignos existiment, quod operae tantum ac temporis in hoc tam nobili studio collocemus? tu fortasse non audis, totus in literas abditus, multorum a consuetudine seiunctus; aut, si audis, negligis, opinor, magnis non tam fortunae, in qua tamen ipsa multum inest, quam rerum omnium laudabilium praesidijs ad omnia munitus. me uero, humilis hominem loci, hac una tibi *Romani sermonis cupiditate* parem, ceteris rebus omnibus inferiorem, ista sane, quae feriunt

aures meas, uehementer commouent: non quod ea,  
 quibus utuntur, argumenta firma sint; quae osten-  
 dam esse inania: sed quod, ut eam quisque uirginem  
 cuius amore flagret, intactam abiniuria, puram ab  
 omni labe uelit, sic ego, quasi lutosi maculis ad-  
 spersam, ac foedatam eloquentiam, quam semper  
 dilexerim, cum adspicio, sensibus intimis afficior,  
 sic, ut ferre non possim. Obijciunt illud primum:  
 quatenus aliquid cognosci possit, eatenus in eo la-  
 borandum: latinam linguam obsoluisse iam, &  
 extinctam paene totam esse: quam enim hodie na-  
 tioem, ut omnes animo perlustrentur, latina lo-  
 qui? quod uero ex ea supersit in libris, minimum  
 id esse, tamquam aliquod inane simulacrum corpo-  
 ris exanimis: quocirca neque sciri perfecte, cum  
 exiguan partem libri contineant, neque pronun-  
 ciari decenter, cum sermonis usus euanuerit, a no-  
 bis posse. Secundo loco statuunt: ut absolute perci-  
 pi, quod negant, Latina lingua possit; mirari se ta-  
 men etiam atque etiam, cur industriam in ea per-  
 discenda tam diuturnam ponamus: uitio quidem id  
 fieri uoluntatis, & iudicij: dignitatem in re tan-  
 tam non esse, ut haerere per tot annos in hoc studio  
 debeamus. Concludunt postremo: ut de perfecta  
 cognitione, de dignitate, ac praestantia concedatur;  
 tamen esse, cum, ea pulsa, successerit alia, minime  
 necessariam. Haec isti: quae specie aliquid uidentur;  
 ego, re nihil esse, si quando me praesente disputan-  
 tur, ostendo. Conuenit inter nos, esse aliquid in o-  
 mnibus

inibus facultatibus, atque artibus extremum: quo nostra studia cum peruenerint, quiescendum. sed hoc extremum quibus terminis metimur, rei ne natura, an uulgi opinione? si opinione uulgi: licet prope modum otiose uiuere: mediocria, quae putantur excellere, quaeramus: id satis est: illa summa, ubi summum decus habitat, quae uulgus ignorat, omit-  
tamus. sin extremum illud esse uolumus, quo peruentum cum est, progredi longius non licet: moderata studia non dantur. perfectam enim scientiae laudem adipisci, maximi operis est: itaque hoc extremum, quod, opinor, Natura nouit una, sapiens nemo umquam se putauit esse consecutum. exstant, litterarum clarissimis testata monumentis, exempla summorum philosophorum: qui cum aetatem in abditarum rerum perscrutanda notitia contri-  
uissent, multaq. partim legendo, partim cogitando praeclara & eximia reperissent; latere tamen adhuc, magnis inuolutam difficultatibus, ueritatem, & aliquid sibi, atque adeo multum esse quaerendum existimabant. Eadem nunc, aut certe similis admodum nostra ratio est. Quaerimus id, quod in Latina lingua perfectum putamus. non assequemur: esto: uerumtamen, quo plus, ut assequamur, contenderimus, eo scilicet propius, si quid studio proficitur, accedemus. At laboris, & industriae terminus tamen statuendus aliquis est. Concedo: sed hoc quidem, si diligenter attendatur, nihil aliud est, quam perfectum ipsum definire. hoc enim ad  
unum

mnum nostri labores intenduntur, hoc unum nostra  
 spectat industria. perfectum autem ipsum ego mi-  
 hi ab hominibus imperitis certe definiri nolo. desi-  
 niant ij, quibus utor magistris, Cicero, Caesar, Ter-  
 rentius, Plautus; quorum ex libris, quae latinae lin-  
 guae sit elegantia, quae ubertas, quae uis, facile pos-  
 sum intelligere. quae si, non dico quanta sunt, (im-  
 mensa enim esse uideo) sed si ea mihi magna ex par-  
 te comparassem; modum fortasse facerem studio  
 meo: sed, ut inter hos, qui nunc homines uiuunt,  
 aliquid esse uideamur, nihil tamen, si uere de nobis  
 ipsis iudicare uolumus, prae illis, quorum exstant sa-  
 tis multa scripta diuinitus, nihil, inquam, plane su-  
 mus. Quare, quod ad scribendum attinet, habemus  
 abunde, quod imitemur. De pronuntiatione  
 uero minimum laboro. quid enim? an putamus in  
 ijs ipsis, qui tum Romae uiuebant, eandem pro-  
 nunciandi rationem fuisse? non fuit. confluebant  
 in urbem, illecti spe summorum magistratuum,  
 quod habuit illis temporibus praemium eloquentiae,  
 oratores ex uniuerfa Italia. causas agebant Roma-  
 ni homines pariter & peregrini, sono uocis dissimi-  
 les, pronuntiatione diuersi: suam tamen quisque,  
 pro eo, quantum quisque ualebat, ingenio, laudem  
 ferebat. si Curibus educatum, aut Arpini, oran-  
 tem in foro audires; Sabinum statim, aut Arpina-  
 tem agnosceres. neque tamen a forensi opera, & a  
 iudicijs peopterea quisquam est exclusus, quia mi-  
 nus Romane, hoc est quia minus apte, minus ue de-  
 center,

center, pronuntiaret. Nunc ipsum, in hac, qua Itali omnes utimur, lingua est ne omnium in disjunctis & longinquis urbibus similissima pronuntiatio? mehercule ne in iisdem quidem. Venetijs enim (domestico utar exemplo) aliter in urbe media, aliter in extrema loquuntur. quapropter nimis iniusto privilegio damnabitur latina lingua, si, quod in ceteris linguis usu uidemus euenire, ut non modo diuersis, uerum etiam iisdem & temporibus, & locis, non similiter omnes pronuncient, id ei praecipuum apponatur: cuius etiam magnis ac praestantibus meritis aliquid largiri, tum humanitatis, tum aequitatis esset. Secundum erat de dignitate. in quo, non tam equidem quid ipse respondeam, quam quid istos in hanc mentem impulerit, quaero. Ita ne? dignitatem latinae litterae non habent? humiles, & obscurae sunt litterae illae, quae populi Romani nomē extollunt, atque illustrant? quae summorum Imperatorum fortiter & praeclare gesta per omnes gētes cum laude disseminant? quae maiores opes, quam ulla umquam lingua, maiora suorum meritorum praemia in orbis terrarum domina ciuitate sunt adeptae? Sed ineptus sim, si me patronum latinae linguae profitear: quae tantū possidet eloquentiae, ut, ipsa suam causam si agat, facile se ab aduersariorū calumnia uindicare possit. Nunc, quod isti postremo loco argumentum, quasi postrema in acie subsidium firmissimum, collocant, uideamus in eo quantum roboris ac neruorum sit: plus enim est fortasse,

D quam



minum nostri labores intenduntur, hoc unum nostra  
 spectat industria. perfectum autem ipsum ego mi-  
 hi ab hominibus imperitis certe desiniri nolo. & defi-  
 niant ij, quibus utor magistris, Cicero, Caesar, Ter-  
 rentius, Plautus; quorum ex libris, quae latinae lin-  
 guae sit elegantia, quae ubertas, quae uis, facile pos-  
 sum intelligere. quae si, non dico quanta sunt, (im-  
 mensa enim esse uideo) sed si ea mihi magna ex par-  
 te comparassem; modum fortasse facerem studio  
 meo: sed, ut inter hos, qui nunc homines uiuunt,  
 aliquid esse uideamur, nihil tamen, si uere de nobis  
 ipsis iudicare uolumus, prae illis, quorum exstant sa-  
 tis multa scripta diuinitus, nihil, inquam, plane su-  
 mus. Quare, quod ad scribendum attinet, habe-  
 mus abunde, quod imitemur. De pronuntiatione  
 uero minimum laboro. quid enim? an putamus in  
 ijs ipsis, qui tum Romae uiuebant, eandem pro-  
 nunciandi rationem fuisse? non fuit. confluebant  
 in urbem, illecti spe summorum magistratuum,  
 quod habuit illis temporibus praemium eloquentiae,  
 oratores ex uniuerfa Italia. causas agebant Roma-  
 ni homines pariter & peregrini, sono uocis dissimi-  
 les, pronuntiatione diuersi: suam tamen quisque,  
 pro eo, quantum quisque ualebat, ingenio, laudem  
 ferebat. si Curibus educatum, aut Arpini, oran-  
 tem in foro audires; Sabinum statim, aut Arpina-  
 tem agnosceres. neque tamen a forensi opera, & a  
 iudicijs peopterea quisquam est exclusus, quia mi-  
 nus Romane, hoc est quia minus apte, minus ue. de-  
 center,



center, pronunciaret. Nunc ipsum, in hac, qua Itali omnes utimur, lingua est ne omnium in disiectis & longinquis urbibus simillima pronuntiatio? mehercule ne in iisdem quidem. Venetijs enim (domestico utar exemplo) aliter in urbe media, aliter in extrema loquuntur. quapropter nimis iniusto privilegio damnabitur latina lingua, si, quod in ceteris linguis usu uidemus euenire, ut non modo diuersis, uerum etiam iisdem & temporibus, & locis, non similiter omnes pronuncient, id ei praecipuum apponatur: cuius etiam magnis ac praestantibus meritis aliquid largiri, tum humanitatis, tum aequitatis esset. Secundum erat de dignitate. in quo, non tam equidem quid ipse respondeam, quam quid istos in hanc mentem impulerit, quaero. Ita ne? dignitatem latinae litterae non habent? humiles, & obscurae sunt litterae illae, quae populi Romani nomē extollunt, atque illustrant? quae summorum Imperatorum fortiter & praeclare gesta per omnes gentes cum laude disseminant? quae maiores opes, quam ulla umquam lingua, maiora suorum meritorum praemia in orbis terrarum domina ciuitate sunt adeptae? Sed ineptus sim, si me patronum latinae linguae profitear: quae tantū possidet eloquentiae, ut, ipsa suam causam si agat, facile se ab aduersariorū calumnia uindicare possit. Nunc, quod isti postremo loco argumentum, quasi postrema in acie subsidium firmissimum, collocant, uideamus in eo quantum roboris ac neruorum sit: plus enim est fortasse,

quam ut contemnere, minus certe, quam ut pertimescere debeamus. Nusquam, inquiunt, uiget usus latini sermonis: aliter nunc omnes loquimur. id uerum est. si quid igitur in latinam linguam studij confertur, opera non bene ponitur. hoc falsum. duplex autem est, qua utor, ratio probandi. Primum illud suscipio, ac defendo: non, quaecumque necessaria non sint, propterea spernenda esse omnia, atque explodenda; deinde, si spectetur utilitas, ita latinam utilem esse linguam, ut etiam necessaria uideatur. Quae sunt, quae uere, & proprie necessaria dicimus? nimirum ea, quibus carere nullo modo possumus. huiusmodi sunt primum elementa, deinde, quibus famem, frigoraq. arcemus, uictus, uestimenta, aedes, aut ea, quibus haec parantur; praeter ea, in publicis rebus leges, & magistratus, in priuatis seueritas, & uigilantia. ex hoc numero latinam certe non esse linguam, facile concedo, neque enim is ego sum, qui libenter cum ueritate pugnem. Sed praeter haec, quibus hominum uita sustineatur, ac regitur, quam multa sunt, minime necessaria, quae tamen habemus in delicijs, quae amamus, quae etiam honore prosequimur? gemmas, & uasa pretiose caelata, columnas marmoreas, laqueata tecta, sericas uestes, textiles picturas, artem in uocibus, & fidibus, odores in unguentis, condimenta in cibis, haec certe, atque huius generis sexcenta, non ut necessitati pareret, sed ut sensibus satisfaceret, inuenit industria. quae quin habeant iucunditatis, & ornamentum

namenti plurimum, nemo negat. quod si, quae sensus iuuant, & laboriose quaesita sunt, & retinentur accurate: quanto nobis ea, quae animum oblectant, potiora debent esse? pascitur animus magnitudine rerum: quid Linij sublimius historia, quae populi Romanae uirtutem commemorat? grauitate sententiarum: quis Cicerone prudentius, quis eruditius disputat? elegancia uerborum, & copia: quis eodem ornatior, quis uberius? uarietate scriptorum: quod genus Romanae litterae desiderant? poetas habent egregios, historicos, oratores, philosophos etiam excellenti doctrina claros. quae si uera sunt: (sint, nec ne, res ipsa declarat: ambigere non licet) & si uoluptatem studiosis latina lingua parit incredibilem; possum istis tribuere, quod uolunt; necessariam uulgo non esse; dum ipsi contra, quod ratio postulat, atque exigit, hoc mihi tribuant, amandam esse uehementer, atque expetendam. Sed haec ad eam, qua legendo fruimur, uoluptatem pars attinet: nunc, quod eram alterum pollicitus, de utilitate uideamus. Omnes linguae aliarum admistione linguarum, si moderata sit, augentur; si nimia, corrumpuntur: atque intereunt. quod enim recipitur, id esse debet eiusmodi, ut recipientis naturam sua uis, suaeque magnitudine non exsuperet. itaque sermo hic noster Italicus multas Gallici sermonis, multas Hispanici, quasdam aliarum nationum habet partes. causam si quaerimus: non alia, quam earum gentium interuentus, & consuetudo, fuit.

quod si Gallorum, aut Hispanorum immensa multitudo, (exempli causa dictum a me sit: omen quidem inane esse uolo) sed si earum nationum maior aliqua uis in Italiam irruperit, ac permanserit: maior simul inducetur Gallici, aut Hispanici sermonis usus; & fortasse aduentitium illud usque eo ualebit, ut hoc domesticum uincat, suisq. sedibus expellat. quod olim Romanae linguae contigit: quam, multarum aetatum spatio, multis maximarum rerum adiumentis auctam, atque confirmatam, diuersis tamen populis Italiam occupantibus diuersarum linguarum impetus oppressit. Cum igitur lingua linguam amplificet; nostraq. haec Italica, non multis abhinc saeculis orta, nec admodum liberaliter praemiorum nutrimentis educata, non ita dum adoleuerit, ut suis contenta uiribus esse possit: statuo sic, atque concludo; accessionem ei fieri maiorem non posse, quam si cum latina coniungatur: non modo, quia nulla plenior, aut ornatior: uerum etiam, quia nulla similior: ex quo sequitur, ut ad coeundam cum ea societatem nulla commodior. Est igitur litterarum Romanarum cum per se laudabilis admodum, & iucunda tractatio, tum uero, si quidem hunc ipsum, quo nunc utimur, auctum exornatumq. sermonem cupimus, magnopere necessaria. Atque haec tu quoque uides, Alonse ingeniosissime, tuumq. iudicium cum mea sententia coniungis. itaque, cum a prima pueritia ad eloquentiae Romanae cupiditatem incubere coepisses; postea

ea te non ambitio, quae saepe praeclare iacta fundamenta uirtutis euertit, non commodum, non illa bonis artibus inimica uoluptas ab hoc studio deduxit. ac ne nunc quidem langues; cum tamen omnia uideas ardere bello, armorumque strepitu aures tuae quotidie personent. quin, dum patruui tui, Carolus Cardinalis, & Ioannes Palliani Dux, uterque ob uirtutem immortalitate dignissimus, maximeque pater tuus, Antonius Marchio Montisbelli, natus ad omnem gloriam, omniique princeps laude cumulatus, urbem Romam, & iura pontificia tuentur, partesque in bello quisque suas consilio, uigilantia, fortitudine ita explent, ut antiquam maiorum suorum consuetudinem referant; ipse te interea contineres in tuis perennibus studiis; animumque tum alijs magno Principe dignis uirtutibus, tum uero maxime excolis eloquentia, doctorem in ea, ducesque nactus, diuino quodam munere, uirum excellentem, Ioannem Paullum Flauium; qui te nouo quodam, planeque admirabili genere disciplinae, abductum a uulgi erroribus, per directam semitam ad eximium illud ueteris Romanae linguae decus facile ducit, quo uel cum summis laboribus ac uigilijs adspirare pauci, aut fortasse etiam nemo potest. quamquam me nonnunquam, de statu Latinae linguae cogitantem, miseratio quaedam acerbo cum dolore tangit: quod ita futurum animo cernam, ut haec, per tot iam saecula, a tot ingenijs, tam diligenter culta, latine scribendi ratio, quae parentem no-

stram Italiam nobilitauit, quae tot in nos merita contulit, aetate demum nostra, nisi remedium aliquod diuinitus exstiterit, suam honestatem omnem neglecta prorsus in perpetuum amittat. quod si rebus inclinatis, iam iamq. cadentibus opem ferre quisquam potest; unus est Paullus I V, Pontifex omnium optimus, idemq. diuina potius, quam humana, sapientia praeditus. unus, inquam, aut nemo umquam, & latinam linguam, & laudabilia quaeque studia ueterem in dignitatem uindicabit. qui cum frater fuerit auitui; cumq. illum una uirtus ad eum gradum extulerit, unde humana omnia dispicit, supra casus omnes, supra fortunam ipsam collocatus: hunc te decet imitari, huius uitam, perpetuo sanctissime traductam, huius omnia facta, consilia, instituta tibi ante oculos ponere. uides pietatem erga Deum, & in auctoritate Pontificia, id est in ipsa religione tuenda firmitudinem animi, atque constantiam. uides multiplicem rerum humanarum, diuinarumq. scientiam, trium uero linguarum, hebraicae, graecae, latinae cognitionē paene singularem. eloquentia uero prorsus eum excellere omnes fatentur: qui quidem ita quacumque de re non modo copiose, uerum etiam eleganter, ac diserte loquatur ex tempore, ut ei non arte quaesita, sed a natura donata uideatur eloquentia. hunc igitur sequere, & in illius uestigio pedem statue. ipse enim Deum secutus est; cum eam felicitatem, quam plerique mortales ignorant, animo cogita-

rer.



ret. quem tu quoque finem spectas, ut audio: & ob eam causam futurum homines augurantur, ut eius dignitatis, quae summae proxima est, insignia breui omnino consequaris. quod cum euenerit; laetabor primum tua, deinde communium studiorum causa. qui enim tuos impetus ad laudem nunc uidemus, tuosque plane sensus intelligimus; an, ubi ad istam uoluntatem auctoritas, atque opes accesserint, fore dubitemus, ut a te ipso dissentias? Praestabis Alsonse tu quidem alia praeclara, te ipso scilicet digna, tuaque familia, in qua florere uides heroes permultos, gloria circumfluentes, uirtutis in studio defixos: maxime uero gratiam referes optime de te merita Latinae linguae, eamque, paulatim Italia cedentem, & ad transalpinas nationes, magno nostro dedecore, migrantem, in suam sedem, domiciliumque reuocabis. Cuius gloriae causa, si monendus es, monitorem ad te, sin rogandus, supplicem uolui mittere commentarium nunc meum in epistolas ad M. Brutum, & ad Q. fratrem: qui cum tibi studia commendat eloquentiae, in quibus ego per tot annos, utinam cum aliqua laude, magno certe cum labore uersor, commendat simul, paullo tamen uerecundius, se ipsum, & uigilias meas: quarum fructus mihi erit uberrimus tum beneuolentia, tum iudicium tuum. Quaesui omnino, idque mihi primum fuit, posteritatis utilitatem; quod est proprium familiae nostrae: sed in te ipsum simul, cum huic operam commentario darem, spe-



*Et tui . tu si probas ea, quae litteris mandamus; si faues industriae, optimeq. te esse animatum erga mea studia significas: ego me, quae summa sunt, omnia consecutum putabo.*

## AD. ANTONIVM. AELIVM

POLAE. EPISCOPVM

IN. ORATIONIS. CICERONIS

PRO. SEXTIO

COMMENTARIVM.

*CVM alia multa, quae uigebant olim, rerum laudandarum studia perisset, atque exstincta prorsus esse, dolendum est, Aeli, uir optime, ac doctissime: tum hanc, in qua sitam omnes uel maximam utilitatem intelligunt, interpretandi rationem ita amissimus, ut ex eorum, quibus nostra patrumq. memoria suam hoc in genere industriam locare studium fuit, magno ac infinito prope numero, non tamē ita multos, qui tolerabiles uideantur; qui uero excellent, quam paucissimos, aut fortasse neminem liceat inuenire. atque huius quidem incommodi culpa unde manauerit, exponam. Primum illud in controuersiam non cadit; quo quidque praestantius, eo laboriosius, ac difficilius esse. alioquinihil iam excelleret. quod enim consequerentur multi, in eo dignitas non esset, & ex copia uilitas existeret. est igitur in magnis rebus item magna, quae nos ab earum quasi possessione arcet, constitu-*

ta difficultas. haec porro simplex non est, sed in duo genera diuiditur. quaedam enim, sicuti existimantur, ita difficilia sunt: quaedam, cum non existimantur, tamen sunt. ubi difficultas & est, & apparet; inde multitudo uoluntatem & studium libenter adducit. rem quidem ipsam, quanti est, opinione aestimamus, & uehementer expetimus: magnis uero laboribus, & uigilijs ut ematur, non facile quisquam a se ipso impetrat. amat enim hominis natura moderatam quietem, eaq. alitur, & crescit; nimias contentiones, quibus frangitur, ac minuitur, recusat. ubi uero facile in speciem aliquid ostenditur, difficultas inclusa latet; cuiusmodi non esse pauca, inanis multorum docuit experientia: eo frequentes, bona spe inuitati, accurrunt; facileq. ad eas res aggrediuntur, in quibus uel mediocrem operam si ponant, futurum, ut ex animi sententia succedat, arbitrantur. quos deinde, graui temeritatis infamia, refellit euentus. huius generis haec est, de qua orationem instituimus, ratio interpretandi. quis enim est, qui se non existimet Liuium posse, Sallustium, Virgilium, ipsum mehercule Cicero. nem ita commode explicare, ut desiderari ab eruditibus beneq. intelligentibus uiris nihil queat? atque hi, cum in C. Marij, aut in L. Syllae nomen inciderint; si Marij, aut Syllae uitam, a Plutarcho sumptam, in sua scripta totam transtulerint; tum se suas praeclare partes absoluisse existimant: cum interim, in quo doctrinae, quae paullo sit occultior, appa-

appareant notae, in quo ingenij lumen eluceat, in  
 quo prudentiae uis, aut iudicij signa cernantur, ni-  
 hil afferunt. exire uidemus quotidie, a postremi or-  
 dinis hominibus factos, speciosis magna. pollicen-  
 tibus titulis insignes, minimi pretij commentarios:  
 quos non modo qui scribunt, falsa de se ipsis opinio-  
 ne decepti, uerum etiam qui typis impressos edunt,  
 ijs, qui hoc de genere iudicare possunt, 'inconsultis,  
 quodam modo deformant praeclara studia littera-  
 rum, & de posteritate ipsa pessime merentur. sed  
 cetera, quae ferenda non sunt, feramus tamen, ac  
 dissimulemus, sane multa: commentarios uero il-  
 los, qui passim leguntur, in Ciceronis orationes,  
 (quem librum? latinorum omnium facile princi-  
 pem) grauem, inquam, illam immensi uoluminis  
 molem quis est qui ferre ullo modo possit? loca sunt  
 in Ciceronis orationibus male mendis affecta quam  
 plurima: sanari nullum uideas. sunt ob antiquita-  
 tis obscuram notitiam difficilia: quis est, de tot in-  
 terpretum numero, qui lumine explanationis illu-  
 stret? denique communia tantum, quaeq. omnibus  
 paene patent, ea sumunt ad explicandum: ex abdi-  
 tis, quo sine labore et ingenio accessus non est, doctri-  
 nae fontibus nihil hauriunt. contraque, multa cor-  
 rumpunt magis, dum emendare conantur; multa  
 explanando peruertunt, et pulcherrimas saepe senten-  
 tias turpissimis inscientiae maculis inquinant. Quae  
 me ita commouit indignitas, itaq. meum animum,  
 ut uere dicam, miseratio quaedam affecit, quasi ob  
 illatam

illatam uiro optimo, egregieq. de litteris merito, Ciceroni, qui Romanae terminos eloquentiae longissime protulit, ignominiam; ut statuerim, si cum uita ualetudo, & cum ualitudinem otium suppetat, triennium, aut quod omnino res exiget spatij, in hoc omnium pulcherrimo libro interpretando, studiorum gratia, consumere: non quod ego is sim, qui mihi tantum arrogem, ut alijs detractam scientiae laudem ad me transferam: abest hoc a consuetudine mea, abest a natura plurimum: sed neque rursus is sum, qui, cum ceteros probe nouerim, ipse me prorsus ignorem; & qui, cum alios accussem propterea, quia non praestant ea, quae ab eorum studio postulantur, ego me, si quid praestare posse mihi uideor, uelim contemnere. non ita laudem fugio; etsi nec nimis appeto. alterum stupidae cuiusdam sapientiae, alterum insane ambitionis esse uitium semper duxi. neque uero, si quid mihi elegantioribus in litteris assumpsero, longe admodum ab ijs finibus, quos modestiae ratio praescribit, discedere mihi uidebor. scis tu Aeli, pro nostra uetere amicitia, & familiaritate, per quot annos, quibus laboribus haec, quae ab humanitate nomen acceperunt, studia coluerim. sciebat optime omnium, & mihi, cum uiueret, hoc nomine tribuebat plurimum, Bernardinus Massenus Cardinalis, meus ille, in omni mihi uita defluendus Massenus, Urbis deliciae, lepor, humanitas, exemplum antiqui officij, flos omnium uirutum. is amabat haec studia mirifice, eaq. quibus poterat

appareant notae, in quo ingenij lumen eluceat, in  
 quo prudentiae uis, aut iudicij signa cernantur, ni-  
 hil afferunt. exire uidemus quotidie, a postremi or-  
 dinis hominibus factos, speciosis magna-que pollicen-  
 tibus titulis insignes, minimi pretij commentarios:  
 quos non modo qui scribunt, falsa de se ipsis opinio-  
 ne decepti, uerum etiam qui typis impressos edunt,  
 ijs, qui hoc de genere iudicare possunt, inconsultis,  
 quodam modo deformant praeclara studia littera-  
 rum, & de posteritate ipsa pessime merentur. sed  
 cetera, quae ferenda non sunt, seramus tamen, ac  
 dissimulemus, sane multa: commentarios uero il-  
 los, qui passim leguntur, in Ciceronis orationes,  
 (quem librum? latinorum omnium facile princi-  
 pem) grauem, inquam, illam immensi uoluminis  
 molem quis est qui ferre ullo modo possit? loca sunt  
 in Ciceronis orationibus male mendis affecta quam  
 plurima: sanari nullum uideas. sunt ob antiquita-  
 tis obscuram notitiam difficilia: quis est, de tot in-  
 terpretum numero, qui lumine explanationis illu-  
 stret? denique communia tantum, quaeque omnibus  
 paene patent, ea sumunt ad explicandum: ex abdi-  
 tis, quo sine labore et ingenio accessus non est, doctri-  
 nae fontibus nihil hauriunt. contraque, multa cor-  
 rumpunt magis, dum emendare conantur; multa  
 explanando peruertunt, et pulcherrimas saepe senten-  
 tias turpissimis inscientiae maculis inquinant. Quae  
 me ita commouit indignitas, itaque meum animum,  
 ut uere dicam, miseratio quaedam affecit, quasi ob  
 illatam

illatam uiro optimo, egregieq. de litteris merito, Ciceroni, qui Romanae terminos eloquentiae longissime protulit, ignominiam; ut statuerim, si cum uita ualetudo, & cum ualitudinem otium suppetat, triennium, aut quod omnino res exiget spatij, in hoc omnium pulcherrimo libro interpretando, studiorum gratia, consumere: non quod ego is sim, qui mihi tantum arrogem, ut alijs detractam scientiae laudem ad me transferam: abest hoc a consuetudine mea, abest a natura plurimum: sed neque rursus is sum, qui, cum ceteros probe nouerim, ipse me prorsus ignorem; & qui, cum alios accusem propterea, quia non praestant ea, quae ab eorum studio postulantur, ego me, si quid praestare posse mihi uideor, uelim contemnere. non ita laudem fugio; etsi nec nimis appeto. alterum stupidae cuiusdam sapientiae, alterum insanae ambitionis esse uitium semper duxi. neque uero, si quid mihi elegantioribus in litteris assumpsero, longe admodum ab ijs finibus, quos modestiae ratio praescribit, discedere mihi uidebor. scis tu Aeli, pro nostra uetere amicitia, & familiaritate, per quot annos, quibus laboribus haec, quae ab humanitate nomen acceperunt, studia coluerim. sciebat optime omnium, & mihi, cum uiueret, hoc nomine tribuebat plurimum, Bernardinus Massaeus Cardinalis, meus ille, in omni mihi uita defluendus Massaeus, Urbis deliciae, lepor, humanitas, exemplum antiqui officij, flos omnium uirutum. is amabat haec studia mirifice, eaq. quibus poterat



poterat rebus ( poterat autem plurimis ) tueba-  
 tur, & fouebat. bene autem de hac, quaecumque in  
 nobis est, uel potius quantulacumque est, latinae o-  
 rationis facultate existimabat: meq. quotidie,  
 quantum possem, ut latine scriberem, urgebat. &  
 scribebat ipse, ut scis, luculenter, & egregie. pro-  
 habat omnino meum consilium, & efferebat, ma-  
 xime, de commentarijs in Ciceronis orationes; sed  
 exerceri malebat prius industriam meam in Anti-  
 quitatibus Romanis, ipso potissimum auctore insti-  
 tutis. interim, ut quasi ex unius partis forma de to-  
 to liceret aedificio conijcere, unam aliquam, quae  
 specimen ingenij mei praeberet, orationem subscepiis  
 horis ut exponendam susceperem, hortatus est. ego  
 sumpsi pro Sextio: nec multis post eum sermonem  
 mensibus hunc, qui nunc in tuo nomine, Antoni  
 Aeli, apparebit, commentarium absolui. &, quod,  
 ille si uiueret, fecissem, ut hoc ei, quidquid est, mu-  
 neris deferrem, studio meo commotus, illius uirtu-  
 te impulsus; idem nunc, iisdem adductus causis,  
 tecum facio libentissime. nam cum amicitia inter  
 nos est, quanta inter duos, quorum & uoluntates,  
 & iudicia consentiant, esse potest maxima: tum ha-  
 bes uirtutem, non eam, quae petitur a libris, quae  
 uno scientiae nomine definitur, sed eam, quae oritur  
 ex animi praestantia, & multas in se laudes conti-  
 net, studium in suscipiendis Ecclesiae causa labori-  
 bus, constantiam in perferendis; humanitatem in  
 excipiendis hominibus, benignitatem in subleuan-  
 dis;



dis; comitatem in consuetudine familiarium, gratitatem in congressu & sermone clarorum tuiq. similitum uirorum; denique uoluntatis propensionem ad optima quaeque singularem. itaque te summus ille artium honestarum patronus, decus Italiae, Alexander Farnesius Cardinalis in oculis fert; tibi arcana communicat; tuis in consilijs, si quid deliberandum est, multum; si quid perficiendum, in uigilantia plurimum ponit. tu, quo apud illum Maffeus olim loco fuit, eodē ipse nunc es: rectissimamq. laudandarum actionum uiam, obseruatis Maffei uestigijs, ingressus, pergis eo fauentibus hominibus, approbante Deo, ubi debitum ijs, qui bene ac laudabiliter uiixerint, praemium, summa dignitas persoluitur. Mouit etiam me uehementer illa ratio; quod erat inter uos coniunctio animorum artissima, conueniebant sensus, congruebat uoluntas: praeterea simplices animi, & puri, nulla simulationis arte obducti, nulla inuidiae aut maleuolentiae labe suffusi. Quare, quoniam illa Maffei suauitas, illud ingenium, illa uirtus erepta morte, nimium iniquo fato, nobis est; (tamen si memoriam illius uiri neque mihi mors, neque omnino dies ulla unquam eripiet) & quando, quae illius erant partes in ornandis liberalibus disciplinis, eae translatae ad te uidentur, praeclariq. muneris quasi uicarius relictus es: ego quoque, quod in illum studij, quod habui uoluntatis, ac beneuolentiae, (id erat tantum, ut accedere nihil posset) totum illud in te unum, illi quam-

simil-

simillimum, contuli: & qui te antea, multis erga me meritis, multis ingenij tui suauitatibus adductus, unice dilexissem, tamen id, quod in amore summum uidebatur, auctum, cum hoc accessit, etiam atque etiam, plenissimeq. cumulatam intelligo. Tibi igitur offero, fructum ingenij mei, in orationem pro Sextio commentarium, operis uniuersum, quod maiores a me uigilias postulat, imaginem: quod ipsum, Maffeo promissum, idem tibi, qui eius in locum successisti, iam nunc animo dicamus. uerum hoc serius fortasse praeestabitur. de re enim, quod ad me attinet, constitutum est, & ut uides, aggressus iam sum: de tempore, is, a quo nostrorum consiliorum pendet euentus, rerum omnium moderator uiderit Deus. Habeo nunc in manibus Antiquitates. eas nisi pertexuero, nihil instituire in animo est. pertexere autem ut possim, duo sunt optanda, uoletudo, & otium: quod utrumque, assiduus annorum superiorum studiis infirmatus, & rei familiaris cura impeditus, nunc quidem magna ex parte desidero. accipe interim hoc, quod adest, argumentum obseruantiae in te meae; & illud, quod aliquando, ut speramus, futurum est, suo tempore expecta.

## AD. IOANNEM. MORVILLERIVM

RECIS. GALLORVM

APVD. VENETAM. REMP. ORATOREM

IN. IV. DEMOSTHENIS. PHILIPPICAS.

LATINITATE. DONATAS

QVAM difficili in loco uersetur eorum industria, qui de graeco uertunt, neque tu, ut arbitror, ignoras, Ioannes Moruilleri, uir clarissime, cui uel exercitatio litterarum, uel ipsa natura, uel potius utraque simul hoc dedit, ut in iudicando excelleres; & ego experiens ita sensi, ut, qui alijs antea in hoc genere peccantibus acerbior fuisset, ac durior, idem postea, re tentata, eo libentius ignouerim, quo magis eandem ipse culpam extimescerem. Occurrunt ijs, qui de graecis latina faciunt, duo inter se maxime contraria uitia: quorum utrumque cum euitandum aequae sit, ita periculosa tamē cautio est, ut fere, declinare ab altero dum uis, in alterum incurras. nam & qui in eo laborant, ut graeca uerba totidem paene latinis reddant, quod fideles interpretes haberi uolunt, inepte faciunt, atque in illa ipsa nimis attenuata diligentia grauitur pecant; quoniam quidem res ipsa primum sit obscurior; quod cum interpretis officio pugnat; deinde latinae orationis dignitate cultuq. destituta sordescit: & qui horum in uerbis referendis religionem improbant, putidamq. appellant, libertatem ipsi quandam, & licentiam

licentiam magis amant; his plerumque contingit, ut, dum ad ornamenta toto animo intendunt, ab ipsa sententia longius aberrant. summum artificium, summamq. possidet prudentiam, si quis, inter has difficultates constitutus, quasi medius inter duas Syrtes ita nauigat, ut naufragium non faciat. quod aetate nostra cum ex transalpinis hominibus multi, ex nostris etiam non pauci tentauerint; tamen, cum omnes excussi, uix unum aut alterum ex uniuersa multitudine reperio, qui perfecti munus interpretis expleuerit. Atque ego uidebam fore, ut in illam ipsam peccantium interpretum turbam conijcerer: & communem esse causam confiteor: sed mea tamen hoc probabilior est, quod alij se ad id, quod in hoc genere perfectum est, peruenisse sunt arbitrati; ego, quam a perfecto longe distem, ipsemet intelligo: ut mihi saltem incorrupta fuerit idaea, alijs non solum perficiendi ratio defuerit; uerum etiam iudicandi. sed, quia fieri potest, ut, quemadmodum alij falluntur in eo, quia sua scripta nimis indulgenter probant; ego contra fortasse fallar in eo, quia mea seuerè nimis improbem: exspecto, quid tu sentias, Moruilleri sapientissime: ut, siue inter me & alios interpretes aliquid interesse duxeris; siue me quoque in eodem, quod aiunt, haerere luto iudicaueris; ego quidquid statueris, ad tuam sententiam meum de me ipso iudicium in utramque partem accommodem. Equidem probari ate, atque etiam laudari mea scripta uelim: & ,  
qui

qui minime soleo esse ambitiosus, tamen igniculis quibusdam cupiditatis incendor, ut meum nomen in ore tuo uersetur. non enim, a quouis homine laudari, optabile est; turpe etiam, a quibusdam. me quidem non tam ipsa laus, quam laudantis auctoritas afficit. quare, tum tuis sis, de quo duo Reges, at quales Reges? omnium, qui in Gallia regnauerint; maximi, pater, & filius, optime senserint; quorum alter legationem tibi ad Venetam repperdetulit, alter eundem honorem postea confirmauit; cumq. in ipsa legatione publicam personam omnire, loco, tempore ita sustineas, ac tuearis, ut summam in te grauitatem omnes laudent, nec tamen humanitatem quisquam desideret; magni refert ad ingenij mei commendationem, quid tu, uir primarius, & omnilaude circumfluens, de hac meate nui uigilia sentias. potest obscuram per se lucubratione tuum testimonium illustrare. quod ego si assequar, ad illa praestantiora, quae maiorum uigiliarum sunt, quae scis a me iam esse instituta, fiam alacrior: quae ipsa posterum cum legent, (non enim dicam, si legent; quia, quod summe cupio, summe etiam sperare iucundum est) de tua, non una, aut altera uirtute, sed sapientia, quae omnes uirtutes continet, me narrante cognoscent; & cum cognouerint, ipsi quoque praedicabunt. Venetijs;

M D L I

AD. HIPPOLYTVM. ESTENSEM  
CARDINALEM  
IN. LIBRVM  
DE. ROMANIS. LEGIBVS

OMNES artes, atque omnes res, HIPPOLYTE Princeps, & Cardinalis, modo augeri, modo minui, nec easdem perpetuo esse, satis inter omnes constat. patet hoc quidem oculis primum, deinde etiam mentibus. oculis notamus euenta: mente, cur quidque eueniat, quo ne referenda sit cuiusque rei mutatio, intelligimus. itaque lapides, & metalla, quae omnium durissima sunt, quae uis hominū frangere uix potest, haec tamen conficit, & consumit uetustas. quidquid enim ex partibus aliquando coijt, & concretum est; id easdem in partes aliquando dilabatur, ac dissipetur, necesse est. habet hoc materia illa, unde res omnes constant, ut formae mutationem quaerat: idque, quod sequitur, affecuta, migrat in alias naturas, quasi, quod apperijt, eo numquā esse contenta uideatur. neque uero haec naturales tantū ad res condicio pertinet, sed inuenta quoque hominū, operaq. attingit. mores, consuetudines, loquendi ratio, quam linguam uocamus, leges ipsae, quas ne quid unquā ex hominū memoria deleat, in aes incidimus; omnia demum, quae ab arte naturam imitante fluxerunt, quotidie mutantur, ac tolluntur, non modo ab externis causis; contra uoluntatem nostram, uerum  
etiam



etiam a nobis ipsis, quia tempus ita postulet. sed artes liberales, optimaq. studia, quae nusquam magis, quam in Italia, honor aluerat, atque auxerat, aetas nulla magis afflixit, quam cum Romani Imperatores, imperij sede in Thraciam translata, Italiam barbaris nationibus diripiendam, ac deuastandam reliquerunt. quod nisi superioribus annis Principes, ac Pontifices aliquot, maxime uero Leonis x egregia, propeq. diuina liberalitas huic malo subuenisset: quem Laurentij Medices, patris sui, clarissimi uiri, exemplo commotum, etiam uerae laudis cupiditas impulit, ut iacentes ingenuas artes, magnis propositis praemijs, excitaret: barbara, credo, quod ad litteras attinet, magna ex parte nunc esset Italia: dignitas omnis philosophiae, splendor omnis obsoleuisset eloquentiae. sed neque ille huic praeciari operis summam potuit absolvere, ereptus morte, disciplinis liberalibus nimis immatura: & interitum illius tempora sunt eiusmodi consecuta, ut, quae paullulum iam luxerant honestarum scientiarum studia, ea perpetuis multorum annorum tenebris quasi nox quaedam obscurauerit prorsus, atque exstinxerit. fatalis enim bellorum tempestas non exercitationem modo litterarum sustulit, uerum etiam, quae sunt in excolenda uirtute positae laudes, eas labefactauit omnes, atque peruertit. ac nunc quoque, cum pacis aliqua spes, longo sane interuallo, affulisset, misera rursus eodem malo tentatur Italia, ueteresq. calamitates aduersus



bōnis artibus nescio quis Genius inuebit . Nunc te, Hippolyte Cardinalis, cui summam iuuandi generis humani uoluntatem Deus tribuit, eximiam ad laudem uocat occasio . suscipe desertum paene ab omnibus litterarum patrociniū: collige tu, quae alij dissipant, omnium laudandarum doctrinarum studia, & restitue nobis illa, quae uel hominum improbitas, uel, ut alio culpa deriuetur, fortunae uis eripuit . haec est actio digna Cardinali, digna Principe, Hippolyto uero & Cardinali, & Principe dignissima . Vidimus tuam praeteritam uitam . ab ea nihil humile, nihil obscurum, nihil uulgare, ampla omnia, praeclara, inusitati exempli, noui generis exspectantur . quae tu, ne a te ipso dissentias, nunc quidem magna ex parte praestabis, atque adeo iam praestas, bonis uiris, & eruditis beneficentia subleuandis . quorum ex ingenijs non dubito quin quotidie aliquid efflorescere tuo beneficio uideas . quod quia praeclarum est, exemplum alij sequentur .

Scribent omnes, quod quisque poterit, illecti gloria, & commodorum spe compulsi . nam, ut coniecturam de me ipso faciam; quem esse nihil in litteris fateor; sed, ut aliquid tamen essem, laboraui; ego olim (decennium, opinor, abiit, eoq. amplius) auctoribus duobus eximijs uiris, Petro Bembo Cardinali, & Bernardino Maffeo, qui postea dignitatem eandem magnis in Ecclesiam Christi meritis est consecutus, dederam me ad res Romanas, illas ueteres, obseruandas, & ex omnibus antiquorum

monu-

monumentis omni studio colligendas : ut , cum illam remp. qua nulla fuit , nec erit umquam illustrior , uniuersam animo , ac scientia comprehendissem , latinis eam litteris explicarem , egregiumque bene , ac laudabiliter institutae ciuitatis exemplum meis , quatenus quidem ipse possem , scriptis expressum , posteris relinquerem . Res erat praecellens ; meque delectabat uehementer , & afficiebat ipsa tractatio . itaque meam omnem industriam , omnem curam , omnes denique in hoc studio cogitationes fixeram , ac locaram . sed accidit iniquo meo facto , ut horum utrumque , Bembum primo iam senem , cuius in beneuolentia ornamenti mihi erat plurimum , deinde Masseum , non aetate minus , quam uirtute , florentem , in quo mei spes otij sita omnis erat , a quo pendebam totus , importuna morte ereptum amiserim . destitutus eo praesidio , quo meae fortunae nitebantur uno , fractus animo , ac debilitatus , institutum Antiquitatum Romanarum opus omiseram , & ad alia me conuerteram . postea uero quam , honorifica in primis condicione delata , magno sum a te tuo beneficio in tuorum familiarium ordinem inuitatus ; quod ego summae felicitatis loco duxi ; erectus mente , atque animo , rursus , quod abieceram , suscepi , onusque tantum , quantum priuatis opibus perferri uix , aut ne uix quidem potest , te uno fretus egregie suslineo . Et , ut ex parte totum iudicare posses , de decem , quos exorsus sum , libris hunc de legibus potissimum , quem ad

te mitterem, delegi: non quod ita postularet or-  
do: ( sextum enim in *Antiquitatum* uolumine lo-  
cum obtinet ) sed, quod, cum omnium librorum ma-  
teries non modo coacta iam in unum a me esset uni-  
uersa, uerum etiam satis diligenter in partes distri-  
buita; casu accidit, ut hic minus, quam ceteri, ru-  
dis, minus esset impolitus. praeterea feci libenter,  
tuis actionibus admonitus. leges enim hic liber com-  
plectitur. porro leges nihil aliud, quam rationem,  
nihil, praeter ordinem, docent. ratio autem, & or-  
do, si usquam, in tuis moribus elucet. quippe nihil  
agis non modicatum, nihil non aequabile, nihil,  
quod non cum ea, quam sustines, persona, id est  
cum religione uere Christiana, ac sedis Apostoli-  
cae dignitate consentiat. quare cum omnia mea tua  
sunt; quandoquidem ego me tibi, quidquid sum,  
& quantus quantus esse possum, totum addixi:  
tum uero hic de legibus Romanis liber uere tibi de-  
betur, tibiq. est a me iure optimo scriptus. quo  
in libro bene positam a nobis operam si duxeris;  
de ceteris quin idem sentias, haud equidem uere-  
bor. pergo enim studio pari, uoluntate etiam, ut  
mibi uideor, ac riore. unum modo exoptandum est,  
ut, quando nos ab hoc studio nulla utilitas, nulla uo-  
luptas, ne uoletudinis quidem satis imbecillae ratio  
potest auellere, nostris laboribus tua beneuolentia  
quasi propitium numen adsit. sic enim fiet, ne qua  
prorsus in difficultate, ne quo umquam in scopulo  
nostra haereat industria: & in eum, quo spectat  
ani-

*animus, portū secūdo cursu, tuae benignitatis aurā  
prosequente, facile peruehemur. Venetijs, 1557.*

I N. E D I T I O N E  
K A L E N D A R I I. R O M A N I

FACTVM est a me sane libenter, ut, cum  
edendi essent Romani Fasti, e lapidibus Capitolinis  
descripti, adiungerem ad eos Kalendarium, ex quo  
ratio dierum, pro ea, quae Romae olim fuit, con-  
suetudine, tota patet. atque in hanc me uolunta-  
tem, uel cupiditatem potius primum ea, quam &  
mea sponte, & patris exemplo semper spectauī,  
publica litterarum utilitas, deinde etiam Caroli Si-  
gonij, uiri optimi, & ab omni prorsus iniqui ani-  
mi labe puri, singularis doctrina deduxit. putauī  
enim, id quod res est, futurum, ut ad Kalendarium  
ex Fastorum societate commendationis tantum ac-  
cederet, quantum ad ipsos Fastos e Sigonij studio,  
iugenioq. esse adiunctum, qui diligenter addita-  
menta ipsius, & in ea commentarium, qui prope-  
diem edetur, plenissimum legerit, facile cognoscet.  
non enim illa supplementa, quae in lapidibus illis,  
unde fastos habemus, desiderantur, ex Liuiο, aut  
Dionysio, aut ex duobus tribus ue praeterea libris,  
quos etiam leuiter eruditi homines in manibus ha-  
bent, colliguntur. non est id, ut rudes antiquitatis  
homines existimant, ioculare quiddam. opera haec  
quidem esset, non industria. & operae quis laudem.

tribuit, cum in tempore dumtaxat posita sit? industria uero non ab ingenio, non ab intentione quadam mentis abest: itaque iure laudatur. quod si satis esset historiam semel aut iterum legendo percurrere; nemo esset, cui Romanarum rerum notitiam assiduo biennij triennij ue studio comprehendere uniuersam non liceret: in qua tamen ego iam per decennium desudo: & quo diligentius ea ipsa, quae legi saepissime, cogitatione retracto, eo certius, quantum in hoc genere sit difficultatis, intelligo. itaque opto, ut, quae alij collegerunt, omnes edant statim, & mihi hanc laudem praeripere conentur. uideo enim fuisse nonnullos, qui, meis scriptis ad huius scientiae studium aliquot abhinc annis excitati, & indicibus eorum librorum, de quibus edendis cogitare me, iamdiu polliceor, animaduersis, quasi quodam lumine ad ineundam studiorum uiam prolato, ambitione praecipites, dum anteire nobis uolunt, in maximos, maximeq. pudendos errores inciderunt. quorum alios alij peritiores, nulla facta mora, alios fortasse nos, non illos quidem nominatim, significatione tamen satis aperta, ne omnino debita laude fraudentur, aliquando refellemus. Redeo ad Sigonium. Ille uero, cum, inspectis antiquis libris, lapidibus, nummis, nonna magistratum uetustate uel amissa prorsus inuenit, nel mutila perfecit; cum fastorum partem, alienum in locum translatam, in suam sedem retulit; cum censuras, cum triumphos addidit, & trunco quasi cor  
pori

pori sua membra restituit ; nihil potuit difficilius ,  
nihil , in quo maiorem a bonis bonarumq. littera-  
rum studiosis hominibus iniregratiam posset : hoc  
enim libro , hoc , inquam , quem nos edimus , ( nam  
inchoata quis perfectis anteponat ? ) qui res Roma-  
nas curant , horis fere singulis utantur necesse est .  
itaque cum qui litteris a me poscebant superiori-  
bus mensibus , amici homines aliquot ex Hispania ,  
plures ex Gallia , & Germania ; hoc adscribebant  
omnes , cum Caroli Sigonij supplementis . quorum  
a me uoluntati satisfactum esse , uehementer gaudeo ,  
eoq. magis , quod adiunxi , quod sortasse non exspe-  
ctabant , non poscebant certe , Kalendarium Roma-  
num , utile illud quidem dierum caussa , quorum in eo  
genera distinguuntur , sed utilius ob id aliquāto , quod  
ad comitia , iudicia , senatum , Romana denique o-  
mnia , qui coniectura , ingenioq. ualebunt , multam  
inde scientiam deriuabunt .

## AD. HIERONYMVM. FALETVM

HERCVLIS. FERRARIENSIVM. PRINCIPIS

APVD. VENETAM. REMP. ORATOREM

IN. IPSIVS. POEMATATA

MAGNA laus est eorum , Hieronyme Fale-  
te , qui non ad uulgarem humilemq. artem , sed ad  
nobilem aliquam , liberalemq. doctrinam sua stu-  
dia contulerunt : maxima uero , si quis eam philo-  
sophiae partem , quae Poësis appellatur , ita est com-  
ple xus ,



plexus, itaq. haeret in ea cognoscenda, ut auelli nulla prorsus ratione possit. itaque ueteres illos, quibus optimi ac summi Dei uocem audire, eiusq. sermone frui saepe licuit, homines sapientissimos, atque sanctissimos, poeticae facultatis admodum studiosos fuisse constat, suasq. cogitationes non eo, quo quilibet uteretur, sermone, sed uersibus exponere uoluisse. quorum exstant nonnulla, sane praeclara: quae cum legimus, afficimur, & quasi diuina quadam ui abrepti, extolimur haud paullo altius, quam qui rerum humanarum in studio uersantur. Habet igitur ars poetica dignitatem; quandoquidem in ea latent arcana philosophiae, quae profanis oculis non patent: ea rudes animos excolit: ea nos ab rerum humilium studio deducit: ad egregios mores, ad ueram religionem, ad excellentem magnarum rerum cupiditatem uocat. Habet eadem suauitatem: quia uocibus apte constructa oratio miram infundit auribus animisq. iucunditatem. Et, ut uno uerbo comprehendam, poesis numerus est: numerus porro nihil aliud, quam ordo: ordinis autem principium a Deo fluxit: diuini sunt igitur homines poetae; nec ullo non honorum genere decorandi. poetas autem definitio, non quicumque uersus faciunt; qui molesta & odiosa garrulitate saepe nobis obstrepunt; sed eos, quorum in uita non minus, quam in scriptis, elucet ordo; a quibus colitur humanitas, & beneficentia non modo laudatur, uerum etiam pro facultatibus exercetur. haec enim  
sunt

sunt sacra illa mysteria, quae poesis fabularum specie ita uelat, ut ea tamen uatum excellentium, hoc est bonorum uirorum, mentes intelligant. quae uero his uirtutibus aduersantur uitia, haec sunt illa monstra, inimica naturae, quae poeticis figmentis ostenduntur, sus Erymanthius, leo Nemeaeus, hydra Lernaea, gygantes, & harpyiae, quaeq. alia traduntur, perdendis hominibus, aut frugibus nata. Neque uero tu, Falete doctissime, tantam animi praestantiam possideres; non esses tam ad omnem uirtutem, ad omnem laudem propensus; non tam in moribus elegans, in consuetudine comis, atque etiam pro tuarum copiarum ratione beneficus, ac liberalis; nisi magistrum ab ineunte aetate habuisses poeticam artem; quae te suis praeceptis erudit, atque informauit; nihil ut ageres, quod ab honesto dissideret; nihil ut in omni uita, praeter decus, & antiqua maiorum tuorum, hominum clarissimorum, instituta, cogitares. cuius tanti beneficii non est apud immemorem gratia collocata. habes enim poesim in delicijs: eam amas: eam ornas. cumq. Herculis, Ferrariensem Principis post hominum memoriam maximi personam sustineas, idq. tanto splendore, actanta, quanta nemo umquam antea, dignitate; summis tamen magnarum rerum occupationibus distractus, scribis saepe uersus Calliope dictante, & a grauissimis curis tamquam in amoenissimos Musarum hortos animi causa diuertis. superioribus quidem diebus, cum egregium il-

lum

lum *Athenagorae*, ueteris philisophi, librum, de altera hominum uita graece scriptum, Italicum in sermonem conuertisses; atque ego te, quod uiatores, difficili confecto itinere, consueuerunt, aliquot dierum quietem uelle capere existimarem: inueni te poema tuum de bello Sicambrico, nonnullis ab hinc annis compositum, ita tractantem accurate, ut adderes non pauca, quaedam detraheres, multa corrigeres. quae cum legerem, admiratus elegantiam uerborum, splendoremq. sententiarum, hortatus sum ut ederes, & eo magis, quod reliqua tua poemata, non modo iam typis impressa, uerum etiam scripta, per manus, perq. ora doctorum uirorum eximia tua cum laude uolitant. qua in re non modo meo, uerum etiam studiosorum omnium nomine gratias tibi habeo, habeboque, dum uiuam, immortales; quod meis hortatibus, ac precibus tribuisti tantum, ut te mihi totum renitteres, tuorumq. poematum ius omne tuum, omnemq. plane potestatem ad me liberalissime transferres. quod cum impetrassem, exceptus sum illico ea cura, Principi ne alicui uiro, quod fere solet, an amico homini, ac familiari, an uero tibi ipsi potius ingenij tui fetus essent dicandi. tibi quidem tua deberi uidebantur: sed ab huiusmodi consilio tua mihi multis in rebus perspecta modestia deterrebat, rursus, cum intelligerem, omnes fere libros, qui typis diuulgantur, uel iis dicari solere, quorum auctoritas, aut quorum opes utilitatem aliquando

aliquando aliquam ei, qui mitteret, parere posset; uel ijs, quos pro magnis eorum beneficijs aliquo munere remunerari aequum esset; uel ijs denique, cum quibus minime uulgaris intercederet amicitia: haec, Falette humanissime, cum omnia concurrerent, uictus sum, tuaq. ad te ipsum scripta mittere constitui. nam, etsi Princeps tu quidem fortuna non es, summis tamen Principibus tua te uirtus ita commendauit, carumq. reddidit, ut eorum opibus aequae, ac tuis, eos, quos diligis, beare possis. sed omitto reliquos. Hercules uero, Ferrariensium Princeps, immortalitate dignissimus, cui te totum uni addixisti, cuius esse uis quidquid in omni uita praestare potes, is quo te numero habeat, facile declarauit, cum, post multas legationes, ad Sarmatarum Regem, ad Imperatorem, ad Pontificem, oratoris apud Venetam remp. munus honorificentissimum tibi commisit. qua propter, quod ad hanc partem attinet, parui refert, utrum Principis nomine liber aliquis inscribatur, an uero eius, cuius apud Principes auctoritas ea sit, ut prodesse quibus uelit non mediocriter possit. De tuis autem erga me officijs quid agam pluribus? quae cum & multa sint, & maxima; tum uero illud excellit, quod in hac mea satis diuturna oculorum uoletudine uenire domum meam quam saepissime, animumq. meum, tristibus curis affectum, tuo adpectu, ac sermone recreare solitus es. Amicitia uero si spectanda fuit; neminem tibi debui anteferre. coniunxit

obscuritatis habet plurimum, ualere te tua scripta significant. Meam uero hanc, quam profecto in hac epistola uides elucere, uoluntatem, animiq. singularem ad te amandum propensionem amplectere: atque ita statue, si tu mihi, quod, ut uideo, praeclare facis, in amore respondebis, par amicorum neque nostra, neque ueterum memoria coniunctius ullum fuisse. idq. quanti a me fiat; dabo operam, quantum in me erit, quotidie certius ut intelligas.

AD. ISABELLAM. VILLAMARINAM  
SALERNITANI. PRINCIPIS. CONIUGEM  
IN. SCIPIONIS. CAPICII  
POEMATA

Ex omnibus rebus humanis cum nihil sit literis doctrinaq. praestantius; sequitur, ut litterato Principe laudabilius nihil esse uideatur. non enim, si quis humili fortuna scientijs animum excoluerit, quamuis omnium uirtutum intelligentia sit ornatus, aequae tamen eas uirtutes exercere poterit, ut summo loco natus. omnium est scire, non omnium tamen agere. non cadit in quemuis administratio iustitiae, non liberalitatis. esse oportet, quibus imperes, ut iustitiam colere possis; esse, quod, des, ut liberalitatem. Et, quoniam ad haec primum a natura formamur, & fingimur, ut, quae laudabilia sunt, nostra sponte diligamus; deinde praeceptis institui-  
mur, ut uoluntatem ratio confirmet: utrumque si  
quis

quis habet; uerissimis laudibus ornatur; eo magis si is est, cui tertium etiam illud contigerit, ut fortunae commodis abundet. nam, qui uirtutem non ut primum bonum; sed ut alterius boni caussam quaerit, ut diuitiarum, ut honorum: ei uirtus, quae perfecta non est; quia quaeritur ad aliud; perfectam laudem asferre non potest. perfecta uero uirtus est, quae se ipsa contenta nihil appetit, quod extra sit. hanc si quis est qui sequatur; qui unam diligat, qui ipsam propter ipsam, non propter aliud, expectandam ducat; hic est, quem Di praeter ceteros diligere putantur, cui quidem eam mentem dederint, ut praeter ceteros sciret. Tua haec est, Isabella praestantissima, tua inquā haec maxime laus est. cum enim tibi aut ad opes, aut ad dignitatem nihil ferre posset accedere: quarum rerum cupiditate adducti, magnarum artium in studiis plerique uigilarunt; ipsa, nihil huiusmodi spectans, uirtutis amore capta, cuius pulchritudinem animo cerneres, effecisti, studio tu quidem, sed ingenio magis, ut, cum esses omnium nobilissima; omniumq. pulcherrima, quorum alterum maiorum tuorum, maximeq. uirtutis, Principis omni laude cumulati, magnis rebus testata uirtus, alterum benignissima tibi Natura dedit, eadem & sis, & habearis omnium doctissima. hinc illa ad te colendam singularis omnium propensio; hinc multorum poetarum, quibus grauissima Regum bella magni operis argumentum supeditare poterant, ad te canendam tradu-

eta



*Et ingenia: hinc Capicius ille tuus, tuarum laudum laudatissimus praece: qui te admiratur unam, qui obseruat: qui cum de te multa, & uera praedicauit, ita concludit, unam habere, quae optabilia sint, omnia. itaque me quidem eodem studio inflammauit, nihil unquam ut ardentius optarim, quam ex tuis unus esse. quod quo facilius impetrarem, feci, ipso permittente, atque etiam libente Capicio, ut eius libros, de Principijs rerum duos, de Vate maximo tres, meae in te summae obseruantiae testes emitterem. diuinum carmen est, multis luminibus ingenij, multa arte distinctum. equidem nihil legi in hoc genere perfectius: ut ne Lucretius quidem pluris apud me sit: quo cum antea propter sermonis elegantiam delectarer, uteremq. multum, coepit mihi iam minus esse familiaris, postea quam Capicium legi. Hoc opus, & quia scriptum est a tui studiosissimo, & quia uersibus te dignis, idest luculentissimis, non dubito, quin a me missum auide accipias, sic inquam, ut de isto me munere ames plurimum.*

## AD. TORQVATVM. BEMBV

PETRI. FILIVM

IN. VIRGILIVM

*QVOD* ego de poetica facultate sentio, idem tibi, Torquate Bembe, qui res praeclaras ingenio studioq. consecutus es, bene iam esse cognitum ac persuasum facile putoque, non esse eam inter ea, quae

F mi-

minimi ducuntur; non uulgarem, non leuem; summum esse quiddam, ac plane diuinum; quiq. suas ad eam cogitationes conferant, etiam si, quod uolunt, non assequantur, probandos tamen esse, quia scilicet ad maxima contendant; qui uero in ea ita uersentur, ut excellant, colendos nobis esse uehementer, omniq. omnium laudum genere cohonestandos. At miror equidem fuisse, hodieq. esse nonnullos, qui rem hanc pulcherrimam, ac deorum nobis munere concessam, parui pendant, atque etiam, si dijs placet, in sermonibus uituperent. Quid, inquit, est poetica? fabulas continet, fabulis autem quid inanius? Ridicule: qui ex ipsorum ingenijs ceterorum ingenia metiantur; quaeq. ipsis obscura sunt, ea reliquos uidere non putent. Ego contra ita soleo disputare, utinam, Torquate, te praesente, ac tui similibus: nihil enim tam optandum, quam habere indicem in controuersiis, qui causam, qua de agitur, quaeq. propter aliquam difficultatem in dubium uocatur, optime calleat. sed ego contra, cum in hos incidi, ita soleo disputare. Est ne aliquid hominum generi utilius, aut omnino philosophia praestantius? negare coguntur. si negent, eos ratio refellet, & ueritas ipsa: quae cum pugnat, facile uincit. una enim est philosophia, quae uitia nostris ex animis euellat; una, quae inserat uirtutes: humana omnia, multis obstructa difficultatibus, aperit; diuina, non illa quidem prorsus, sed magna tamen, ex parte patefacit. atque hanc, quae tantas res prae-

stat,

stat, siue artem, siue scientiam, ne communis esset omnibus; uulgiq. tractatione impurisq. mentibus contaminata sordesceret, obscuris fabularum inuolucris, quasi aliquid sacrosanctum, uelauit, & custodiuit antiquitas. fabulas porro ipsas non eo, quo uulgus utebatur, communi, & soluto, sed exquisito, & numeris adstricto orationis genere prisci illi, summa homines sapientia praediti, prodiderunt. placebat hoc illis, primum ut rei dignitatem, si posset, & quatenus posset, uerborum augeter elegantia: lectis enim, admodumq. puris uocibus efficitur uersus: nihil hauritur de faece: deinde, quia, cum philosophiam tractarent, maiore nescio qua suauitate ex illo concentu, quem numerosa uocum in uersibus compositio gignit, aures animosq. perfundi pulchrum putabant. quae cum ita sint: neque fabulas, quae philosophiam continent, neque uersus, quibus fabulae ipsae continentur, iure quisquam reprehenderit. His ego ad coarguendum istorum inscitiam, alijsq. praeterea utor argumentis. addo exempla, eaq. Italorum, & eorum hominum, qui nostra, patrumq. memoria floruerunt. Pontanos, Sannazarios, Fracastorios (omitto alios: sunt enim multi) non ne musarum in primis consuetudo delectauit? propius accedo. pater tuus, Torquate, Petrus Bembus, quem orbis terrarum cantat: nec iniuria: uixit enim, quantus ei uitaecursus fuit, in uirtute totus: is cum alias coluit philosophiae partes, tum uero poeticam artem amauit

amore quodam ardentissimo; eiusq. studium a prima pueritia complexus, numquam ne in extrema quidem senectute dimisit. scripsit autem uersus in omne aetate multos, & scripsit omnium elegantissime, sic, ut ei Apollo dictasse uideatur. itaque recte fecit, optimoq. sane consilio pater meus, qui latinorum poetarum principem Virgilium eius nomini, quem optimum poetam nouerat, inscriptum emisit. recte item ego, qui, patris mei exemplum secutus, tibi, & tanti uiri filio, multis uirtutibus ornato, & facultatis poeticae studiosissimo, ac peritissimo, eiundem poetam, quasi munus Bembae familiae debitum, dicauerim. nam, quemadmodum parentes nostri alter alterum tum sermonibus, tum scriptis ornabat; ut, quantum inter se amarent, aequi & iniqui cognoscerent: item ego cupio, & conabor, quantum in me erit, (an praestare possim, nescio; sed conabor certe) ut ex meis scriptis nostram amicitiam, meamq. in te summam obseruantiam etiam ipsa posteritas intelligat. non enim, cum hanc meam multis abhinc annis ad te amandum & colendum uoluntatem contuli, id solum spectavi, ut quasi hereditatem adirem amicitiae paternae: tam etsi hoc ipsum quoque me mouit, sicuti mouere debuit, sane plurimum: sed tua quaedam propria secutus sum: tuos, inquam, mores, tua studia, tuas uirtutes uidi primum: deinde ex iudicio fluxit amor; & quo mea sponte propendedam, ratio impulit. noui te adolescentem, noui iuuenem, & Patavi,

tanijs, & Venetijs, sanctissime uiuentem, & praeclara illa cum doctissimis uiris philosophiae studia tractantem. in quibus cum iam, tuo quidem aliquid, aliorum autem iudicio multum profecisses; Romam te, in eam urbem, contulisti, quam pater tuus theatrum per annos multos habuit suarum uirtutum celeberrimum. ibi nunc tu quoque spectaris, & probaris: ibi plausum fers a bene intelligentibus, beneq. sentientibus uiris: ibi denique uera illa Petri Bembi cernitur, & agnoscitur in te filio non minus animi, quam corporis, effigies: & ut principia se dant, futurum omnes existimant, ut summi tibi in Ecclesia Petri honores, ac praefecturae deferantur: deberi quidem iam, nemo est, qui non intelligat. Quare laetor equidem, ac fruor iam nunc, pro meo erga te studio; quasi praesentibus honoribus tuis; & praecipio gaudia, quanta potest animus meus capere maxima, tuae futurae dignitatis. perge modo, ut coepisti, in tuis perennibus studijs, & animum tuum pulcherrimis, teq. dignis cogitationibus exerce. uides eam uiam, qua pater tuus iuit. exstant uestigia. istae euntibus rectissimus est ad gloriam cursus, offensio nulla, nullus error. quod fecisti, laudamus: sunt enim magni, uereq. laudandi processus in uirtute tui. quod reliquum est: quia te summum illud ad decus, quod excellentibus ingenijs propositum est, tamquam ad metam peruenire cupimus; & quod cupimus, id in te ipso positum uidemus; fauemus animis, pro-

sequimur studijs, uocibus cohortamur. Atque ego quidem, huiusce animi mei non obscurum, ut opinor, argumentum, hunc librum, qui me tacente apud omnes gentes loquetur, tibi inscriptum ad te mitto. uolo aeternum exstare monumentum, unde homines, quid de te senserim, quid iudicauerim, intelligant. uolo, habeas ipse munus a me, unde, quid tua caussa uelim, conſcias; & maiora, cum ornandi tui maiora aliqua facultas exsisteret, officia, studiaq. expectes. Venetijs, MDLV

AD. PAVLLVM. RHAMNVSIVM  
IOANNIS. BAPTISTAE. FILIVM  
IN. CAESARIS. COMMENTARIOS

QVI magistram uitae dixit esse Historiã; nae ille, Paulle Rhamnusi, & dixisse uere, & praeclare sensisse mihi uideri solet. facile enim unus homo, quid multis hominibus euenerit, cum intelligit, eruditur, atque ipse sibi normam componit actionum suarum, uitaeq. totius inter omnes errores, omniaq. pericula ad ueritatem, ac salutem dirigendae. nec aliud est nostra prudentia, quam euentorum observatio, rerumq. praesentium, ac futurarum ex praeteritis, tamquam ex fonte, scientia derivata. quod ex uniuerso litterarum genere uel sola, uel certe maxime praestat historia, praesertim si quis eam ita tractet, ut, euēta dū notat, animum referat ad causas, in easq. attente inspiciat, & rationem



uem quaerat, cur hoc factum, illud omissum, cur ex illo calamitates, ex hoc optata contigerint. Atque hoc primum est de historia fructu. sequitur dignitas. Res gestae narrantur inter summos Reges, potentissimas ciuitates, bellicosissimas nationes, causae porro bellorum sunt, quae sunt humanarum rerum maximae, imperium, salus, gloria: quae ponuntur in armis omnia, & a consilio ducum, a uirtute militum, ab ipsa fortuna pendent. Neque uero dignitatem quidem habet, ac fructum, uoluptatem autem historia desiderat. nam, si uoluptas est, quam magnarum uariarumq. rerum adspectus animis nostris infundit: nulla pulchrior species, nulla gratior, nulla prorsus historia iucundior. uides, ut in tabula picta, aduersa ducum excellentium stratagemata, artes, insidias; spem potiundi, metum amittendi; caesos exercitus, urbes captas, imperia de'etas: age, fortuna commutata, cadere insultantem, uictum exsurgere; eodem paene momento laetitiam pelli maerore succedente, maeroremq. laetitia. haec dum legimus, haurit animus uoluptatem incredibilem; aliturq. pabulo suauissimo, nec saliat, donec ad exitum peruenerit. Cyrus ille, Persarum Rex, qui orientem subegit, Pyrrhus Epirota, castrametandi laude praeter ceteros insignis, & duo illi, barbarorum omnium clarissimi, Alexander Macedo, et Hannibal, praeterea de Graecis Themistocles, Agesilaus, Epaminondas, quo modo, cum eorum facta commemorantur, animos nostros affi-

ciunt? exspectatione suspendunt, pascunt gaudio, metu macerant. uerum haec maxime Romana patient in historia: quae uel diuturnitate, ac magnitudine bellorum, uel uarietate fortunae uberrimam exemplorum in omni genere copiam suppeditat. Romana porro uiri praestantes multi cum litterarum monumentis tradiderint; quorū ingenijs, quae cuique merces gloriae pro cuiusque facultate debebatur, ea posteritatis iudicio persoluta; eminet inter omnes, mea sententia, (nec uero secus antiquitas sensit) primumq. sibi dignitatis gradum C. Caesar iure uindicat. nam & uixit qua plurimum aetate Romae floruit eloquentia: & coluit ipse eloquentiam praeter ceteros: rebus uero gerendis non interfuit modo, uerum etiam praesuit: quo factum, ut usum quoque, qui ualet in scribenda historia multum, cum doctrina coniunxerit. exstant, bono quodam litterarum fato, praeclari illius de bellis, ipso Duce gestis, commentarij; qui se non solum omnibus omnium historijs aequare, uerum, ut omnes faterentur, anteferre etiam uidentur. Breuitatem scis in oratione magnam esse laudem, cum eo tamen, si uitetur obscuritas. facile enim, dum illam sequimur, in hanc incidimus. quod in Thucydide uitiū Cicero notauit, cum esset alioqui scriptor egregius. At uero C. Caesar, cum breuitatem maxime omnium adamauerit, ita tamen pressus est, ut eodem nihil fieri possit illustrius. proprie loquitur, & significanter: ornamentorum tantum habet, quantum

tum in exponenda re decet : nam elaboratam studio  
sius orationem , nimiaq. excultam elegantia pru-  
dentiam aures non modo in commentarijs , uerum  
in historia quoque respuunt . Hic tibi est , Rhamnusi  
optime , mibiq. multis nominibus carissime , in ma-  
nibus habendus , tractandus assidue , obseruandus ,  
ediscendus : ut eum penitus , si fieri potest , aut cer-  
te quantum potest , imitatione ex primas . nam , cum  
tibi Veneta Resp. bellum illud memorabile , omni-  
umq. difficillimum , quod Henrico Dandulo Duce  
aduersus Byzantios gestum est , latina oratione tra-  
diderit explicandum ; magnisq. etiam tuam indu-  
striam praemijs honestandam decreto publico cen-  
suerit : debes eniti uehementer , ac omnes ingenij  
tui neruos contendere , ne quis te tanto imparem o-  
neri fuisse umquam putet . Atque ego quidem , qui  
te fero in oculis , qui tuae gloriae faueo , cū in ipsam  
rem intueor , grauem sane , admodumq. difficilem ,  
paullulum commoueor : rursus , cum ad ingenium  
tuum , ad industriam , ad illos animi tui praeclaros  
ad laudem impetus mentem & cogitationem refe-  
ro , facile confirmor , & huiusce tibi commisi mune-  
ris eum , quem cupio , idest plane gloriosum exitum  
exspecto . Verum , ne sint in te ipso , quae sunt ; &  
sit haec , quae tibi ineunda uia est , quantumuis lubri-  
ca , incerta , impedita : an tu potes labi , potes erra-  
re , potes usquam offendere , ducem secutus patren-  
tuum , Ioannem Baptistam Rhamnusium , specta-  
tae sapientiae uirum , consiliorum omnium summū

xuirum .

uirum Collegij participem ; cuius elucet in urbe  
 nostra uirtutes exinire, nomen autem, aeternis con-  
 signatum atque impressum ingenij monumentis ;  
 per orbem terrarum fama dissipauit . is te sua do-  
 ctrina instruet , consilio monebit , prudentia reget .  
 at quo studio ? quo scilicet pater filium , & quo ta-  
 lis pater talem filium debet . nec sane uideo , quem  
 deceret magis , aut in quem haec aptius , quam in te ,  
 provincia conueniret . nam , cum eas res , quae tibi  
 sunt latinis litteris tractandae , magna ex parte li-  
 ber , ut audio , contineat Gallica scriptus uetere lin-  
 gua , tum ipsa perobscura , tum multis praeterea di-  
 uersarum linguarum uocabulis permista , atque  
 confusa ; cum porro librum pater tuus & unicum  
 habeat . & unus ipse ( de nostris quidem homini-  
 bus ) optime omnium intelligat : sapientissime , ut  
 in omni re semper , ita proximis mensibus decre-  
 tum a x uiris est , ut haec tibi potissimum Ve-  
 netae pars historiae mandaretur , cuius haurire  
 scientiam non aliunde , quam ex tuis aedibus , li-  
 cebat . Ego quidem , etsi intelligo , quis sis , quam te  
 delectet uerus honor , quam tua sponte incumbas  
 ad decus ; tamen hortor te , sensus huc omnes tuos ,  
 cogitationesq . conuertas ; excites ipse te ; conside-  
 res etiam atque etiam , quid susceperis , a quibus  
 commissum , qua tua aetate , qua omnium expecta-  
 tione . Venetam scribis historiam , nec uniuersam ;  
 sed quod in ea maxime putatur excellere : scribis  
 Principum Reip . decreto : scribis adolescens : qua

aetate

aetate magnas res aggressos uel insignis admodum  
manet gloria, uel temeritatis nota sempiternae.

Quibus ex rebus, & quod ante studiorum tuorum  
praestantes fructus edidisti; & quod patris tui uir-  
tus tua uirtus putatur, nec tibi sunt petenda extrin-  
secus quae domi tuae nascuntur; orta est inter homi-  
nes opinio, historiam te nobis daturum egregiam;  
in qua Venetae urbis ita narres preclara facinora,  
ut aliena cum laude tui nominis immortalitatē con-  
iungas. quod ita futurum, mihi per suatum est, si te  
ad legendos assidue Caesaris commentarios contule-  
ris, eorumque ad imitationem, & quasi imaginem  
totum effinxeris. hoc enim in genere nihil habent  
perfectius Latinae litterae: et eos, quo tibi essent, tui  
iuris quodam modo facti, cariores aliquanto, cum  
hoc tempore nostris ex aedibus haud paullo, quam  
antea, emendatiores exirent, uolui in tuo nomine ap-  
parere, multis in hanc mentem caussis, usque mini-  
me uulgaribus adductus. nam, ut omitam, quod  
historiam scribenti nihil aptius, nihil omnino his cō-  
mentarijs utilius quisquam dixerit: ualde me com-  
mouit multorum annorum, ac paene saeculorum in-  
fouendis optimarum artium studijs praeclara tuae  
gentis consuetudo. ac uolo mihi, quod attinet ad il-  
la uetustiora, silentium imponere: uenio ad ea, quae  
propius ad aetatem nostram accedunt. Auo tuo, cu-  
ius tu nomen, & una cum nomine uirtutem refers,  
quis in omni uita uirtutem amauit ardentius? qui  
cum in litteris usquequaque excelluerit, tum uero  
iuris

in iuris ciuilibus cognitionem egregie cōsecutus est: eiusque rei testes habuit amplissimas Veneti Imperij ciuitates, in quibus tum ciuiliū, tum capitalium quæstionum iudicijs, magna pariter & integritatis, & doctrinae laude, præfuit. Mitto Hieronymum, patrum, medicinae, ac philosophiæ studijs præstantem: quicum in Syriam eo consilio esset profectus, ut Arabicis litteris imbueretur; paucis annis tantum profecit, ut plerosque Auicennæ libros in latinam linguam egregie conuerterit. Alios quoque possum de tuis maioribus, hac laude præstantes, minime paucos inuenire: sed parente tuo contentus uno esse possum, quo semper in hac ciuitate non solum amico, uerum etiam patrono eruditi homines usi sunt, neque sibi ornamenti, aut præsidij plus in eius amicitia, atque auctoritate, quam commodi repositum in benignitate senserunt. Accedit illud, quod idem pater tuus cum in Gallia, reip. causa, diu nixerit, eamque prouinciam, Rege Ludouico XII, uniuersam fere peragranerit; magnam eorū locorum partem, de quibus mentionem in his commentarijs fieri uide, præsens ipse nouit, eaq. tibi in sermone, non secus ac in tabula picta, diligenter, uerisimiliterque ostendere solitus est. itaque, cum hunc librum ad te statui mittere, illud intellexi, magistrum te habere excellentem in hoc rerum ac locorum Gallicæ prouinciæ studio, parentem tuum: quo sum aliquanto magis in suscepto consilio confirmatus. Tibi uero diligere meum erga te officium non existi-



mo. mihi quidem ipsi ob eam causam gratissimum fuit, ut ex tenui munere beneuolentiam in te meam perspiceres: quae cum a parentum nostrorum coniunctione, qua nulla maior esse potuit, originem duxerit, quotidie tamen augetur studijs erga me tuis, maxime uero causis ijs, unde facile manat amor, uirtute, ac probitate; quarum altera tuis in scriptis, altera in moribus elucet.

## AD. ANTONIVM. TRIVLTIVM

## CARDINALEM

## IN. HISTORIAM. SALLVSTII

CUM omnes me litterae, omnisq. libero homine digna cognitio uehementer delectat, Antoni Trivulti Cardinalis amplissime: tum uero pascor incredibili uoluptate; & afficior maiorem quendam in modum sensibus intimis, dum historiam tracto. quid enim potest esse iucundius? Rerum interuult obliuio est: at eae reuiuiscunt historia, cum in nostram memoriam reuocantur: quaeq. multorum annorum spatio, multis abhinc saeculis gesta sunt, ea nos, exiguo uolumine comprehensa, & tamquam in conspectu nostro posita, cognoscimus. Si sermonibus delectamur: resonat in scriptis hominum uox eloquentissimorum, nihil temere, nihil in compositae narrationis. omnia grauitate, suo quidque ordine, & loco. si consuetudine clarorum uirorum: uersamur, uetera legentes, cum Regibus, cum Principibus uiris, magnis in bello ducibus, sapientissimis rerum, recto-

rectoribus: ora ipsa mehercule, lineamenta, & formam non tam corporis, quam animi, eorum, quos numquam uidimus; uidemur tamen quasi praesentes intueri. Quod si recte instituendae uitae rationē ac doctrinam sequimur: usu maxime rerum quaeritur prudentia. usus est, uel cum experimur ipsi, uel cum, experientibus alijs, quid euenerit, obseruamus. nobis ipsis, experiri multa si uelimus, facile non licet. labore opus est, ac tempore: & fortuna tentanda; nec tentatur interdum sine periculo. commodius ergo, ac tutius, euentis aliorum examinandis, prudentia comparatur. id autem, profecto uides, Antoni doctissime, ac sapientissime, proprium esse historiae bonum: in qua patent fortunae uicissitudines, regnorum mutationes, hominum siue uitia, siue uirtutes: ex quibus, quae uitanda nobis sint, quae expetenda, nullo nostro periculo, nullo labore, sedentes in otio docemur. Atque hoc in genere Polybius inter Graecos, de nostris maxime is, cuius nunc libros tibi inscriptos emitto, Sallustius excellit. euenta enim ita narrat, ut causas simul aperiat. ex quo oritur illa omnium pulcherrima scientia, ut, malorum, & calamitatum origine perspecta, nihil agamus, nisi quod ratio praescribit; omniaque nostra consilia, omnes actiones ueterum exemplorum regula metiamur. Quae cum sit omnium, qui annales antiquorum euoluunt, communis utilitas: alia quaedam tua condicio est. habes enim historiam in familia tua: neque tibi, si quid inuenire uis

egre-

egregium, & imitatione dignum, confugere ad liberos necesse est, neque longius euagari, & quasi peregrinari animo, ac mente, more multorum. domo petas, licet, omnium uirtutum exempla. persequere maiores tuos cogitando. quae fuerit eorum in pace iustitia, in bello uirtus, in omni fortuna moderatio, si attendes, nihil ad gloriam domesticam requires. iustus Aristides, prudens Themistocles, fortis Epaminondas: de Romanis multi, multis eximijq. uirtutibus insignes. horum alij facta dum legunt, bonas artes ex eorum uita discunt, & ad easdem res, eademq. studia laudis cupiditate rapiuntur. at tu refer animum ad tuos maiores. eminere uidebis, instructum egregijs artibus, Ioannem illum Iacobum Triultum, magni animi, summi consilij uirum, scientia rei militaris aetate sua facile principem; praeterea, iustum, liberalem, abstinentem, plane, praeter decus, & gloriam, nihil in uita cogitantem. Nam de laudibus Hieronymi, parentis tui, quia tecum quasi loquor, ne seruire tuis auribus uidear, nolo multus esse: tantum dicam; quam diu uixerit, Gallicam rem in bello floruisse; postea quam, hostium multitudine oppressus, fortiter pugnans in acie perierit, concidisse. tantum in uno uiro momenti fuit, ac roboris. Age, sint haec, ut ita dicam, in campestri quadam luce posita: quid? in urbe Roma, idest in omnium gentium celeberrimo theatro, non spectata, probataq. uehementer est trium tuae gentis Cardinalium doctrina, religio, sapientia? ut, Triultiorum

Triultiorum nomine multorum uocibus in multas partes dissipato, non ipsa tantum Roma, sed omnis plane Italia, omnis, ubi colitur humanitas, Europa personaret. Omitto alios: sunt enim multi: nec tu quemquam ignoras. non enim sunt ex imaginibus, aut ex illa colorum inani specie maiores tui cognoscendi. quaerenda tibi facies tuorum non est. clari sunt ex recte factis: uirtute distinguuntur: cum alius in alia, in omnibus simul omnes enituerint. Quae tu quoniam a primis annis ad hanc aetatem non modo cogitasti, uerum etiam uita, ac moribus expressisti; propterea te, Episcopatu Tolonensi iam antea insignitum, legationibus hone statum, primum Perusina, & Auenionensi, in quibus miram iustitiae laudem tulisti, deinde ad Regem Galliae, & ad Venetam Remp. ubi prudentiam, ubi grauitatem incredibilem praestitisti, proximis diebus Cardinalem creauit Paullus I V. Pontifex omnium optimus, omniumq. maximus, iudicio praeditus acerrimo in aestimandis hominum ingenijs, ac moribus, itaq. animatus, ut, quae cuiusque meritis praemia debentur, ea libentissime, ac liberalissime persoluat. in quo, nemo est, qui tuam animi singularem aequitatem, ac moderationem uehementer non admiretur ac laudet; qui summae nuncium dignitatis, cum est ad te, multis praesentibus allatus, ita acceperis, ut nemo, te commotum, nemo, ne leuiter quidem affectum, ex uultu, aut oratione, aut ullo corporis gestu, potuerit intelligere. ita patuit, quod ab inspi-

pien-

pietibus ambigi, ac disputari quandoque solet, a bonis uiris uirtutem magis ipsam diligere, quam uirtutis insignia; honorem esse praemium recte agendi, finem non esse; magnos illos, ac praestantes esse homines, qui laudabiliter ita uiuant, quasi laudem percipiant, ita laudem, aut dignitatem excipiant, quasi nihil minus antea cogitauerint. quod in te & animaduersum est maxime, & obseruatur quotidie magis. colere enim te quidem studiosius, quam antea, omnes uidentur: ipse autem, qui antea fueras, idem omnibus es. nemo excluditur sermone tuo, nemo congressu: tui omnibus copiam facis: eandem omnibus humanitatem ostendis. Sequitur insolentia fortunam: comes est rerum secundarum arrogantia: tu mansuetudinem amas: tu continentiam, tu benignitatem perpetuo retines. iure ergo hoc etiam nomine Cardinalis es: iure habes hanc, quo tui te pro Petri Ecclesia suscepti labores extulerunt, maximi sacerdotij dignitatem. & nunc tu quidem comitatu stipatus honestissimo familiarium tuorum, multo tamen insignior, atque ornatiores cohortes tuarum uirtutum, quae tibi comites ubique sunt, Romam redibis expectatus, expetitusque, columnen futurus Christianae reip. splendor sacri Collegij, ornamentum familiae tuae. I, decus Italiae, amor, ac deliciae bonorum omnium, dijs bene inuuantibus, ad eam urbem, quae sola peregrinam uirtutem excipit, sola ornat honoribus, sola dominam facit rerum omnium humanarum. nos autem, quibus

tuam iustitiam, tuam benignitatem ostenderas, laeti tua dignitate, maestis discessu, te prosequimur abeuntem optimis omnibus; fauemus animis, precamur linguis; uota prorsus eadem, quae pro parentibus, ac liberis nostris, pro tua salute suscipimus. Atque ego, in hac omnium eximia laetitia pariter, & molestia, praecipuo quodam dolore diuellor; quia fato nescio quo meo contigerit, ut, quam diu Venetijs fuisti, ego semper afflictus importuno morbo iacuerim: quo etiam nunc langueo: & ad morbum accedit aegritudo: quoniam quidem, alijs ad te aduentibus, deq. ista dignitate gratulantibus, ipse excludor unus, nec possum meae summae erga te obseruantiae praesenti officio satisfacere. hac tamen spes sustentor, quod humanitas ac sapientia tua facile fortunam a crimine seiunget. consilio aliquid peccatur: accuses: iure feceris. culpam autem in ijs rebus, quae non a uoluntate nostra pendent, sapiens nemo umquam dixit esse. quare nec tu mihi, quia non ualeo, uitio dandum putabis: & hoc ipsum, quia, me non ualere, non tam corporis, quam officij causa doleo, laudi etiam fortasse tribues. e quidem habeo non uoluntatis modo testem, uerum etiam studij ac beneuolentiae auctorem in te meae, hominem honoratum, & cum omni uirtute excellentem, tum uero omnium, quos ego in uita uiderim, humanissimum, qui te amat egregie, facitq. plurimi, tuasq. laudes utraque manu ad astra saepe tollit. uerum ego non id solum specto, mea ut uni tibi pareat



teat obseruantia. illustrabo eam, si potero, meis aliquando scriptis, & patefaciam omnibus gentibus. interim, ut haec tibi nostra ex aliquo signo uoluntas illucescat, praeclaram edo tuo cum nomine Sallustij historiam: cui tu si locum dabis inter eos libras, qui ab oculis tuis abesse non solent; uigebit apud te nostri memoria: quoties eam uidebis, toties animo tibi occurrat: adero tibi saepe absens; tacitus saepe tecum loquar; meq. esse de tuis familiaribus unum, de ijs maxime, qui operam tibi assiduam praebent, qui tuo potissimum honori seruiunt, existimabis. quod ut ita sit, uebementer opto: & si assequor, feram in caelum istam humanitatem, colam animo, tuebor officijs, & imitabor, quantum potero: studio certe, si minus re licebit, tibi ut satisfaciam, elaborabo. Venetijs,  
MDLVII.

## AD. ALOYSIVM. GARZONIVM

IN. LIBROS. XXIII

DE. LINGVA. LATINA

QVI. CALEPINI. NOMINE

CIRCVMFERVNTVR

CONSTARE tibi puto, Aloysi Garzoni, cum ad res praeclaras natus homo sit, quippe qui solus ex omnibus animantibus munere rationis ac mentis excellat, nullam tamen artem eodem tempore & inuentam simul esse, & absolutam. omnes

humili tenuiq. ab initio profectae, paululum quasi per gradus adscendentes, ad id, quod summū uide-  
tur esse, peruenerunt. hoc & in litteris accidit, ma-  
ximeq. quibusdam in libris, qui eiusmodi sunt, ut,  
semel atque iterum aucti, locupletari tamen, at-  
que ornari deinde possint. quo ex genere bonum fa-  
tum Calepinus sortitus est, cui quotidie fere omnes  
homines de suo largiantur. certe enim illius Dictio-  
narium, quod nunc emitimus, non tam ipsius indu-  
stria, quam aliorum labore studioq. in tantam alti-  
tudinem excreuit. unum tamen desidero, quod ij,  
quibus illud propositum fuit, ut in hunc librum  
quamplurima congererent, id ipsum, quod fece-  
runt, ut adderent, facere consideratius diligen-  
tiusq. potuerunt. quorsum enim in herbarum mon-  
tiumq. nominibus colligendis diligentes sumus; uer-  
ba autem Latinae linguae illustra maxime, ac signifi-  
cantia, quae nescire nemo uult, in augendo Calepi-  
no negligimus? ergo ipsi hoc potissimum spectau-  
mus: & opinor, tantum praestitimus, quantum  
qui, hoc dictionario cum alijs dictionarijs confere-  
ndo, cognoscet, non dubito quin de hac opera nobis  
& faueat, & bene precetur. non enim libet hic  
commemorare, quae quibus in uerbis sint a nobis  
addita: nam sexcenta sunt, neque sumpta ex aper-  
tis aliorum librorum indicibus, sed ex ijs Latinae lin-  
guae fontibus, ad quos peruenire cuius non licet.  
utrum autem ipsi peruenierimus, res ipsa indicet. In  
eo etiam ab aliorum instituto discrepauimus, quod  
alii

alij tantum, ut addant, quae utilia putant, elaborant; nos etiam, quae non utilia sunt, & discendi cupidis contraria. quae scilicet Calepinus ipse non recte percepit, haec, inquam, dedimus operam, ut de libro, tanquam de tritico lolium, eximeremus. addidimus, mutauimus, susulimus, prout res postulauit. diſtiones certe graecas, ex multiplici leſtione deprauatas, ut eſt ſere, niſi diligenter caueas, corruptrix librorum Typographia, tam multas correximus, ut, quod fabuloſum eſt, nos dicere iſopixōs poſſimus. Augeae ſtabulum a nobis eſſe repurgatum. Noſtrum etiam in hoc opere proprium illud putamus, quod, cum alij in addendo ſupra modum curioſi fuerint, ut libes excreſceret; nos contra, ne quid praeter rem adderemus, ſuperſtitioſi fuimus, nec minus in exſecando diligentes. ut in diſtionibus graecis, latinarum ordini inſertis, uel potius intruſis, multas, quaſi de alieno loco, migrare coegimus. exempli gratia inter latinas diſtiones quem locum habere potuit catabathynus, aut hodoedocus, aut pseudonymus, & huiusmodi, quae a latinis ſcriptoribus latine pro exemplo aduēta minime reperiās: quae propemodum innumerabilia ſuſtulimus, eodem iure quo latina uocabula de Graeco diſtionario tolleremus. Et quoniam hoc uolumen, ob uariam infinitamq. doctrinam, multorum per manus circumfertur: facile futurum putauī, ut, ſi tibi a me inſcriplum exiret, ſignificationem multis daret amoris erga te mei.nam, ut omittam merita

in me tua, quae nulla umquam delebit obliuio, tui me suauitates ingenij, tua incredibilis humanitas, singularis probitas, eximia ad colendam uirtutem animi propensio ad amandum alliciunt. non enim ideo mihi carus es, quia sis Venetae reip. omnium amplissimae, a secretis, aut quia nunc una cum uiro clarissimo, omnibusq. uirtutibus ornatissimo, Michaelē Suriano Legato, particeps & minister consiliorum omnium ad Philippum, Hispaniae Regem, sis profectus: sed, quia talem te praestas, ut & haec tibi, admodum ampla, atque honorifica, munera iure deferantur, & egregijs animi tui bonis maiora quoque debeantur. Sit igitur hic liber & tibi, & reliquis argumentum beneuolentiae meae, testimonium iudicij, grati uero animi, non omnino quale uelim, sed quale possum hoc tempore, monumentum. tu autem istam praeclaram in nos uoluntate m conserua: &, quo instituisti cursu, per directam, maximeq. expetitam, ac certam litterarum uiam ad gloriam contende. quod ego quidem, qui tuos sensus, tuos ad laudem impetus optime teneo, ita opto, ut sperem; ita spero, ut futurum mihi persuadeam. idq. etiam reliquis praedicare non desino. Venetijs, MDLIX

AD. MICHAELEM. GHISLERIVM  
 CARDINALEM  
 IN. LIBRVM. DE. LOCVTIONE. DEI  
 ACADEMIAE. VENETAE. NOMINE

RERVM humanarum exitus, quam uaria  
 sint hominum consilia; declarant. quod si quis be-  
 ne cogitat; sequitur, ut idem laudabiliter agat. re-  
 ste autem agentum, nihil umquam frustrabitur, ni-  
 hil fallet. Decet igitur nos optima spe niti, admo-  
 dumq. firma, quibus, in condenda, atque instituen-  
 da Academia nostra, nihil, praeter Dei gloriam,  
 & communem hominum uilitatem, propositum  
 fuit. Neque uero actiones nostrae, ut speramus,  
 eiusmodi erunt, ut hanc ad optimas res animorum  
 nostrorum incredibilem propensionem ambigue ali-  
 quis interpretari, aut in dubium reuocare possit.  
 apparantur quotidie summa cura, & edentur a no-  
 bis diuina doctrina referti, qui pietatem, ac religio-  
 nem complectuntur, illustres libri. & interim,  
 quasi specimen quoddam, aut pignus nostrae uolun-  
 tatis, egregia quaedam de locutione Dei, ab excel-  
 lenti uiro conscripta, pijs mentibus, ac sacrarum lit-  
 terarum, idest uerae gloriae, studiosis communican-  
 da censuimus. quae duabus maxime de causis, prae-  
 stantissime uir, tuo nomine decuit esse inscripta:  
 primum, quod, suscepto Academiae nostrae patrocini-  
 o, nibi praetermittis, quod ad eam ornandam, au-

in me tua, quae nulla umquam delebit obliuio, tui me suauitates ingenij, tua incredibilis humanitas, singularis probitas, eximia ad colendam uirtutem animi propensio ad amandum alliciunt. non enim ideo mihi carus es, quia sis Venetae reip. omnium amplissimae, a secretis, aut quia nunc una cum uiro clarissimo, omnibusq. uirtutibus ornatissimo, Michaele Suriano Legato, particeps & minister consiliorum omnium ad Philippum, Hispaniae Regem, sis profectus: sed, quia talem te praestas, ut & haec tibi, admodum ampla, atque honorifica, munera iure deferantur, & egregijs animi tui bonis maiora quoque debeantur. Sit igitur hic liber & tibi, & reliquis argumentum beneuolentiae meae, testimonium iudicij, grati uero animi, non omnino quale uelim, sed quale possum hoc tempore, monumentum. tu autem istam praeclaram in nos uoluntate m conserua: &, quo instituisti cursu, per directam, maximeq. expetitam, ac certam litterarum uiam ad gloriam contende. quod ego quidem, qui tuos sensus, tuos ad laudem impetus optime teneo, ita opto, ut sperem; ita spero, ut futurum mihi persua-deam. idq. etiam reliquis praedicare non desino. Venetijs, MDLIX



AD. MICHAELEM. GHISLERIVM  
C A R D I N A L E M  
IN. LIBRVM. DE. LOCVTIONE. DEI  
ACADEMIAE. VENETAЕ. NOMINE

R E R V M humanarum exitus , quam uaria  
sint hominum consilia ; declarant . quod si quis be-  
ne cogitat ; sequitur , ut idem laudabiliter agat . re-  
cte autem agentum , nihil umquam frustrabitur , ni-  
hil fallit . Decet igitur nos optima spe niti , admo-  
dumq. firma , quibus , in condenda , atque instituen-  
da Academia nostra , nihil , praeter Dei gloriam ,  
& communem hominum utilitatem , propositum  
fuit . Neque uero actiones nostrae , ut speramus ,  
eiusmodi erunt , ut hanc ad optimas res animorum  
nostrorum incredibilem propensionem ambigue ali-  
quis interpretari , aut in dubium reuocare possit .  
apparantur quotidie summa cura , & edentur a no-  
bis diuina doctrina referti , qui pietatem , ac religio-  
nem complectuntur , illustres libri . & interim ,  
quasi specimen quoddam , aut pignus nostrae uolun-  
tatis , egregia quaedam de locutione Dei , ab excel-  
lenti uiro conscripta , pijs mentibus , ac sacrarum lit-  
terarum , idest uerae gloriae , studiosis communican-  
da censuimus . quae duabus maxime de causis , prae-  
stantissime uir , tuo nomine decuit esse inscripta :  
primum , quod , suscepto Academiae nostrae patrocini-  
o , tibi praetermittis , quod ad eam ornandam , au-

gendamq. pertineat: & nos, quae a te officia profiscuntur, quibus animis, quam libentibus, quam gratis excipiamus, aliquo item officio tum ipsi tibi, tum ceteris omnibus indicatum, maximeq. perspicuum esse cupimus: deinde, quae de Deo loquuntur, ad quem potius mitti aequum fuit, quam ad eum, qui diuina studia in omni suae uitae cursu, cunctis et opibus, & honoribus anteposuit? qui cum uniuersam de Deo, diuinisq. rebus doctrinam accuratissime quaesuit; tum uero cum ipsa doctrina uitae rationem coniunxit, &, ut omnes rectam, salutaremq. uiam tenerent, aut, qui diuerterant, in eam reuocarentur, studio, consilio, monitis, auctoritate contendit. nihil obscure fama loquitur de tuis uirtutibus. nihil de te aut exiguum, aut dubium afferitur. patent multis, ac certissimis argumentis eximia tua in Christi Ecclesiam merita: colum te omnes ob doctrinam: imitantur multi ob integritatem: amant ob humanitatem, maximeq. ob rectam, ac simplicem naturam, ab omni furo, omniq. factu longissime remotam. praeconē uero tuarum laudum omnibus horis audimus eum, qui summa ipse laude dignus est, Federicum Baduarium, auctorem, & conditorem, Deo duce, Academiae nostrae: cui quidem uiro tum uitae probitas, tum ex assiduo studio doctrina, & ex diuturno rerum usu prudentia fidem, atque auctoritatem in omni sermone conciliat. ipso igitur non modo approbante, uerum etiam hortante, praeclarum de Deo libellum

*lum, grauem sententijs, illustrem uerbis, ad te mit-  
tit, tuoq. dicatum nomini cum omnibus gentibus  
Academia nostra cōmunicat. quae cum se tibi, suo  
primum iudicio commota, tuis deinde meritis im-  
pulsam, penitus addixerit, eandem obseruantiam in  
omni uita praeſtabit, & ut eam futurae quoque gē-  
tes intelligant, ipso, ad quem omnia referimus, sum-  
mo Deo opem ferente, aliquo merito consequemur.  
Tu interim, quando iam hoc tribuisti humanitati  
tuae, ut nos susciperes; tribue idem constantiae, ut  
susceptos tuearis, ac ſoueas, ita tamen, si nos, tuo  
praesidio, ac studio dignos, idest nostra ingenia in  
optimis artibus exercentes, nostrasq. uoluntates ad  
unam uirtutem dirigentes, & audies, & re ipsa cog-  
nosces. Venetijs, MDLIIIX*

AD. ANTONIVM. CARLONEM  
ALLIFARVM. PRINCIPEM  
IN. SANNAZARII. POEMATA

*VT est praeclarum, ornatissime Princeps, in ar-  
te poetica excellere: sic ea cognoscere, quibus ad il-  
lam laudem perueniatur, maximum quiddam, ac  
difficillimum est. fallitur enim, si quis absoluti poe-  
tae partes in eo positas arbitratur, ut, cum metien-  
di carminis rationem optime perceperit, cum ele-  
gantissimarum uocum supelleſtilem quasi quandam  
sibi compararit, addo etiam cum materiem animo  
comprehensam ordine quodam atque artificio dislin-  
xerit,*

xerit, hisce rebus tamquam egregie munitus ad scribendum se conferat. grauiora sunt, quae requiruntur, & ex abditis plurimarum artium ac doctrinarum fontibus haurienda. nam, cum eius consilium, qui hoc in genere elaborat, uel in primis id spectare debeat, ut, uoluptati uersuum utilitate sententiarum admiscenda, nihilo minus lectorem moneat, quam obletetur; monita uero illa plerumque necessaria sint, ut in uitij summam turpitudinem inesse, in uirtutibus summam gloriam, ostendatur: quo modo hoc sine philosophiae cognitione prudenter ac perite poterit efficere? Iam, si res exigat, ut aut de caeli stellarumq. ratione, aut de regionum terrestrium ac maritimarum situ dicendum sit: certe hos locos non potuerit, nisi qui Astrologiam & Geographiam attigerit, commodè tractare. itaque, si quis huius facultatis studium eo complexus animo est, ut aliquando, quae litteris mandare studuerit, ea se speret, ueluti pictorem egregium, omnibus artis coloribus illustraturum: is omnium fere disciplinarum scientiam, quae ad bene beateq. uiuendum pertinent, ne prorsus ignoret, necesse est. Quod si ad assequendum poetae nomen ubertatem illam ingenij a natura datam satis esse putat; atque hac una instructus, facile audet canoros illos quidem, rerum tamen inanes uersus uel domi pangere, uel in triuijs ad populi aures effundere: statim ab intelligentibus exploditur, neque solum imprudens, aut parum uerecundus, sed etiam plane stultus, ac temerarius habebitur.

tur. Quo minus est mirandum, si, ut hac arte prae-  
flarent, quam paucissimis contigit; cum in omni prae-  
terea liberalium doctrinarum genere plurimi sem-  
per floruerint. Sed egregiorum poetarum multo  
etiam maiorem hac nostra tempestate, quam pri-  
scis temporibus, paenuriam esse constat: siue quod  
saeculi felicitas illa fuit: siue, quod equidem magis  
existimo, quia non iisdem, quibus olim, praemijs ad  
uirtutem nunc homines excitantur. Eorum autem,  
quos in hoc genere praestantes cognouimus, sine con-  
trouersia primum locum obtinuit uir eximius, &  
omni laude cumulatus, Iacobus Sannazarus: cu-  
ius ingenij monumenta non uetustas, non obliuio  
delebit ulla: ut ex tot Regum triumphis haud paul-  
lo clarior, quam ex auius hominis doctrina, atque  
ingenio, Parthenope sit futura. Hoc autem, Prin-  
ceps egregie, tui muneris fere totum est: qui, cum  
ad summam generis nobilitatem etiam optimarum  
disciplinarum scientiam adiunxeris; tamen haec per  
se, nisi accederet studium de posteris bene meren-  
di, quasi minima iudicans, quaecumque a doctis ui-  
ris mandata litteris, digna, quae inter manus uer-  
sentur, existimas, in apertum ut referantur, maxi-  
mopere contendis. Quo nomine ipsi profecto San-  
nazarij manes tibi non uulgares gratias habent, cum  
eos libros, quos ille moriens tuae fidei commendarat,  
peruulgandos diligentissime curas. Qui uero inge-  
nuarum artium studijs dediti sunt, ij se tibi tantum  
debere profitentur, quantum persolui nullo modo  
possit.

possit. itaque a me, qui eodem in aere sum, petere uidentur, uniuersorum causam ut suscipiam, tibi-  
 que, propter hoc officium, quid omnes de te & sen-  
 tiant, & loquantur, aliqua ratione significem. Ego,  
 licet ipsa te recte factorum conscientia contentum  
 esse, nihil praeterea requirere, exploratum habea; tamen,  
 ut eorum honestissimo desiderio ne desim, do-  
 me libenter in eam partem, in quam etiam mea spon-  
 te propendebam; & ad ostendendam non eorum mo-  
 do animum, sed etiam obseruantiam & pietatem  
 te meam, haec ipsa Sannazarij poemata, quae no-  
 stris typis edenda curasti, nomini tuo dicata ad te mit-  
 to. Leges hic omnia, quaecumque ab eo latine scri-  
 pta nunc exstant. primum autem erit diuinum illud,  
 quod ipse de partu Virginis inscripsit, opusculum:  
 deinde Christi lamentatio: mox eclogae quinque: quas  
 tamen decem scripserat; sed, e Gallia reuersus, has  
 tantum, quas emisimus, & fragmentum illud, quod  
 post Salices collocauimus, inuenit, reliquis aut fur-  
 to surreptis, aut per incuriam suorum, quibus eas  
 discedens crediderat, amissis. sequuntur elegiarum  
 libri tres, epigrammatum totidem. quae omnia tuo  
 inscripta nomini apparebunt; ut eius beniuolentiae,  
 quam Sannazario & uiuo, & mortuo praestitisti,  
 hunc saltem fructum percipias. Venetijs, MDXXV.



PRAEFATIONES

Q V A S

IN . HAC . EDITIONE

ADDIDIMVS

THE  
JOURNAL OF THE  
PROCEEDINGS OF THE  
GENERAL ASSEMBLY OF THE  
STATE OF NEW YORK

IN SENATE  
JANUARY 18, 1890

REPORT  
OF THE  
COMMISSIONER OF THE  
LAND OFFICE

ALBANY:  
J. B. LIPPINCOTT & CO.,  
PRINTERS,  
1890.

AD . PIVM . IV . MEDICEM  
PONT . MAX.

IN . LIBRVM . REGINALDI . POLI . CARD.

DE . CONCILIO

O PTIME consulit Ecclesiae suae Deus,  
atque humano generi uniuerso, cum in  
tata rerum omnium perturbatione,  
& extremi iam periculi metu, Vicarium  
te suum, Pie IV. inter homines constituti, ut o-  
mnibus malis prudentia tua mederetur, nosq. a sum-  
mis difficultatibus, uel impendenti potius exitio e-  
reptos, ad summam tranquillitatem, & optatam an-  
tea magis, quam speratam felicitatem traduceret.  
itaque nunc, tuis adducti praestantissimis & consi-  
lijs, & factis, maxime uero tua freti iustitia, quae  
tibi prima, & antiquissima uirtus est, fuitq. in o-  
mni uita, boni uiri ex omnibus Italiae partibus, at-  
que etiam ex transalpinis gentibus multi, ad Urbem  
confluunt; &, quia tuas omnes curas eo spectare  
nident, non ut angustis paucorum annorum ter-  
minis tuae fructus beneficentiae definiatur, sed ut  
ad posteros quoque perueniat; hic sibi certam o-  
mnium rerum, ac fortunarum suarum sedem, domi-  
ciliumq. constituunt. me quidem Venetijs, domesti-  
co patris mei restituendae antiquitatis instituto, &  
honeste satis, & commode uiuentem, nihilq. mi-  
nus,

mus, quam de migratione, cogitantem; quippe cum ab egregijs saepe ciuitatibus, atque adeo a superioribus Pontificibus semel et iterum optima inuitatus condicione, nihil tamen umquam noui consilij cepissem; tui Pontificatus fama Romam facile perduxit. nam, cum ab summo uiro, Hieronymo Seripando, cui tui sapientia, debitum iam pridem eius integritati, atque doctrinae, in Cardinalium Collegio locum tribuit, litteras accepissem, in quibus erat scriptum, cupere te, sacros omnes libros, uel hominum incuria, uel improbitate corruptos, quam emendatissimos peruulgari, uelleque in eo operari, & industria mea; spatij ad deliberandum nihil sumpsi; statim rescripsi, cum tua uoluntas maximae legis uim pro summa tua non modo potestate, uerum etiam sapientia obtinere apud omnes debeat, ita me animatum, ita paratum esse, tibi ut in omnibus rebus libenter obsequerer, susciperem, quaecumque uelles, agerem, & praestarem, quidquid possem. Quo quidem tempore non mihi aut ulla nouorum commodorum, quibus tamen ducuntur multi, est iniecta cupiditas, aut honorum splendor mentis oculos praestinxit: quamquam haec ipsa cumulate & expectari a tua liberalitate posse, & omnibus praeclare agentibus deferri a te solere intelligebam: sed cum audirem, eas artes, quarum fructus immortalitas est, longo interuallo te Pontifice coli coeptas esse, suam religioni, ac uerae pietati dignitatem restitui, cedere uirtutibus uitia, rationi amentiam, libidinē pudori, uim  
aequi-

aequitati; haec ego sum secutus, haec omnibus & commodis, & honoribus anteposui. Erat praeterea mihi non modo laudabile, & honestum, sed illustre etiam, & gloriosum, uocaria Pio IV. Pontifice ad eam curam, ut sanctissimorum uirorum scriptis, quibus humano generi salutaris doctrina continetur, emendandis, edendisq. praecessem. quo in munere si mihi, non dico magnos labores excipere, (quis enim bono uiro labor est pro tuenda Ecclesiae dignitate, idest pro communi salute, recusandus?) sed si uitam ipsam profundere opus esset, egregie mecum actum putarem. Atque ego illam sane incredibilem capio uoluptatem, quod, cum praeclarum esse nihil constet, quin idem operosum, & perdifficile sit, hac tamen in re, omnium pulcherrima, ac praestantissima, plane omnes difficultates tua tum excellens liberalitas, tum singularis sapientia sustulit. quis enim umquam tam libenter pecunias collegit, quam tu libenter effundis, ut exeat optimi libri, alij nondum editi, quorum notitia rectissimam ad fontem ueritatis uiam ostendit: alij sic emendati, ne qua supersit labe, quae imperitorum animos, obiecta falsae doctrinae specie, possit inficere? quo quidem antea malo nimium grauius laborauimus: utinam ijs remedijs, quae parantur, omnino liceat conualescere. quod ita facile consequemur, si modo is, qui optimarum, & maximarum auctor, perfectorq. rerum est, affuerit Deus. nam nos quidem, ut opibus ualeamus, ut acu-

mine mentis excellamus, quam tamen infirmi simus  
ad omnia, nisi prae potentis Dei ope fulciamur, quā  
plane caeci, nisi eiusdem luce regamur, multorum  
turpissimus & miserrimus exitus ostendit. quis por  
ro affuturum esse Deum dubitet, si sanctissimam il  
lius doctrinam, quam, praeceptis declarata plu  
rimis, suo demum ipse sanguine, saeq. mortis ex  
emplo comprobauit, non uerbo tantum profitebi  
mur, sed uita etiam, & moribus exprimemus? Hoc  
tu scilicet, Pie Pontifex, illo primum uidisti die,  
quo te in excelsa ista Sede, fauente & approbante  
diuino Spiritu, omnium Cardinalium sententia colloca  
uit: neque uero uidisti solum, quod tibi fortasse cum  
multis commune esse potuit, sed etiam, in quo pro  
pria tibi debetur laus, accurrate praestitisti. tu e  
nim ipse tua temperantia, iustitia, grauitate, con  
stantia, quales esse alios oporteret, exemplum de  
disti. inde manauit statim ad propinquos, & affines  
tuos bene uiuendi disciplina: quorum omnium incre  
dibilis abstinentia, humanitas, pudor ciuitatem  
breui correxit, & conformauit uniuersam. Nunc  
in illam curam totus incumbis, ut reliquae partes  
Ecclesiae, discordia laborantes, omni a te ratio  
ne sanentur. serpit enim quotidie longius transalpi  
num illud malum, a quibusdam primo ignoratum, ab  
alijs postea neglectum, postremo a nonnullis etiā ue  
hementer auctum. sed, ut hoc placuit Deo, quo uo  
lente, aut saltem permittente, geruntur ea, quae cur  
ita fiant, causas indagare nostrum non est: sic eidem  
pla-



placebit, ut imminutam Christianae reip. dignitatem tua uirtus, & sapientia in ueterem integritatem, splendoremq. restituat. Instat a te indictum, & institutum iam generale Cōcilium: cuius ea ratio, ea uis, & consuetudo semper fuit, ut, sanctissimi Spiritus interuentu, dissidentes animos non concordia solum, et pace, uerum etiam beneuolentia, studioq. contingeret. Hoc tu tu nos, Pie 1v. remedio seruabis; errantemq. gregem, disiectum uaria culpa, tamquam Pastor optimus, ad obedientiam reuocabis, continebisq. in officio, & obseruātia erga diuinas leges tū perpetua sanctitate tua, unde hauriunt omnes exempla omnium uirtutum, tum uero ijs etiam edendis in hac urbe libris, quorum lectio malas & exitiosas euellit ex animis hominum opiniones, inserit eas, quae scilicet coluntur pietate, & beneficentia, uberrimos, et praestantissimos, & plane salutares fructus ferunt. Atque huius quidem tanti, ac tam praeclari muneris institutum unde sumi aptius potius, quā ab eo libro, cuius argumentum & cum ratione temporum, & cū tuis consilijs ac studijs optime congruit? quid enim tempora, quid status Ecclesiae poscit, quid tu optas, curas ue magis, quam Concilium, quod unicum, & certissimum in tam graui discrimine, tam propinqua communi peste superesse remedium uidetur? at in hoc libro, quem tuo iussu primum emittimus, proxima ostenditur ad salutem uia, spes omnis in confessione culpae, in uitae ac morum emendatione, in summa demum Pontificis auctoritate col-

locatur. Quae cum per se maxima sunt, & curandis Christianae reip. vulncribus utilissima: tum uero poteris accedit plurimum ab eximia scriptoris innocentia, doctrina, dignitate. quis enim, quibus animi bonis, quibus industriae, ingenijq. ornamentis abundauerit, qui denique uir, quantusq. fuerit Reginaldus Polus, aut ignorat, aut, si quammodo tantarum laudum partem habet cognitam, non earum memoria, & desiderio uehementer commouetur? potest ne quisquam tam inops a iudicio, tã auersus ab humanitate, tam plane ferus esse, ac ferus, qui non intimis eum sensibus dilexerit, cuius non modo in studijs, in moribus, in sermonibus, sed in ipso plane adspectu omnis probitas, omnis lucret humanitas? De religione uero, deq. Christiani hominis officio quid senserit, & iudicarit, non aut in uno, altero ue libro ita ostendit, ut in alijs umquam dissenserit: aut ita scripsit, ut aliter uiueret: aut ita uixit, ut interdum sibi non constaret: sed omnia, litteris ab illo prodita, sine ulla exceptione semper laudarunt, hodieq. laudant boni, & sapientes uiri; quorum directa ad ueritatem ipsam, idest ad unam Dei gloriam sententia nec obtestandi studio, aut inuidia flectitur, nec malenolentia, aut ambitione mutatur. Vitae uero totius instituta, & excellentē in omni actione, omniq. fortuna pietatem, utinam, quam facile nouerunt, tam libenter imitarentur multi. Opes, honores, clientelas, Regum maximorum gratiam, & beneuolentiam qui assequitur,

tur, proxime ad felicitatem putantur accedere. at ille, haec omnia apud Hēricum, Britanniae Regem, & iure propinquitatis, & multo etiā magis sua uirtute cum possideret, ultro contempsit, ne turpissimas Regis actiones, & aduersantem Christi Vicario sententiam probare, aut etiam adiuuare cogeretur. Pataniū diu uixit, quamquam erat habitu naturae prope diuino, liberalibus tamen disciplinis uebementer deditus: & cum eloquentiae, atque philosophiae pari studio flagauerit, in utra tamen magis enituerit, non facile est existimare. illud certe cōstat, qui uel meliora, uel ornatiora scriberet, hac hominum memoria exstitisse neminem. quamquam id ei propositum fuit, eo direxit cogitationes omnes, atque curas, ut philosophiae scientiam non tam scriptis, quam uita ostenderet. itaque maior, atque excelsior Pataniū interui, & humili fortuna fuit, quam cum in Regno omnibus copijs, & ipsius maxime Regis gratia floreret. Hic, hic nimirū uerus est, ac praestantissimus optimorum studiorum fructus, si quis a se ipso pendeat, si temporum uicissitudines non extimescat, si aduersus hominum iniquitates, fortunaeq. iniurias ratione, & uirtute pugnet. quam in Polo constantiam, & sapientiā fuisse, quis ignorat? metuēdae erāt a Rege potētissimo insidiae, metuenda uis; propterea quod, suscepta Ecclesiae causa luculento illo de Pontificis auctoritate libro, susceptum simul a se grauissimum eius odium intelligebat. deserebatur etiam quotidie magis a re do-

mestica, fortunis exclusus amplissimis. nemo tamen eum deiecto, aut demisso sensit esse animo, nemo uidit umquam tristiore uultu. in sermonibus, in consuetudine, in conuictu, in tota denique uitae ratione tranquillitatem mentis, quam habuerat antea, perpetuo retinuit. Nec defuere, quae numquam sperauerat, ac ne cogitauerat quidem, tantis debita uirtutibus praemia. nam, cum ita uiueret, ut in uno Deo omnia poneret, cetera, quae mortales admirantur, infirma, caduca, inania duceret; cumq. in illi Patauini gymnasii celebritate, domesticis otij sui finibus contentus, paucorum admodum consuetudine uteretur: breui tamen, ut sibi uiam facile uirtus aperit, ita manauit fama de admirabili eius prudentia, temperantia, doctrina, ut ad aures Pauli I I I. Pont. Max. peruenerit. qui cum esset ea mente praeditus, ut nemo umquam magis de ornanda egregijs Cardinalibus Ecclesia cogitauerit; eo iudicio, ut nemo in delectu errauerit minus; commotus multorum non dubito sermone, Reginaldum Polum, disciplinae Christianae renouandae causa, cum praestantibus aliquot uiris ad Urbem acciuit: eumq. paullo post non petentem, non optantem, prope etiam recusantem, Cardinalem creauit. In hac dignitate, cum alios antea, se ipsum uicit omni genere laudis. Omitto singularem illam, cui par oratio reperiri nulla potest, in caede matris acerbissima fortitudinem, atque constantiam. unicum illi contra omnes iniurias, omnesq. calamitates conscientia pra-

praesidium fuit: & in aduersis rebus iam antea didicerat esse fortis. grauitatem eximiam, pari comitate conditam, mansuetudinem, prudentiam, benignitatem in subleuanda miserorum inopia non attin-  
go. communia sint haec, in quibus tamen praecipua quadam laude Polus excelluit. uenio ad id, quod a Cardinalis persona proprie postulatur. Nam, ubi primum sacerdotio est ornatus amplissimo, non ille mentem, ut multi, cum fortuna mutauit; non sericam uestem, non argenteam supellectilem, non denique illustrē aliquam, aut opimam prouinciae praefecturam appetiuit; sed, contempta prorsus rerum humanarum specie, diuina studia, quae antea non leniter attigerat, toto pectore complexus, de tuenda Pontificij iuris maiestate, de augenda inter homines Dei gloria, de illustranda ueritate dies noctesq. cogitare coepit. quantum enim in ea philosophia, quae a sensibus ducitur, erroris insit, atque obscuritatis, cum antea non ignorasset, tum uero, totus ad eam philosophiam traductus, quae caelestium bonorum cognitionem parit, clarissime perspexit. iam, illam, quae colligitur ex rhetorum praeceptis, eloquentiam, in qua praeter ceteros antea floruerat, neglexit penitus, inanemq. duxit, cum sacrorum librorum uoces, non aurium uoluptati seruientes, sed ad intimas animorum partes incredibili quadam suauitate penetrantes, exaudiuit attentius. Nec uero quidquā habuit antiquius, quam ut a sanctissimis Ecclesiae legibus discedētes, quoquo modo

ad sanitatem redirent: cum ipse multos cohortatione sua, consilio, doctrina, nonnullos etiam lenitate quadam ad meliora consilia conuerteret. Incidit tempus, cum de sufficiendo post obitum Pauli III, Pontifice habenda Cardinalibus deliberatio esset. affuit Polus ita sedato animo, ita cupiditatis, & ambitionis expertus, ut, maiore Collegij parte Pontificatum ad eum deferente, non statim assenserit, differendamq. rem tantam in posterum diem censuerit: fore enim, si probaret Deus, eundem post aliquot horas Cardinalium consensum: sin minus, omnino sibi, quod Deo displiceret, placere nihil posse. Scripsit etiam in eo Conclauis praeclara quaedam de officio Pontificis: quae cum alijs eius libris, quos Ioannes Moronus, Cardinalis ob summa erga Sedē Apostolicam merita, perpetuamq. vitae innocentiam clarissimus, accurate seruauit, propediem in lucem proferentur. quibus in libris cum spirare adhuc mens illa diuini hominis, & uigere uideatur; afficimur non tam praeceptis, atque doctrina, quam recordatione tantarum uirtutum, quas in illo uidimus. Vitae clausula fuit, in qua ostendit lumen animi, ingenijq. sui, Britānica Legatio. nam, cum in illa insula per annos multos, duorum Regum imperio, Henrici primam, deinde Odoardi, eius filij, legitimus Dei cultus intermissis optimis ritibus, obsoleuisset; cumq. interitus Odoardi, succedente eius sorore Maria, spem aliquam reuocandae pietatis, & religionis attulisset; uisa est unius maxime Poli sapientia rectam errantibus



bus uiam monstrare posse, adiuncta praesertim auctoritate tanta, quantam nec sine uirtute dignitas ulla pareret, nec sine dignitate uirtus. in ea legatione optimos Reginae sensus confirmat: principibus uiris, & multitudini, persuasit, ut nouam haeresim, Henrici nefaria libidine inductum, abijcerent, ueterem sacrorum disciplinam, rationemq. susceperent; cum Ecclesia, si salui esse uellent, in gratiam redirent: unum esse Romae, potestate summa, Christi Vicarium, in quo creando commotae Spiritu sancto Cardinalium mentes, ex uetere multorum saeculorum instituto, tradita per manus consuetudine, consentirent; quaecumque ille sanciret in terris, ea firma & rata in caelo esse: cetera communi saluti uehementer aduersari, hominum seditiosorum, uel Satanae potius ipsius inuenta, ut genus humanum, si possit, uniuersum perdat, suaeq. socios habeat plurimos infelicitatis, & culpae. Mansit in officio, & fide, quam diu Polus, & Regina uixerunt, Britanica natio, utriusque innocentia, & sanctitate, alterius etiam sermonibus, praeceptisq. commota. Postea, cum utrumque Deus, cuius abdita consilia non assequitur humana mens, ad caelestis uitae praemia uocasset; lapsa est iterum, et cecidit illa gens, destituta consilijs, quibus antea nitebatur. iamq. ad finitimas nationes peruasit haec pestis, et dira cōtagio, nec uideretur posse consistere, nisi tua, Pie IV. Pont. Max. sapiētia singularis occurreret, Tridenti indicto Concilio, Romae omnibus rebus ad rationem, aequitatemq.

tatemq. reuocatis. Quod uero etiam eorum scripta, quos in beatorum numerum iure olim Ecclesia retulit, integra, deletis omnibus maculis, peruulgari iubes: quod excellentem nobis Reginaldi Poli, amissa eius uoce, doctrinam restituis: mirum est, quam uehementer adiuues communem causam, quantum se tibi pro ista mente, istaq. cura omnes homines debere fateantur, quantam ab ipso Deo, qui tibi nostram salutem commisit, gratiam, & beneuolentiam ineas. Haec sunt illa merita, quibus hominum uita, breuissimis circumscripta finibus, ad infinitam memoriam propagatur; haec illa, numquid satis laudata, ueterum Pontificum instituta, quibus hanc nobis Ecclesiam tam praeclare fundatam, exstructamq. reliquerunt. quae utinam, sicuti propria tua sunt, ita perpetua esse possent. nemo enim dubitat, quin, optare tibi perpetuam uitam, idem sit optare nobis perpetuam felicitatem. nec uero cuiquam bono uiro tanti est huiusce lucis usura, quin de sua detractum aliquid uita libenter, si possit, in tuam conferat. sed, quoniam hac lege huc omnes ingredimur, ut aliquando discedamus; nec licet nobis in te uno singularem condicionem pro tua singulari beneficentia postulare: saltem, ut quamdiutissime te praesente perfruamur, & petimus a Deo supplices, & futurum pro summa eius erga nos clementia confidimus. magna enim sunt, quae iam inchoasti: maiora tamen, quae mente designas. nihil uulgare cogitas, nihil humile, nihil angustum: metiris

ris omnia tua dignitate potius, quam communibus exemplis. praeclare. non enim Pontificiae laudes in mediocritate uersantur: nec decet, qui potestate, & honore cunctis hominibus antecellat, cum ab ullo homine recte agendi cupiditate, studioq. superari. In te igitur, Pontifex Max. primum tuendae, atque amplificandae religionis, deinde eius otij conseruandi, cuius auctor, & custos antea fuisti, sita spes omnis est. a te honesta studia, a te liberales disciplinae, a te ipsa uirtus ornamenta sua repetit. tu, quod facis, & fecisti egregie, perpetuo facies, ut omnes gentes diuturna pace, iustitia, pietate foueas; urbem Romam operibus magnificentissimis, & cum ipsa antiquitate comparandis, exornes; ciuitatem, tui studiosissimam, superiorum temporum calamitatibus afflictam, perpetua benignitate recrees, denique tollas aliquando ex imperituum animis dubitationem illam, quae laudabilia multorum studia remoratur, utrum res maximas fortuna possit sine uirtute perficere, an uirtus, quo contendat, sine fortuna peruenire. de quo quid sentires ipse, ostendit iampridem tuae uitaeratio: nunc, ut omnes idem sentiant, facile unus praestare potes, restituta ijs artibus dignitate, quae te talem, tantumq. fecerunt, ut quales ipsae, quantaeq. essent, ope tua, studioq. omnes mortales intellerent.

## I N . L I B R V M

FRANCISCI . VARGAS

DE . I V R I S D I C T I O N E . E P I S C O P O R V M

E T

S V M M I . P O N N T I F I C I S

A V C T O R I T A T E

I N Tridentino Concilio , singulari , atque di-  
 uina P I I Quarti Pont. Max. sapientia consti-  
 tuto , cum aliae res , uel antea parum exploratae , uel  
 astutis hominum consilijs immutatae , atque corru-  
 ptae , in consultationem controuerſamq. uenerunt :  
 tum uero grauis illa , & perdifficilis de iurisdic-  
 tione Episcoporum , & summi Pontificis auctorita-  
 te exorta quaestio est . quae in deliberatione cum  
 ita Patres illi , uitae innocentia , doctrinaq. insi-  
 gnes , dissiderent , uix ut aliquando res conueni-  
 re posse uideretur : Pastor optimus , ut est ani-  
 mo semper ac mente in grege seruando , tuendaq.  
 communi salute defixus , incubuit in eam curam ,  
 ut , adhibitis in consilium lectissimis Cardinalibus ,  
 hunc nodum expediret . & quoniam Francisci  
 Vargas , Catholici Regis Oratoris , in maximis  
 rebus antea saepe spectata uirtus erat : expedire in  
 primis Reip. uisum est , talem uirum , cum tanta  
 res ageretur , interesse . Qui cum esset accersitus a  
 Pontifice , rogatusq. ut ea diceret , quae ad Apo-  
 stolicae Sedis dignitatem , idest ad Christi gloriam ,

&amp;

& salutem animorum nostrorum pertinere uehementer duceret : sententiam dixit grauissimis ornatissimisq. uerbis ; ea doctrina refertam , ut nihil aut e sacris litteris , aut ex antiquarum legum , Canonum uel fontibus deriuari possit , quod ille non & memoria , scientiaq. comprehendisse , & summarum rerum , in quibus aetatem fere totam contriuit , experientia comprobasse uideretur . excepta est perattentis animis eius oratio : magna . est omnium Cardinalium , praecipue uero ipsius Pontificis , cuius ut potestas , ita iudicium , sapientiaq. eminet , assensio consecuta . Et quoniam , quae cum quisque sensit , eadem ut mandata litteris ad Tridentinos Patres mitterentur , Pontifex adiuuandae cupidus publicae causae iam decreuerat : de Francisco Vargas hoc amplius placuit , ut eius Responsum ( sic enim inscriptum est ) impressum ederetur . Est hoc quoque PII Quarti diuinac liberalitatis , ac beneficentiae , ut ; unde aliquid ad commune commodum emanare possit , id non latere in tenebris , aut paucissimis impertiri , quod angustis , ieiunij . nimirum animi est , sed per uulgari ad omnium gentium utilitatem uehementer curet . porro , si nihil est religione utilius , quae beatam , aeternamq. uitam una largitur : quantum ijs debemus gratiam , qui suam industriam eo totam conferunt , ut , nonis quorundam opinionibus , quas inscitia dicam , an improbitas peperit ? confutatis , ueritatem ipsam suae doctrinae lumine ita patefaciant , atque illustrent , ut a nemine iam , nisi plane im-

pio.

pio, uocari in controuersiam possit? quod in hac maximi ponderis quaestione, quae per aliquot menses plurimorum hominum ingenia, mentesq. torfit, Francisci Vargas praestanti beneficio cōsecuti sumus. uir enim egregius laboranti publicae caussae multis nominibus opem tulit, doctrina primum, tot annorum studio collecta; deinde prudentia, quam a natura acceptam diuturnus rerum maximarum usus uehementer auxit; tum integritate uitae, sine qua inanis prudentia, perniciofa etiam doctrina omnis est; postremo auctoritate tanta, quantam capere uidetur ea persona posse, quae pro summo omnium, quos meminimus, aut legimus, Imperatore Carolo Quinto, eiusq. dignissimo filio Philippo, Catholico Rege, grauissimis in muneribus, ac legationibus primarijs, temporibus difficillimis, diutissime tractata sit. haec igitur ubi coniunguntur omnia, quae per se singula in paucis excellere uidemus: praeclarum quiddam, atque excellens fieri necesse est. nec nos ueremur, cum haec simul uniuerfa tali uiro tribuimus, ne nos aliquando res ipsa redarguat, eiusq. scripta, cum legentur, ita exspectationi non respondeant, ut ei falsam affinxisse laudem uel gratiae caussa, uel iudicij errore uideamur. perfecta uirtus laudem quasi fructum non quaerit; cognitu, testimonio non indiget. id ipsum, lector optime, tum ex hoc Responso, quod nunc, a multis iam expetitur, exit; tum ex reliquis eiusdem libris, qui propediem, ut spero, consequentur, facile iudicabis. id modo unum exopta,

ne



ne propensam ad bene merendum uoluntatem casus aliquis impediat, aut ualetudinis moretur infirmitas. Romae, MDLXII. Kal. Oct.

## AD. CAROLVM. BORROMAEIVM

CARDINALEM

IN. D. CAECILII. CYPRIANI. OPERA

MAGNA in molestia uersor, Carole Borromaeie, praestantissime Cardinalis, quod auunculo tuo Pio IV. Pontifice, cuius & benignitas, & sapientia, ueterem dignitatem restituere bonis artibus facile poterat, uereri saepe cogor, ne publica in commoda, & aduersi communium temporum casus, cursum optimae uoluntatis impendant; maximiq. inter homines operis, atque pulcherrimi perfectionem desideremus. nec uero, ubi resideat tanti mali culpa, reperire difficillimum est. optimis rebus difficultatem afferunt uitia nostra, ita Deo permittente, ut aliquando respiscamus. nam, si homines intelligerent, quod tu optime intelligis, Borromaeie prudentissime, quanti sit, ac semper fuerit, ab uno Deo expectare omnia, inania ducere, quae a nostris consilijs proficiscuntur: primum illud consequerentur, ut iucunde uiuerent, soluti molestissimis curis, quibus in omnium rerum affluentia ne magni quidem principes uacant: deinde, quae metuere solemus aduersa, ea uel nulla umquam acciderent, uel nullo statim negotio depellerentur. nunc aliter euenit. dum  
enim

enim a nostris ingenijs, opibusq. secundas res petimus; dum & magnificas aedes, & ingentem agri modum, & auri, argentiq. uim, quae ne bona quidem sunt, sola esse bona credimus; eaq. consecuti, quasi nobis dati sint obsides perpetuae felicitatis, ita nihil timemus incommodi; destituti saepe diuino praesidio, iure plectimur, e maxima laetitia in maximum luctus, miseramq. coniecti. uterer priuatis exemplis, nisi publica nimium etiam multa suppetere. Vidimus, graui Christianae Reip. damno, ardentem diu civili bello Germaniam: cum exitiosa discordiarum semina, mentibus iniecta multitudinis imperitae, principes ignari quid exsistere malorum posset, auctoritate, opibus, armis denique fouissent. inde sibi plebs infima, ut est cupida semper nouarum rerum, licentiam arbitratu suo uiuendi, simulatione ac specie religionis, arripuit. ex eo nequitia primum, & incestus, deinde uis, rapinae, caedes, quaeq. proposita impunitate nascuntur mala, passim consecuta sunt. pendent enim a diuinis humana iura. illa si contemnamus, haec non facile tuebimur: illa si labefactentur, haec statim corruent. sublato igitur, qui per tot saecula uiguerat, summi Dei cultu, perturbata sacrorum rituum uetere disciplina, locum suum retinere diutius nec honestas, nec pietas, potuit: periit fides, & omnis inopiae subleuandae consuetudo: illa uero, minimi pendentis humana omnia, uni Deo seruientis amini demissio, qua nulla magis hominem Christianum uirtus decet, quae,

quae, tamquam hesperus, aut lucifer inter sidera, sic ipsa inter uirtutes reliquas praecipue fulget, exstincta penitus est. tum & domestica bella, populis uarie dissidentibus, exorta: & externis hostibus, Christiano semper nomini crudeliter infestis, ad uniuersorum perniciem patefactus aditus est: quosq. antea tot ciuitatum, ac principum, integrae uires, atque coniunctae facile sustinere irruentes, ac repellere potuisset, nunc ut eorum impetum imminutae, atque distractae, ferre possint, sperandum uix est. Quid reliquae prouinciae? satis ne ualent, & alieno malo doctae sibi cauent? immo, quasi sit in dolore uoluptas, in exitio salus, ita se libenter in eandem flammam pleraeque coniiciunt. uincere iam coepit humanam medicinam morbus: proxima quaeque corrumpuntur: nec iam ullae possunt aut artes hominum, aut uires tantam pestem a finibus auertere. Gallia quidem, opibus antea florentissima, semper hostium religionis expultrix, semper inuadentibus Ecclesiam monstris inimica, nunc, alienatis multorum animis, deformata domesticis cladibus, adspectu miserabili, paene procliuus ad perniciem labitur. nec periculo uacant finitimae gentes: quae si forte, quod auertat diuina clementia, insanire coeperint; uerendum est, ne malum erumpat, quod ferri non possit. nec uero nos, nisi praesidio nitamur innocentiae, quo uno seruari possumus, & uincere, uel excelsa asperrimarum alpium iuga, uel amnes rapidi, aut munitae arces, lectaque militum copiae defendent. communibus remedijs,

communes depelluntur morbi : nunc , in extremis adducta discrimen salute publica, exquisitam quandam , & plane singularem curat ionem rei magnitudo postulat . corrupta iam pridem uitae ratio Deum offendit; eadem placabit emendata . huc igitur studia conferenda : huc intendendae sunt curae. quod quamquam ad omnes pertinet, cum in communi periculo cōmune officium requiratur: praecipuae tamen eorum partes uidentur esse, qui, summo in gradu dignitatis , atque honoris , tamquam in specula, constituti, oculis patent omnium mortalium, ut nulum prorsus eorum neque dictum, neque factum obscurum esse possit. Quaeramus, quarum rerum amore flagrauerint, aut quibus artibus aditū sibi in caelū aperuerint primi illi nostrae religionis antistites, quos ecclesiis moderandis praefecerat Deus: reperiemus eos, tamquam in hac uita peregrinarentur , ita semper, obuia quaeque contemnentes , ad caelestem patriam , optimiq. parentis Dei , qui nos ad se uocare numquam desinit, adspectum, amplexumq. properasse. quam multos e sacrarum litterarum monumentis, & ex memoria uetustatis licet eruere, quorū omnes uitae partes ea, quae nos in malis ponenda cēsemus, paupertas, exsilium, carcer, mors denique illustrauerit: cum saepe in maximis incommodis, atque adeo inter exquisitissima tormenta, corporis dolorē animi laetitia superāte, quam hoc suaue est, dicerēt, et immortalī Deo pro tam insigni munere gratias agerent. Non longe abeamus. est nē quisquā, aut esse potest

potest beato Caecilio Cypriano, cuius nunc emenda-  
tissima scripta emittimus, aut uitae sanctitate, aut  
mortis constantia maior, & clarior quam ille se ges-  
sit in omni uita abstinenter, & pie in Episcopi autē  
officio, ac munere quam non attigit, immo quam non  
absoluit magno dignā praeside uirtutem exstant de  
eo prodita litteris, aeternaeq. consignata memoriae  
praeclara sanctorum hominum testimonia: sed in re  
nota, atque ante oculos posita, testibus non egemus.  
uitae illius prope animatam imaginē in libris, quos  
reliquit, uerissimis expressam lineamentis intuemur.  
quātus est in tuēda Ecclesiae Catholicae dignitate?  
quā seuerus in retinenda uetere disciplina? quā acer  
in condemnādis nouarum opinionum actoribus, in  
contumacia insectanda, libidine comprimenda? quae  
sententiarum grauitas, uerborum uis, doctrinae prae-  
stantia? nemo ita languet, aut ita friget in cupidita-  
te summi boni, qui nō excitetur, et quasi facibus ad-  
motis, incendatur, cum eius epistolas legit. Iam reli-  
qua eius doctrina quos fructus affert, quam uberes,  
quam salutes? docemur exoriri calamitates omis-  
so ueri Dei cultu; haereses gigni Pontificis auctorita-  
te contempta; qui uirginitatem, & pudicitiam colat,  
ei proposita esse maxima in caelo praemia; qui Eccle-  
siae praesit, aperto animo ac simplici esse oportere,  
prudētia tamē ita tectum, ut insidus minime pateat  
communis inimici. planc omnes ueterum philosopho-  
rum libri, praeceptis referti comparandae uirtutis,  
si cum Cypriani sermonibus conferantur, inanes, &

pacne pueriles uidebuntur. Sumatur in manus, quae  
 de eleemosyna, ac benignitate litteris mandauis: fla-  
 tim omnes, si quae resident in mentibus nostris, auari-  
 tiae sordes exhauriri, & infundi eximiū erga paupe-  
 res amorē sentiemus. Grauis est, & late patet inui-  
 diae morbus: ut hic rationibus egregie curatur, ex  
 intima Theologia deprōptis. Vexamur calamitati-  
 bus, & aerumnis, quibus proposita est hominum ui-  
 ta: praeclaram audiamus Cypriani uocem ad patiē-  
 tiam cohortātis, exemplo multorum allato, qui nihil  
 acerbum, aut malum praeter culpam umquā duxe-  
 runt, & cum illo immenso sempiternae uitae lucro li-  
 benter omnes huius exiguae uitae fructus commuta-  
 uerunt. Exstat etiam ad Martyres, primum, ut cum  
 dolore pugnent, acerbissimisq. cruciatibus forti ani-  
 mu resistent, prudens & pia cohortatio; deinde,  
 quod morte uitam quaesierint, et ex hostibus Dei ui-  
 ctoriam reportauerint, amoris & gaudiū plena gra-  
 tulatio. Neque uero aliter sensit, aut sui dissimilem  
 se praebuit in extremo uitae die: sed, cum ita semper  
 uixisset, ut obscure, inglorieq. decedere non posset,  
 ita decessit, ut hoc uno uel obscurissimam uitam illu-  
 strare posset. Multa praetereo: nec sane persequi  
 conor omnia; ne suscepisse hoc uidear, ut Cyprianum  
 debitis ornem laudibus: quod, ut ego sentio, uel pro  
 eius dignitate nemo, uel solus ipse praestare posset.  
 Verum haec me commemoratio cum ipsa per se de-  
 lectauit, tum quod in ea beneficiū tui magnitudinem,  
 & praestantem ad bene merendum naturae propen-  
 sionem



sionem agnoscebam, qui totus in eam curam incubueris, ut omnia Cypriani scripta, mendis antea deformata, nunc in ueterem illam integritatem, ac speciem, accessito etiam Verona mirae uetustatis exemplari, accurata doctorum uirorum industria restitueretur. quo sane nomine, incredibile dictu est, quantum se tibi omnes boni debere fateantur. quamquam neque nunc primum, neque hoc uno tuos ad laudem impetus argumento cognoscimus. Omitto illa superiora, qualem te praestiteris in patria, qualem in Ticinensi gymnasio, cum, nihil praeter uerum decus, uerāque gloriam cogitans, Francisco Alciato, singularis doctrinae uiro, inris prudentiam publice profidenti, operam dares. sint haec in tuis laudibus minima: nō quia, si spectentur sola, maxima uideri non debeant: sed minora maioribus obscurantur; & angustior ille fuit privatae uitae campus, quam ut in eo tua uirtus commode posset excurrere. itaque, Romā traductus ad publica negotia, parē facultati materiam nactus, dum te fingis quo die ad exemplum sapientissimi Pontificis, auunculi tui, quotidie te ipsum uincis bene agendo, adiuuante naturae imitatione, quemadmodū sine praestanti natura parum proficeret imitatio. ab hac disciplina fluxerunt illa, quae quam paucis contingant omnia, ignorat nemo; in consilio grauitas, in laboribus patientia, nihil in potestate insolens, nihil in opum abundantia dissolutum; seuerissimis omnia continentiae legibus adstricta: ut ab eius personae, quam suslines, dignitate numquam o-

culos defletere, sed illud perfectum, absolutumq. decorum, cuius & studium, & splendor magna ex parte iam obsoleuit, assidue spectare uidearis. Iure igitur quotidie tibi summae res a summo Pontifice committuntur: iure se in tuam clientelam, quasi portum quendam in tantis horum temporum tempestatibus tutissimum, ac salutarem sperantes, conferunt omnes boni. tuum est, egentem patrocinio communem causam suscipere; & opinari, quod auunculus tuus, immortalitate dignus, iam pridem sibi persuasit, egregieq. praestitit, duas maxime res a Principe uiro postulari, unam, ne quid reprehensione dignum committat; in quo tu excellis omnium consensu; alteram, ne quid laude dignum praetermittat: quod aliquāto est optabilius, atque praestantius. nam, uacare culpa, est illud quidem, his praesertim moribus, egregium; cuiusmodi tamen, ut in priuati homini condicione subsistat, ad principis ornamenta nō perueniat. uera uirtus actione gaudet; uim suam longe lateq. diffundi, & propagari sua bona cupit; eoq. ipso alitur, & augetur. ceterae enim res, cum communicantur, minuitur: ex uirtute quantum ad alios manat, tantundem ad ipsam accedit. Quae tibi profecto saepe in mentem uenerunt; neque haec melius cuiusquam oratio, quam tu uita exprimis. me tamen cum incredibilis quaedam erga te obseruātia, ut Cypriani libros tibi inscriptos emitterem, adduxisset, eadem impulit obseruantia, & perpetuus in ipsam uirtutem amor, ut haec scriberem. tibi enim, quamquam neque cohorta-

tioni

tionis tuae bonitas, neque admonitioni prudentia locum reliquit, uerumtamen, ut studio meo satisfacerem, liberales disciplinas commendare cupiebam: reliquis autem, qui haec legent, quid ab excellentibus animi tui bonis sperari posset, significandum arbitrabar.

## I N . E D I T I O N E

## CONCILII . TRIDENTINI

QVI de Catholica fide recte sentiunt, fatentur omnes utilissimum fuisse hum. uno generi, atque adeo salutare Concilium Tridentinum; quod eximia summi Dei erga nos clementia; Pij 14. Pont. Max. sapientia singulari, mirifica Legatorum Cardinalium, qui praesumere, uigilantia, maximo etiam Imperatoris, Regum, Reipublicarum, Principum, & Patrum, qui interfuerunt, consensu, ita confectum absolutumque uidemus, ut exitiosam illam animorum pestem, quae quotidie serpebat latius, nunc quidem aliqua iam ex parte compressum esse, breui autem, ope diuina, cunctis populis & nationibus ad communem salutem consentientibus, prorsus tolli posse omnes cōfidāt. quo merito gratiae sunt habende primum immortalī Deo maximae, unde bona manant omnia, deinde Pio 14. qui hoc spectauit unum, & in hoc potissimum ab illo primum die, quo summam inter omnes homines potestatem, delatam diuinitus, accepit, fixit curas, & cogitationes omnes, ut com-

munibus malis generali Concilio mederetur:quo saepe remedio Christiana Resp. erumpentibus uitijs uecurrit, & impendentes ex dissensione, atque discordia calamitates euitauit. Hoc beneficium disseminari quamprimum, ac distribui per orbem terrarum, ad propagandam ueritatem, & diuulgandam Ecclesiae Chatholicae sententiam, necesse est. itaque nunc eduntur puri Canones, & ipsa Decreta, cum appēdice nulla: tantum ut ea cognoscantur, quae primum Sacrosancta Synodus, in Spiritu sancto legitime cōgregata, deinde Pontifex ipse confirmando seruari pariter ab omnibus in perpetuum iussit. nam reliqua Concilij acta, diligentissime per scribas publicos in ipso Concilio excepta, & litteris mandata, mox ita emittentur, ut, quaecumque res in controuersiam uenerit, quaecumque uel sententia dicta, uel oratio habita sit, omnia denique agitata, quae sita, deliberata, suo quidque loco, distincte, & abundanter exponantur. Interim accipe summam rei lector optime, quae ad salutem uehementer pertinet: uniuersam uero Tridentini Concilij, trium Pontificum distinctam temporibus, historiam, eodem, cuius ad gloriam haec omnia diriguntur, iuuante Deo, propediem expecta. nullam enim tanti negotij partem ignorare, non modo incundum est, uerum ad multa etiam utile, & accommodatum: quod aliorum Conciliorum lectio declarat. Romae, M D L X I V

## CLEMENTI. MONILIANO

## CARDINALI.

CUM tibi, Clemens Moniliane, Cardinalis amplissime, multis nominibus debeam, nullum tamen habeo tuae benignitatis argumentum illustrius, quam quod ingenij, doctrinaeque tuae thesauros, cum quibus nihil comparo, saepe mecum uel scriptis, uel sermone cōmunicas. quis enim est ita deditus rerum humanarum studijs, itaque falsae uoluptatis delentus illecebris, quem tua uox ad caelestium bonorum contemplationem, admirationemque non facile cōuertat? quem tua pietas, non adumbrata leuiter, sed expressa moribus, dictis, scriptisque tuis, ad uerae uirtutis amorem nō traducat? Quae cum ipse mecum cogito, quo nihil ad meam utilitatem facio libentius, ita mihi gratulor, ut ad multos, atque etiam, si fieri possit, ad omnes eundem fructum cupiam peruenire. caput enim illud religionis nostrae primū est, prodesse quā plurimis. ad hanc nos uoluntatem, & consuetudinem informauit, hac nos erudit disciplina magister omnium sapientissimus, aeternae salutis auctor & largitor, Christus. itaque, cum uolumen illud tuū Theologicarum Disputationum saluberrimis, sanctissimisque repletum documentis, anno superiore multis efflagitantibus impressum, tuaque mox industria ita locupletatum, ut aliud prope uideri posset, accurate legissem; admiratus rerum praestantiam, copiam,

uarietatem, ordinem; praesertim uero duos illos, nuper additos tractatus admodum egregios, unum de Caelibatu, alterum de Peccatis, quibus ne optare quidem melius quidquam licet; contendere a te coepi, ut eundem librum iterum ederes, et Catholicorum pias mentes aleres cibo iucundissimo; pestiferis autē haereticorum opinionibus, latius, quotidie serpentibus, pro ea facultate, quam tibi Deus optimus maximam tribuit, obfisteres. In quam sententiā cum tu iā antea tua sponte propēderes; (nihil enim tibi uel est, uel fuit umquā Sedis Apostolicae dignitate carius, nihil animarum cōmuni salute antiquius; eo spectāt studia tua; eo dirigis omnes curas: ) factum est, non tā meis, quam coniunctis multorum precibus, ut exirent denuo lucubrationes tuae, & frueretur non modo aetas nostra, sed etiā posteritas ipsa, minimo suo labore, maximis laboribus tuis. Cū enim tibi propositum fuerit, ea, quae ad uitam pie sanctaeque traducendam Christiano homini necessaria plane sunt, quae in numerabilibus prope libris dispersa, nec interdum satis dilucide tradūtur, in unum ita colligere, ut confusis ordinem, obscuris lumen, dubijs certam notitiā redderes; id ita consecutus es, ut hoc tuo libro, quod ad res attinet, nihil uberius, quod ad uerba, nihil breuius; addo etiam, quod in breuitate difficillimum est, nihil planius, apertius, communius esse possit. Quo quidem nomine & tibi, & Christianae Reip. uniuersae tantum gratulor, quantum res ipsa postulat: postulat autem, quantum cogitatione uix quisquam cōprehend



*prehendere, uerbis quidem assequi nemo potest.*  
*Romae, MDLXV. mense Sept.*

F I N I S.

221  
[Illegible text]

1 1 1

[Illegible text]

# INDEX . EORVM

AD. QVOS. MISSAE. SVNT

EPISTOLAE

A

ALEXANDRO Crispo.	331
Alfonso Carafae, Cardinali creato.	3
Aloysio Estensi, Cardinali creato.	323
Andreae Gostinio.	368
Andreae Patricio.	213.215.287
Andreae Siluio.	347
Andreae Zebridouio, Episcopo Cracouiensi.	187
Antonio Augustino.	75.76.77.79.81
Antonio Furnario.	384.385.386.411.423.452
Antonio Merlo.	255
Antonio Merulae.	412.449
Antonio Possuino.	46
Antonio Rolando.	310
Antonio Verantio, Episcopo Agriensi.	185
Augustino Angelello.	460

B.

BARTHOLOMAEO Riccio.	73
Benedicto Accolto, Cardinali.	245.247.248
Benedicto Rhamberto.	81
Bernardino Massco, Episcopo creato.	29

CAE

# I N D E X

## C.

<b>CAESARI</b> Ferrantio.	III
Camillo Palaeotto.	279.391.394.424
Carolo Borromacio, Cardinali.	<u>433</u>
Carolo Sigonio.	<u>313</u>
Claudio Strambonio.	<u>444</u>
Colae Antonio Caracciolo, Marchioni Vici.	352
Christophoro, Baroni Lobconiczio.	<u>454</u>
Christophoro Madrutio Cardinali.	<u>42</u>
Christophoro Ruso.	<u>390</u>
Christophoro Saxo.	<u>361</u>

## D.

<b>DACIO</b> Brancalconi.	382.383
---------------------------	---------

## F.

<b>FABIO</b> Stellae.	85.86
Federico Gallo.	<u>303</u>
Federico Viualdo.	457
Ferdinando Gratulae.	409
Francisco Gonzagae.	45
Francisco Luisino.	<u>33</u>
Francisco Mancino.	<u>416</u>
Francisco Molino.	125
Francisco Morando.	225.370
Fran-	

# I N D E X

<i>Francisco Plantedio.</i>	448
<i>Francisco Richardoto, Episcopo Atrebaten.</i>	337
<i>Francisco Robortello.</i>	329
<i>Francisco Seucro, Argentensi.</i>	234.362
<i>Francisco Vargae, Caroli V. Imp. oratori</i>	<u>56</u>

## G.

<i>GABRIELI Catiano.</i>	31
<i>Gassari Contareno, Cardinali.</i>	244
<i>Gulielmo Paccio.</i>	<u>266</u>

## H.

<i>HANNIBALI Caro,</i>	115.116.117.118
<i>Hannibali Cruccio.</i>	253
<i>Hieronymo Capiluppo, Episcopo Fanensi.</i>	317
<i>Hieronymo Faletto, Herculis, Ferrariensium Ducis,</i> <i>oratori.</i>	<u>59</u>
<i>Hieronymo Furnarino.</i>	100
<i>Hieronymo Lippomano.</i>	48.52.53
<i>Hierrnymo Seripando, Cardinali creato.</i>	<u>321</u>
<i>Hippolyto Estensi, Cardinali.</i>	123
<i>Horatio Cardaneto.</i>	<u>359.406</u>
<i>Horatio Vrsino.</i>	<u>295</u>

## I.

<i>IACOBO Falconio.</i>	450.461
<i>Iacobo</i>	

<i>Iacobo Grifolo.</i>	251
<i>Io. Antonio Seroni.</i>	354
<i>Io. Antonio Turoneo.</i>	300
<i>Io. Antonio Vulpio.</i>	462
<i>Io. Baptistae Arcucio.</i>	451
<i>Io. Baptistae Pastorio.</i>	90
<i>Io. Baptistae Pignae.</i>	258
<i>Io. Baptistae Rasario.</i>	308
<i>Io. Baptistae Rhamnusio, Xuirum Consilij a se-</i> <i>cretis.</i>	159
<i>Io. Baptistae Saracio.</i>	323
<i>Io. Baptistae Titio.</i>	348.400
<i>Ioanni Caselio.</i>	407.417.427
<i>Io. Francisco Commenduno, Cardinali creato.</i>	396
<i>Io. Francisco Cremonae.</i>	443
<i>Ioanni Genuae.</i>	399
<i>Ioanni Sambuco.</i>	240.241.260
<i>Ioanni Sario Zamoscio.</i>	340.344
<i>Ioanni Turritiano.</i>	345.350
<i>Ioanni Vincentio Pinello.</i>	93
<i>Iulio Bellogrado.</i>	320
<i>Iulio Iusto.</i>	372
<i>Iulio Pogiano.</i>	292

L.

<i>LAEVINO Torrecutio.</i>	102.226.283
<i>Laurentio Gambarae.</i>	228.264
<i>Lazaro Bonamico.</i>	265



# INDEX

## M.

MARCELLO Cernino, Cardinali	25
Marco Antonio Lombardino.	105
Marco Antonio Mureto. 126. 127. 128. 130. 132.	
133. 135. 136. 137. 138. 140. 141. 142. 143.	
145. 147. 149. 150. 151. 152. 153. 155. 157. 315	
Marco Antonio Natta. 163. 164. 166. 167. 168.	
169. 171. 172. 173. 174. 176. 179. 180. 181. 387	
Mario Corrado. 83. 137. 375. 376. 401. 403. 414.	
445	
Mario Nizolio.	68, 365
Michaeli Sophiano.	256
Michaeli Turriano, Cenetensi Episcopo.	182
Mucio Calino, Episcopo Interamniae.	422

## N.

NICASIO Castellano.	319, 356, 453
Nicolao Gotio.	359
Nicolao Nathanaelo.	220

## O.

OCTAVIANO Ferrario.	282. 297. 299. 306
---------------------	--------------------

P.

PAVLO Contareno.	36
Paulo Lupo.	457
Paulo Magnulo.	268.269.270
Paulo Sacrato.	327.380
Paulo Stemonio.	449.441
Petro Celso.	239
Petro Maffaeio	388
Petro Misconio, Sarmatarum Regi cōsiliario.	189.
285.342.455	
Petro Perpiniano.	404.427
Pio IV. Pontifice creato.	275
Pio IV. Pontifici Max.	430

R.

RAINVIO Farnesio, Cardinali Creato.	1
Romulo Cervino.	43.221

S.

SEBASTIANO Leoni.	103.271
Siluestro Aldobrandino.	272
Silvio Antoniano.	71
Stanislav Fogeluetrio.	288
Stephano Saulio.	5.11.16

# I N D E X

V I D O Fabro.	22
Vido Gualterio.	420
Vido Lolgio.	113
Vido Pancirolo.	197
Vincentio Macario.	442
Vincentio Ricio a Spe.	463.464.465.466.
468.469	
Vincentio Stellae.	90.92

## Z.

### ZERBINO Ritio.

\* 93.94.95.96 98.199. 201.203.204.205.  
206.207. 208.209.211.212.217.218.219.  
223.232.233.263.289

\* Episcopo creato. 378

Scripsit hanc,rogatus a nobilissimo uiro. 332

Scripsit hanc,a Principe rogatus 434

Ex libro de quattuor Rebuspub. 60

7.

22	1100
40	1100
113	1100
107	1100
442	1100
463. 602. 603. 604.	1100
605	1100

8.

702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 841. 842. 843. 844. 845. 846. 847. 848. 849. 850. 851. 852. 853. 854. 855. 856. 857. 858. 859. 860. 861. 862. 863. 864. 865. 866. 867. 868. 869. 870. 871. 872. 873. 874. 875. 876. 877. 878. 879. 880. 881. 882. 883. 884. 885. 886. 887. 888. 889. 890. 891. 892. 893. 894. 895. 896. 897. 898. 899. 900. 901. 902. 903. 904. 905. 906. 907. 908. 909. 910. 911. 912. 913. 914. 915. 916. 917. 918. 919. 920. 921. 922. 923. 924. 925. 926. 927. 928. 929. 930. 931. 932. 933. 934. 935. 936. 937. 938. 939. 940. 941. 942. 943. 944. 945. 946. 947. 948. 949. 950. 951. 952. 953. 954. 955. 956. 957. 958. 959. 960. 961. 962. 963. 964. 965. 966. 967. 968. 969. 970. 971. 972. 973. 974. 975. 976. 977. 978. 979. 980. 981. 982. 983. 984. 985. 986. 987. 988. 989. 990. 991. 992. 993. 994. 995. 996. 997. 998. 999. 1000.	1100
---	------

873	1100
874	1100
875	1100
876	1100
877	1100
878	1100
879	1100
880	1100
881	1100
882	1100
883	1100
884	1100
885	1100
886	1100
887	1100
888	1100
889	1100
890	1100
891	1100
892	1100
893	1100
894	1100
895	1100
896	1100
897	1100
898	1100
899	1100
900	1100
901	1100
902	1100
903	1100
904	1100
905	1100
906	1100
907	1100
908	1100
909	1100
910	1100
911	1100
912	1100
913	1100
914	1100
915	1100
916	1100
917	1100
918	1100
919	1100
920	1100
921	1100
922	1100
923	1100
924	1100
925	1100
926	1100
927	1100
928	1100
929	1100
930	1100
931	1100
932	1100
933	1100
934	1100
935	1100
936	1100
937	1100
938	1100
939	1100
940	1100
941	1100
942	1100
943	1100
944	1100
945	1100
946	1100
947	1100
948	1100
949	1100
950	1100
951	1100
952	1100
953	1100
954	1100
955	1100
956	1100
957	1100
958	1100
959	1100
960	1100
961	1100
962	1100
963	1100
964	1100
965	1100
966	1100
967	1100
968	1100
969	1100
970	1100
971	1100
972	1100
973	1100
974	1100
975	1100
976	1100
977	1100
978	1100
979	1100
980	1100
981	1100
982	1100
983	1100
984	1100
985	1100
986	1100
987	1100
988	1100
989	1100
990	1100
991	1100
992	1100
993	1100
994	1100
995	1100
996	1100
997	1100
998	1100
999	1100
1000	1100

# INDEX . EORVM

AD. QVOS. MISSAE. SVNT

PRAEFATIONES

<i>Ad Alexandrum Caesarinum, Card.</i>	18
<i>Ad Alphonsum Carasam, Antonij, Marchionis Montisbelli F.</i>	44
<i>Ad Aloysium Garzonium.</i>	99
<i>Ad Antonium Carlonem, Allifarum Princi- pem.</i>	105.
<i>Ad Antonium Aelium, Polae Episcopum.</i>	56.
<i>Ad Antonium Triultium, Card.</i>	93
<i>Ad Benedictum Accoltum, Card.</i>	11
<i>Ad Benedictum Rhambertum.</i>	27
<i>Ad Carolum Borromaeum, Card.</i>	127
<i>Ad Carolum Pisaurium.</i>	7
<i>Ad Clementem Monilianum, Card.</i>	137
<i>Concilij Tridentini praefatio.</i>	135
<i>Ad Diegum Hurtadum de Mendoza, Caroli V. Imp. orat.</i>	30
<i>In librum Francisci Vargas.</i>	124
<i>Ad Gulielmum Bellaium Langeum, apud Sub- alpinas gentes prorege.</i>	15
<i>Ad Hieronymum Faletum, Herculis, Ferrari- ensium Principis, oratorem.</i>	73

# I N D E X

<i>Ad Ioannem Moruillerium, Regis Gallorum o- rat.</i>	63
<i>Ad Isabellam Villamarinam, Salernitani Prin- cipis coniugem.</i>	79
<i>Kalendarij Romani praefatio.</i>	71
<i>Ad Marcellum Ceruinum, Card.</i>	35
<i>Ad Matthaeum Senaregam.</i>	3
<i>Ad Michaellem Ghislerium, Card.</i>	103
<i>Ad Paulum Rhamnufium.</i>	86
<i>Ad Pium IV. Medicem Pont. Max.</i>	111
<i>Ad Rainutium Farnesium, Card.</i>	39
<i>Ad Torquatium Bembum, Petri F.</i>	81



SERIES. CHARTARVM

A B C D E F G H I K L M N O P Q R S T V  
X Y Z A A B B C C D D E E F F G G H H.

a b c d.

A B C D E F G H I K.

*Omnes sunt quaterniones. praeter H H, & K.  
qui sunt duerniones.*

VENETIIS ∞ DLXXI

ALDVS. MANVTIVS. PAVLE. P. A. N.

SERIES. CHART A R V M

THE ROYAL CHARTERED  
NAVY OFFICE  
LONDON



AL DVS  
VENETI

MASSACHUSETTS